



# ভাৰতে ইংৰাজ ।

OR

## Ôhe English in India.

---

“পুৰাণমিতোব ন সাধু সৰ্বং  
ন চাপি সৰ্বং নবমিত্যবজ্ঞম্ ।  
সন্তঃ পরীক্ষ্যাত্ততদ্ ভজন্তে  
যুতঃ পরপ্রত্যয়নৈববুদ্ধিঃ ॥”

BY

**Krishnapada Vidyaratna M.R.A.S. (London**

*Senior Professor of Sanskrit, Ravenshaw College*

*Author of Victoriacharitum, Asru &c.*

---

**Gupta Press.**

Printed by P. C. Das.

*221 Cornwallis St, Calcutta,*

and Published by Mitra & Co

*213 Cornwallis Street.*

# **CONTENTS.**

	Pages.
<b>CHAPTER I.</b>	
A short History of the British in India.	1
<b>CHAPTER II.</b>	
Legitimacy of British Sovereignty in India.	7
<b>CHAPTER III.</b>	
Pax Britannica.                      ...                      ...	12
<b>CHAPTER IV.</b>	
The System of Executive Government. ...	20
<b>CHAPTER V.</b>	
The Reign of Law.                      ...                      ...	27
<b>CHAPTER VI.</b>	
The august Impartiality of British rule.	35
<b>CHAPTER VII.</b>	
Famine.                      ...                      ...	...43

**CHAPTER VIII.**

The British world-empire. ... 59

**CHAPTER IX.**

The manifold blessings of British rule : Education, Postal system, Railways, Telegraph, &c. 69

**CHAPTER X.**

Views of some leading men. ... 79

## PREFACE.

Sometime ago, in the course of a conversation with the Hon'ble Mr. Duke, Chief Secretary to the Government of Bengal, then Commissioner Orissa Division, I made the suggestion that a book should be brought out in Bengali, containing genuine loyalist views on the leading subjects of discussion at the present day. I availed myself of an opportunity to speak of this matter to His Honour the Lieutenant-Governor of Bengal at Darjeeling in June last ; and on his Honour graciously intimating his approval, I began writing this book.

So far as I am aware, no systematic attempt has been made to explain to Bengali boys in satisfying detail the benefits received by our countrymen at the hands of our present rulers. Many generations have come and gone since the dark days of Siraj and Hyder—the invasions of Nadir and the incursions of the Bargaris ; and although with the little knowledge picked up from school manuals we often talk glibly of Clive and Omichand, of Hastings and Nanda kumar, few of us can adequately realise the

state of things from which India was rescued by British valour and intelligence, with the earnest co-operation of the people in many cases and their thankful acquiescence in others.

I shall consider myself amply repaid for the labour I have bestowed on the composition of this work, if it serves in any measure, however slight, to counteract the efforts of those who have of late been deliberately and zealously preaching the cult of race-hatred and ill-will to the Government, as the sovereign remedy for all political and economical evils. It cannot unfortunately be denied that this cult has become fashionable amongst certain sections of our countrymen especially those who are young.

At the same time I have not forgotten the claims of nationalism, and have sought to inculcate the duty of making earnest and persevering efforts to promote the weal and prosperity of our motherland. I trust my readers will realise how great a mistake it is to fancy that this duty is at all inconsistent with an appreciation of the blessings of British rule ; for I have tried to show that the good of our country can best be accomplished with the support and co-operation which our Government is only too willing to extend to all genuine

Swadeshi enterprise, and that no people can hope to rise in the scale of nations except through the united efforts of the rulers and the ruled.

A careful reading of my book will correct the impression that might be hastily formed, that its object is to flatter the ruling race. I have not hesitated to speak out my mind or freely make suggestions for the further improvement of the present state of things, wherever they occurred to me as feasible. But I have sought carefully to avoid the prevailing tendency to look only at one side of a question, and have, to the best of my knowledge and in all good faith, stated the facts and arguments that are often ignored in discussing subjects of great importance.

The figures quoted in this book have been verified by comparison with those given in works enjoying a considerable vogue among my countrymen, such as Gupta's *History of India* and Sakharam Babu's *Deshar katha*.

I am grateful to Mr. Levinge, Commissioner, Orissa Division, for the interest he has taken in this book and the instructions with which he has favoured me on several points.



I am glad to express my obligations to Prof. U. N. Maitra. M. A. who has furnished me with certain suggestions.

I must also mention here that my younger brother Srijut R. Vidyabagisa, Head Pundit of the Hare School, has from time to time helped me in compiling the historical information which this book contains.

Ravenshaw College,  
CUTTACK.  
*The 12th October, 1908.*

}

K. P. VIDYARATNA



# ভারতে ইংরাজ !

## প্রথম পরিচ্ছেদ ।

ইংরাজ আধিকারের সংক্ষিপ্ত ইতিহাস ।

১৬০০ খৃষ্টাব্দের ৩০ ডিসেম্বর ইংলণ্ডের এলিজাবেথের অনুমতি লইয়া কতিপয় ইংরাজ ষ্ট্রটইণ্ডিয়াকোম্পানি নামে বাণিজ্য করিতে ভারতবর্ষে আগমন করেন । বাণিজ্যের প্রতি-  
দ্বন্দ্বিতাসূত্রে ইংরাজকোম্পানিকে প্রথম প্রথম ওলন্দাজের  
নিকটে বিশেষ নিগ্রহ সহ্য করিতে হইয়াছিল । এমন কি,  
ওলন্দাজগণ কয়েক জন ইংরাজকে নির্দয়ভাবে প্রহার এবং  
কয়েকজনের প্রাণনাশ করিতেও কুষ্ঠিত হইল না । নিগৃহীত  
হইয়াও ইংরাজ বণিক কৰ্তব্যপথ হইতে অলিত হন নাই ।  
সুদৃঢ় কৰ্তব্যনিষ্ঠা ও অধ্যবসায়গুণে ইংরাজেরা দরাময় ঈশ্বরের  
প্রীতিলাভন হইয়া বাণিজ্য করিতে লাগিলেন ।

১৬৩৯ খৃষ্টাব্দে ইংরাজ দাক্ষিণাত্যে চন্দ্রগিরিরাজের নিকটে চিনাপট্টনম্ বা মাস্ত্রাজ ক্রয় করিয়া, বাসের সুবিধার জন্য তথায় দুর্গ নিৰ্ম্মাণ করিলেন। পশ্চিম উপকূলে সুরাট বা বোম্বাই প্রদেশেও ইংরাজ ন্যায্য অধিকার স্থাপনপূর্ব্বক ১৬৬৩ খৃষ্টাব্দ হইতে রীতিমত বাণিজ্য করিতে লাগিলেন।

স্বজাতিপ্রিয় ইংরাজ এইরূপ বণিক্বেশে এদেশে আসিয়া বিবিধ প্রকারে ভারতবাসীর সহিত বাহিরে মিশিতে লাগিলেন এবং প্রতিভাবে বাদশাহের দরবারেও প্রবিষ্ট হইলেন। ডাঃ বোর্টন শাহজাহার কন্য়ার পীড়া শাস্তি কবিলে বাদশাহ তুষ্ট হইয়া তাঁহার নিকটে উপযুক্ত পারিতোষিক প্রদানে ইচ্ছা প্রকাশ করিলেন। স্বদেশহিতৈষী ইংরাজ নিজের জ্ঞাত কিছু না চাহিয়া, স্বদেশের উপকারার্থে জাতীয় বণিক্ সম্প্রদায়ের বিনা শুদ্ধে বাণিজ্য করিবার অধিকার প্রার্থনা করিলেন। বাদশাহও তৎক্ষণাৎ তাহা অনুমোদন করিলেন। দয়ালু বাদশাহের নিকটে তখন একটী প্রদেশ চাহিলেও ডাক্তার সাহেবের তাহা দুর্লভ হইত না। কিন্তু ইংরাজের হৃদয় তত অনুদার নহে, তাই তিনি স্বজাতির জন্য যাহা করিলেন, তজ্জন্য তিনি চিরস্মরণীয় হইয়া রহিয়াছেন। মানবের অর্থ দেহ ও প্রাণ সকলই নথর, কিন্তু সুবিহিত কার্য্য দ্বারা মানুষ মরিয়াও চির অমরত্ব লাভ করিতে পারে।

উদয়ধি ইংরাজ বাজালায় বিভিন্ন স্থানে কুঠী স্থাপন পূর্ব্বক বিনা শুদ্ধে বাণিজ্য করিতে লাগিলেন। এ অবস্থায় ইংরাজ

মুসলমানশাসনকর্তাদিগের নিকটে মধ্যে মধ্যে বিশেষ রূপে নিগৃহীত হইলেও কর্তব্য কার্যে হতোদ্যম হন নাই । সায়েস্তা খাঁ ইংরাজের বিরুদ্ধে সৈন্য প্রেরণ করিলে তাঁহারা ভাগীরথী-তীরস্থিত স্মৃতানটী গ্রামে আসিয়া উপস্থিত হন এবং জমী-দারেরা বিরুদ্ধাচরণ করিতে আরম্ভ করিলে আত্মরক্ষার জন্য কলিকাতায় ফোর্ট উইলিয়ম দুর্গ নিৰ্ম্মাণ করিয়া পূর্ববৎ বাণিজ্য করিতে থাকেন । ইংরাজ এইরূপে বোম্বাই সাম্রাজ্য ও বাঙ্গালার অনেক স্থানেই একরূপ স্বপ্রধানভাবে কার্য্য করিতে লাগিলেন এবং ১০০ শত বৎসরের মধ্যে কলিকাতার নিকটবর্তী কয়েকটী গ্রামের স্বত্ব ক্রয় করিলেন । কালক্রমে বাদসাহের পরিবর্তন ঘটিলে ডাঃ হ্যামিল্টনের স্বজাতিপ্রেম-গুণে ইংরাজ আবার সর্বত্র বিনা শুধু বাণিজ্য করিবার অধিকার পাইলেন ।

ইতিমধ্যে ফরাসী ও দিনেমারেরাও ভারতবর্ষে আসিয়া বাণিজ্যের সূত্রপাত করেন । এই সূত্রে দাক্ষিণাত্যে ইংরাজ ও ফরাসীর মনোমালিন্য হইয়া যুদ্ধ উপস্থিত হয়, ও অবশেষে ইংরাজই জয় লাভ করেন । \* যুদ্ধস্থলে সেনাপতি মিঃ লরেন্স সৈনিক বিভাগে নিযুক্ত ক্লাইবের § সাহসিকতা ও কর্তব্য-

\* তৎকালে ইউরোপেও ইংরাজ ফরাসীতে যুদ্ধ বাধিয়াছিল ।

§ ইনি প্রথমে কেরাণী হইয়া আসিয়া পরে সৈনিক বিভাগে নিযুক্ত হন ইহারই প্রতিভাবে ভারতে ইংরাজ রাজ্য প্রতিষ্ঠিত । ইমিই পরে লর্ড হইয়াছিলেন ।

নিষ্ঠায় বিশেষ প্রীত হন । গুণীর গুণ ঢাকা থাকে না ; বহিঃ কতক্ষণ ভস্মাবৃত থাকিতে পারে ?

১৭৫৬ খৃষ্টাব্দে বাঙ্গলার তরুণ বয়স্ক নূতন নবাব সিরাজ-উদ্দৌলার অত্যাচারে কাশিমবাজার ও কলিকাতাস্থিত ইংরাজ-গণ নানারূপে উৎপীড়িত হইলে মাস্তোজ হইতে ক্লাইব সেনাপতি হইয়া আসিয়া তাহার যথোচিত প্রতীকার করিতে যত্নবান হইলেন । ক্লাইব বাহুবলে কলিকাতার দুর্গ পুনরায় অধিকার করেন । পরে ফরাসীদের চন্দননগরের কুঠী লুট করিলে নবাব যুদ্ধে প্রস্তুত হন । পলাশীতে উভয় পক্ষের যুদ্ধ হয় । ক্লাইবের সাহস ও কৌশলে সিরাজ রণক্ষেত্র হইতে পলায়ন করিলে সেনাপতি মিরজাফরের সাহায্যে ক্লাইবের জয় হয় । p

বণিক ইংরাজ নিজের ইচ্ছামত বাঙ্গলার সিংহাসনে পর পর দুই তিনটী নবাবকে বসাইলেন । পরে দিল্লীর বাদশাহের নিকটে বাঙ্গলা-বেহার-উড়িষ্যার দেওয়ানী সনন্দ লাভ করিয়া নিজেই বঙ্গদেশ শাসন করিতে লাগিলেন । ইহাই ইংরাজ-জাতির ভারতসাম্রাজ্যের প্রথম সূত্রপাত । ক্রমে এই ভারত-বর্ষকে রীতিমত বশীভূত করিতে ইংরাজ কোম্পানিকে অনেক বেগ সহ্য করিতে হইয়াছে । অনেক স্থানে রক্তপাত ও প্রাণ-

p নূতন নবাবের অত্যাচারে রাজা, জমীদার, বণিক ও নবাবের অনেক কর্মচারী আন্তরিক চট্টয়াছিল । মিরজাফর অনেক অবমাননা সহ করিয়াছিলেন এবং সিরাজউদ্দৌলাকে পদচ্যুত করিয়া নিজে নবাবী সিংহাসন পাইবার আশায় ইংরাজের সহিত গোপনে সন্ধি করেন ।

পাত করিয়া অবশেষে ইংরাজ এই বিশাল ভারতভূমির এক-চ্ছত্রাধিপতি হইতে পারিয়াছেন ।

কোম্পানির প্রথম আমলে এদেশে উপকারের সঙ্গে সঙ্গে অপকারও হইয়াছিল । তদানীন্তন প্রজারা যে বিশেষ উৎপীড়িত হইবে তাহা বিচিত্র নহে । ইংরাজ বাণিজ্য করিতে এদেশে আসিয়া সৌভাগ্যবলে যখন এদেশের সর্ব্বময়কর্ত্তা হইলেন, তখন জাতীয় বাণিজ্যের উন্নতির দিকেই তাঁহার প্রধান লক্ষ্য হইল । তাহা করিতে গিয়া এদেশীয় শিল্পী ও শিল্পের অনিষ্ট সংঘটন অনিবার্য্য হইয়া পড়িল । ইংলণ্ডের স্বয়ং বাহুবলে ভারত অধিকার করিলে, ভারতের প্রতি প্রথম হইতেই ইংরাজের প্রজাবাৎসল্য স্বাভাবিক হইত । ভারতবর্ষ ইংলণ্ডের বাজার কতিপয় ব্যবসায়ী প্রজার উপার্জিত সম্পত্তি ।

১৮৫৭ খৃষ্টাব্দের সিপাহী, বিদ্রোহানল প্রশমিত হইলে ১৮৫৮ খৃষ্টাব্দে মহারাণী ভিক্টোরিয়া কোম্পানীর হস্ত হইতে ভারতসাম্রাজ্যের শাসনভার স্বয়ং গ্রহণ করেন । ঐ বৎসর ১লা নবেম্বর মহারাণী যে ঘোষণাপত্র পাঠ করেন, তাহার মর্ম্ম অবগত হইলে উদারতা ও আয়পরতা গুণে মুগ্ধ হইয়া সকলকেই ইংরাজের চিররাজত্ব কামনা করিতে হইবে । ঘোষণার স্থূল মর্ম্ম এই—

“গুণানুসারে জাতি-ধর্ম্ম-বর্ণনির্ব্বিশেষে এবং ব্রিটনবাসী অন্যান্য প্রজার আয় ভারতীয় প্রজারা সকল অধিকার ও উচ্চ পদ পাইতে পারিবে । ভারতীয় প্রজার সুখ সম্ভাষণ ও সর্ব্বা-

জীন উন্নতির জন্যই ভারতসাম্রাজ্য শাসিত হইবে। ভারতে প্রজাদিগের শ্রীবৃদ্ধি হইলেই, আমি আপনাকে প্রবল ও পরাক্রান্ত মনে করিব, প্রজারা সমৃদ্ধ থাকিলেই, আমি আপনাকে নিঃশঙ্ক ও নিরাপদ ভাবিব এবং প্রজারা সুশাসনে শ্রীত হইয়া যে কৃতজ্ঞতা ও রাজভক্তি দেখাইবে, তাহাই আমি সর্বোৎকৃষ্ট পুরস্কার জ্ঞান করিব। বিভিন্ন ধর্মাবলম্বী ভারতীয় প্রজারা স্ব স্ব ধর্ম সম্মত কার্য্য করিতে পারিবে এবং আমার অধিকারে সকলই তুল্যরূপে রক্ষিত ও প্রতিপালিত হইবে”।





## দ্বিতীয় পরিচ্ছেদ ।

দৈবং পুরুষকারশ্চ কালোহি বলবত্তরঃ ॥

আধিকারের ন্যায্যতা ।

পূর্ব পরিচ্ছেদে ভারতে ইংরাজ অধিকার সংক্ষিপ্তভাবে বর্ণিত হইল । ইতিহাস পাঠক বিস্তৃত বিবরণ জানিতে পারিবেন । তখন বুঝিবেন ভারতের উপরে ইংরাজের স্বত্ত্ব আঘাত । ইংরাজ বৈদেশিক বিভিন্ন জাতীয় বণিক্ হইয়া, অধ্যবসায় ও কর্তব্য-নিষ্ঠাগুণে প্রথমে এ দেশীয় লোকদিগের হৃদয়রাজ্য অধিকার করিতে না পারিলে, অল্প লোকের সাহায্যে কি কখন এই বিশাল ভারতসাম্রাজ্যের উপরে এরূপ প্রভুত্ব স্থাপন করিতে পারিতেন ? ইংরাজের দৃঢ়তা কর্তব্যনিষ্ঠা প্রভৃতি গুণে তদানীন্তন জগৎশ্রেষ্ঠ, মহারাজ কৃষ্ণচন্দ্র প্রভৃতি দূরদর্শী বুদ্ধিমানেরাও বিমুগ্ধ হন এবং রাজ্যশাসনকারী বিলাসী ও অব্যবস্থিতিচিন্তা নবাবের কার্য্যে বীভৎস হইয়া সাম্রাজ্য রক্ষার জন্য ইংরাজের শরণাগত হন । ইহারা বাগিজের সুবিধার জন্য মাদ্রাজ বোম্বাই ও বাল্লারি কয়েকটা গ্রামের ভূমি-স্বত্ত্ব জন্ম করেন ।



বঙ্গীয় নবাবদিগের শাসন কার্যের বিশৃঙ্খলাবশতঃ দিল্লীর বাদসাহের নিকট হইতে দেওয়ানীসনন্দ লইয়া বঙ্গ, বেহার ও উড়িষ্যা শাসন করিতে আরম্ভ করেন । ক্রমে কৰ্ম্মবীর ইংরাজ যুদ্ধ বিগ্রহ দ্বারা খণ্ড খণ্ড রাজ্য সকল জয় করিয়া এই বিশাল ভারতভূমির অধীশ্বর হইয়াছেন । দৈবের ইচ্ছায় একধর্ম্মী ইংরাজ ঐক্যমন্ত্রে দীক্ষিত ও অলৌকিক অধাবসায় গুণে পুরুষকারসম্পন্ন । সময়ও অমুকূলভাবে সাহায্য করিয়াছে । তাই দৈব, পৌরুষ ও কালের বশবর্তী ভারত আজ ইংরাজের অধীন ।

‘বীরভোগ্যা বসুন্ধরা’ আজ কৰ্ম্মবীর ইংরাজের অধিকারে । যে জাতি বণিক্ বেষে এদেশে আসিয়া এই বিশাল সাম্রাজ্যেব সম্রাট্ হইতে পারিয়াছেন সে জাতির প্রতিভা ও সৌভাগ্যবল কি প্রশংসনীয় নহে ? শাস্ত্রে আছে রাজা বিষ্ণুর মূর্ত্তি বা দিক্‌পালেব অংশ, অতএব সকলের ভক্তি ও সম্মানের পাত্র । কৰ্ম্মচারীদিগের ব্যক্তিগত দোষে রাজ্যেশ্বরের রাজ্যবিধানে দোষানোপ করা কি উচিত ? জ্যেষ্ঠ ভ্রাতার কুপরামর্শে চালিত পিতা কর্তৃক যদি কখন কনিষ্ঠ পুত্র অত্যাচারপেই শাসিত হয়, তাহা হইলে সে কি পিতার বিরুদ্ধে দণ্ডায়মান হইবে, না বিনয় ও নম্রতার সহিত পিতার নিকটে নিজের ক্রেশ জানাইবে ? যে ভারতে রামচন্দ্র রাজ্যাধিকারী হইয়াও পিতার অঙ্গীকার স্মরণ করিয়া অভিষেকের দিনে বনে গমন করেন, যে ভারতে প্রজাগণ রাজাকে বিষ্ণু ভাবিয়া ভক্তির সহিত বরাবর পূজা করিয়া

আসিতেছে, সেই পবিত্ৰ ভাৰতে জন্ম গ্ৰহণ কৰিয়া বিনয় ও নম্ৰতা কি একেবাৰে ভুলিয়া যাওয়া উচিত ? যিনি যখন রাজা, তিনি আমাদেৰ ভক্তিকৰ পাত্ৰ । শাসনেৰ দোষ উপলব্ধি হইলে বিনয়েৰ সহিত রাজা বা রাজকৰ্ম্মচাৰীৰ নিকটে তাহ জানান যাইতে পাৰে । এ জন্ম অবিনয় ও অশিষ্টাচাৰ প্ৰকাশ কৰা কোন মতেই উচিত নহে ।

ইতিহাস-পুৰাণ পাঠেও দেখা যায়, ‘জোৰ য়াৰ মুল্লুক তাৰ’ । স্বৰ্গবাজোৰ অধীশ্বৰ সূৰেন্দ্ৰকেও মধ্য মধ্য অশ্বৰ কৰ্ত্তক বিতাড়িত হইয়া রাজ্যভ্ৰষ্ট হইতে হইয়াছিল । ক্ষত্ৰিয় জাতীয় হিন্দুবাজাকেই বিষ্ণুৰ ন্যায় মান্য কৰিতে হইবে একুপ কথা কোণায় আছে ? গুণানুসাৰেই জাতি ও বৰ্ণ বিভক্ত হইয়াছে । ৰামায়ণে লেখা আছে যে, ‘চণ্ডালমপি বৃন্তস্থং তং দেবাঃ ব্ৰাহ্মণং বিদুঃ’ (১) । অতএব ইংৰাজ বৈদেশিক হইলেও ক্ষত্ৰিয়োচিত গুণেৰ জন্ম ক্ষত্ৰিয় উপাধানে সৃষ্ট নয় কে বলিতে পাৰে ? অপিচ পূৰ্বেৰ ক্ষত্ৰিয় ভিন্ন অগ্ৰ জাতি ও এই ভাৰতে রাজত্ব কৰিয়া গিয়াছেন । ভাৰতৰ উপৰে আৰ্যাদিগেৰ একচেটিয়া অধিকাৰ কখনই ছিল না । হিন্দু, বৌদ্ধ ও মুসলমান পৰ পৰ ভাৰতেৰ রাজা হইয়া আসিতেছেন । বৈদেশিক মুসলমান ক্ৰমে ক্ৰমে এদেশে

---

(১) বৃন্তস্থ অৰ্থে সৰাচাৰ শৌচ সম্পন্ন পূৰ্বেৰ সৰ্ব্বাধৰ্ম পৰিত্যাগ কৰিয়া স্ব স্ব কৰ্ত্তব্যকাৰ্য্যপৰায়ণ কৰিলেই অৰ্থ উদাৰ হয় ।

বহুকাল বাস ও বৈবাহিকসূত্রে আবদ্ধ হইয়া এদেশীয় হইয়া গিয়াছেন ।

ইতিহাসাভিজ্ঞমাত্রকেই ভারতের উপরে ইংরাজের ন্যায্য স্বত্ব স্বীকার করিতে হইবে । সাম, দান, ভেদও দণ্ড লইয়াই রাজনীতি । রাজা অধিকার করিতে গেলে সকলকেই এই নীতি অবলম্বন করিতে হয় । বৈদেশিক ইংরাজও যদি এই নীতি অনুসরণ করিয়া ভারত জয় করিয়া থাকেন দোষ কি ?

জাপানীরা গুপ্তভাবে সমুদ্র মধ্যে মাইন্ রাখিয়া রুষের বড় বড় রণপোত জলমগ্ন করিয়া দিল । এইরূপে অল্প সংখ্যক জাপানী অশুরতুলা রুষ সেনাদিগকে পরাজয় করিতে বৈধ অবৈধ বিবিধ উপায় অবলম্বনে তবে কৃতকার্য হইয়াছেন । পরে যুদ্ধের চরম ফল দেখিয়া কোন্ সভ্যজাতি জাপানীর বুদ্ধি, সাহস ও বলের প্রশংসা না করেন ? যুদ্ধ মাত্রই কূটনীতিময় । মহা-ভারতের যুদ্ধ পর্ব্বগুলি পাঠ করিলেই জানা যায় যে পূর্ব্বেও যুদ্ধস্থলে কূটনীতি অবলম্বিত হইত ।

“ইংরাজ বৈদেশিক, আমরা ভারতবাসী, ইংরাজ অন্যায় পূর্ব্বক আমাদের ভারত অধিকার করিয়াছেন,” এই কথা যিনি বলেন তাঁহার পৌরাণিক রাজাদিগের পৃথিবী জয়ের কথা স্মরণ করা উচিত । পূর্ব্বেও শক্তিশালী রাজারা বলপূর্ব্বক পৃথিবী জয় করিয়া একাধিপত্য করিতেন । তৎকালে যানাদির অনুবিধার জগ্ন আধিপত্য এখনকার ইংরাজের শ্রায় না হইলেও বিজিত দেশের রাজাকে মণ্ডলাধিপতি জেতা রাজার নিয়মানুসারেই রাজ-

কার্য্য করিতে হইত। সকল মানবেরই পৃথিবীর উপরে সমান অধিকার আছে। বন্ধেশের বঙ্গ ও পাঞ্জাবেশ্বরের পাঞ্জাব ব্যক্তিগত সম্পত্তি নহে। বল ও কৌশলপূর্ব্বক যিনি যে দেশ অধিকার করিবেন এবং সূশাসনগুণে প্রজাদিগকে সুখে রাখিবেন, তিনিই তখন সে দেশের রাজা। নতুবা ‘বীরভোগ্যা বসুন্ধরা’ এ কথা নিরর্থক হইত। পক্ষান্তরে প্রায় এক শতাব্দী অতীত হইল, বঙ্গবাসী নবাবের শাসনপ্রণালীতে বিরক্ত এবং মহারাষ্ট্র কর্তৃক লুণ্ঠিত হইয়া, তদানীন্তন হিন্দু রাজাদিগকেও উপেক্ষা পূর্ব্বক, ইংরাজের শাসনে সুখসমৃদ্ধির আশ্রয় এদেশে ইংরাজের প্রভুত্ব বাড়াইতে কি সাহায্য করেন নাই এবং সেই সূশাসনের সুফল কি এখনও আমরা ভোগ করিতেছি না ?

রাজনীতিবিৎ কৰ্ম্মবীর ইংরাজ আজ আমাদের ভারতের রাজা। দৈবের ইচ্ছায় ভারতের বর্ত্তমান ও ভাবিমঙ্গলের জন্তই ইহা ঘটিয়াছে। অতএব ভারতবাসী ! প্রসন্ন চিত্তে বিষ্ণুমূর্ত্তি রাজা ও রাজপ্রতিনিধিদিগের উপর শ্রদ্ধা ও ভক্তি রাখিয়া সরল হৃদয়ে ভাবিয়া দেখ আমরা আজ কিরূপ শাস্তিতে আছি।





## তৃতীয় পরিচ্ছেদ ।

শান্তিস্থাপন ।

ইংরাজ যখন বাণিজ্যের জন্য এদেশে আগমন করেন, তাহার কিছুকাল পরেই মোগল সম্রাট কালের বশে ক্ষীণবল হওয়ায়, প্রাদেশিক শাসনকর্তারা স্বাধীন হইলেন এবং অন্যান্য হিন্দু ও মুসলমান নৃপতি ভিন্ন ভিন্ন স্থানে আধিপত্য করিতে আরম্ভ করেন । বহুল ক্ষুদ্ররাজ্য সমষ্টিপূর্ণ হওয়াতে নৃপতিদিগের পব-  
স্পর অনৈক্য-নিবন্ধন ভারতের একরূপ অরাজক অবস্থা দাঁড়াইল । প্রায়ই বিদ্রোহ কলহে অজস্র শোণিতপাত হইত । কোন শক্তি-  
শালী ব্যক্তি এই সকল খণ্ড খণ্ড রাজ্যের অধিপতিদিগকে আয়ত্ত করিয়া সম্রাটের শ্লাঘনীয় পদে আরোহণপূর্বক সর্বত্র শান্তিস্থাপন করিতে পারেন নাই । ভারত অশান্তিময় হইয়া উঠিয়াছিল । অনেকদেশেই মহারাষ্ট্র অশ্বারোহীদের কবল হইতে প্রজাদিগের ধন প্রাণ রক্ষণ দুর্লভ হইয়াছিল । অনবরত বিদ্রোহ ও লুণ্ঠনভয়ে সকলই শশব্যস্ত থাকিত । ইংরাজের সুশাসনপ্রভাবে এক্ষণে

সমুদয় নরপতি বশ্যতা স্বীকার করায় ভারতের সর্বত্র অভাবনীয় শাস্তি বিরাজমান । পূর্বের ন্যায় দস্যু তস্করের ভয় আর নাই । মধ্যবিত্ত গৃহস্থকেও এক্ষণে আর অর্থ (যদি কাহারও কিছু থাকে) মাটির মধ্যে পুতিয়া রাখিতে হয় না । রাত্রিকালে শশব্যস্ত হইয়া জাগিতে হয় না । ধনীদিগকে বহু সশস্ত্র প্রহরীবেষ্টিত হইয়া ধনরক্ষার জন্য প্রভূত ধনব্যয় করিতে হয় না । জমীদারদিগকে বাকী খাজানার জন্য ‘বৈকুণ্ঠে’ \* যাইতে হয় না । অনাথা বিধবা রমণীও একাকিনী একঘরে স্বামীর সম্পত্তি ভোগ করিয়া নিশ্চিন্তভাবে রাত্রিতে নিদ্রা যায় । পূর্বের কোথাও সুন্দরী রমণী আছে, একথা নবাবের কর্ণগোচর হইলে তাহার সতীত্বরত্ন রক্ষা করা দুর্লভ হইত । এমন কি বাদসাহ জাহাঙ্গীরও একটা রমণীরত্নের রূপমোহে মুগ্ধ হইয়া তাহার স্বামীর প্রাণনাশ করিয়া পাণিগ্রহণ করেন । অতঃপর সেই নারী মুরজাহান নামে বাদশাহের প্রধান পত্নীর মধ্যে পরিগণিত হয় । তখন লোকে সুন্দরী স্ত্রীকে বিনাহ করিতেও বিশেষ শঙ্কিত হইত । এখন সে সকল চিন্তা আর নাই । সকল প্রজাই জাতিবর্ণনির্বিশেষে স্ব স্ব ধর্ম্য পালন পূর্বক সুখে কাল যাপন করিতেছে ।

ইংরাজের প্রভূত চেষ্টা ও কোঁশলে ভীষণ ঠগের অত্যাচার নিবারিত হইয়া সহস্র সহস্র নিরীহ পথিকের জীবন রক্ষা হইয়াছে । এক্ষণে অল্প আইন অনুসারে সাধারণের হাতে অস্ত্র নাই সত্য, কিন্তু অস্ত্রের কার্য যখন রাজার প্রতাপে সম্পাদিত

---

\* নবাবী আমলের পুতিগন্ধময় নরককুণ্ড বিশেষ ।

হইতেছে, তখন প্ৰাণঘাতী অস্ত্ৰ ৰাখায় প্ৰয়োজন কি ? পূৰ্বে আমাদেৱ হাতে অস্ত্ৰ থাকিতে ঠগ ও দস্যুদিগেৰ দমনেৰ জন্তু আমরা কি কৰিতে পাৰিয়াছিলাম ? স্বদেশেৰ জন্তুই বা কি কৰিয়াছিলাম ? হাতে অস্ত্ৰ থাকিতে কাৰ্য্য না কৰা লজ্জাৰ বিষয় নয় কি ? ইহাও কি ভাবিবাৰ বিষয় নহে যে, আগ্ৰেয়াস্ত্ৰ সহজ-লভ্য হইলে নিৰীহ শিক্ষিত ভদ্ৰলোক অপেক্ষা দস্যু তস্কৰ প্ৰভৃতিৰ অধিক সুবিধা ঘটিবে এবং বৈৰনিৰ্যাতনেৰ প্ৰয়াসে নৱহত্যাৰ সংখ্যা বৃদ্ধি পাইবে। তবে আবাব সেই শোণিত-শোষী অস্ত্ৰেৰ জন্য কুথা ব্যস্ততা কেন ?

অতি পূৰ্বে হস্তপদাদি ছেদন দ্বাৰা দস্যু ও তস্কৰদিগকে গুৰুতৰ দণ্ড দেওয়া হইত। সভ্যতম ইংৰাজেৰ শাসনে দণ্ডও লঘু হইয়াছে, বিশেষ ক্ৰেশকৰ দণ্ড কাহাকেও ভোগ কৰিতে হয় না। তথাপি, ইংৰাজেৰ প্ৰতাপে ও সুশাসনেৰ ফলে পূৰ্বেৰ ন্যায় আৰ চোৰ ডাকাইত নাই। অনেকেই শ্ৰমলব্ধ অৰ্থ দ্বাৰা জীৱিকা নিৰ্বাহ কৰিতেছে। ভাৰতে একুপ শাস্তি বহুকাল বিৰাজ কৰে নাই। ইংৰাজ বহিঃশত্ৰু ও অন্তঃশত্ৰুকে নীতি ও পৌৰুষবলে বীৰিমত দমন কৰিয়া প্ৰজাৰ সুখস্বাচ্ছন্দ্যবিধানে সৰ্ব্বতোভাবে চেষ্টা কৰিতেছেন। তবে আজকাল পাশ্চাত্য শিক্ষাৰ ফলে শিক্ষিত কোন কোন পৰাধীন যুবকেৰ হৃদয়ে স্বাধীন জাতিৰ সহিত সকল বিষয়ে সাম্যলাভে প্ৰয়াস ও কোন কোন ইংৰাজেৰ হৃদয়েও বিজাতীয় ও বিজিত বৰ্ণগত ভিন্নতাব উদ্ভিত হওয়াতেই একুপ শাস্তিময় ৰাজ্যে আমরা পূৰ্বেৰ ন্যায়

স্থখ থাকিলেও তাহা অনুভব করিতে পারিতেছি না। যাহা হউক, যে ভারতসাম্রাজ্যের পরিমাণ প্রায় ১৫ লক্ষ বর্গ মাইল, অধিবাসীর সংখ্যা ২৬ কোটিরও অধিক, স্তূতরাং, এক রুঘিয়া ভিন্ন সমুদয় ইউরোপের পরিমাণ ও অধিবাসীর সংখ্যার তুল্য, এরূপ বিশাল সাম্রাজ্যের সর্ববতোভাবে শাস্তি সংরক্ষণ-ব্যাপার কত দুর্লভ, তাহা আমাদের চিন্তায়ও আসিতে পারে না। এই বিশাল সাম্রাজ্যের মধ্যে ইংরাজের নিকটে সকল জাতি ও সকল রাজা অবনত মস্তকে আজ্ঞাপালনে উদ্গ্রীব হইয়া রহিয়াছে। আমাদের ব্রিটিশ গভর্ণমেন্টকে কেবল ভারতের চিন্তাই কি করিতে হয়? ভারত অপেক্ষা লোক সংখ্যায় হীন হইলেও ধনে মানে প্রবৃদ্ধতর অনেক দেশের জগৎ ইংরাজকে ভাবিতে হয়। এতবড় বিস্তৃত সাম্রাজ্য কখন এক জনের ভাগ্যে ঘটয়াছে বলিয়া মনে হয় না। তাই প্রবাদ আছে ইংরাজের রাজ্যে সূর্য্য কখনও অস্তমিত হয় না। আমরা এরূপ বিশাল সাম্রাজ্যের অধীশ্বর ইংরাজের প্রজা হইয়া কি ধন্য হই নাই? এবং ইহাতে গৌরব অনুভব না করা কি লজ্জার বিষয় নহে?

ইংরাজের শাসনে ভারতের নূতন অবস্থা হইয়াছে। আমরা অনেক নূতন বিষয় শিখিতেছি। বহুল নূতন বিষয় ও বৈজ্ঞানিক তত্ত্বের উন্মেষ হওয়াতে ভারত দিন দিন উন্নতির সোপানে উঠিতেছে।

পূর্বে হিন্দু ও মুসলমান শাসনকর্তাদিগের সময়ে উৎপন্ন শস্যের ৩য়, ৪র্থ বা ৬ষ্ঠ অংশ কররূপে গৃহীত হইত। কর



নির্দ্ধারিত না থাকায়, তহশীলদারেরা অনেক সময়ে অত্যাচার পূর্বক অধিক কর আদায় করিত এবং রাজ্যেশ্বরকে ইচ্ছামত দিয়া অধিকাংশ আপনারাই আত্মসাৎ করিত । এইরূপ তহশীলদারের অত্যাচারে প্রজারা বিশেষ ক্লেশ পাইত, রাজা ও প্রাপ্য অংশ কোন বারেই পাইতেন না । ক্ষুদ্র প্রজা তহশীলদারের বিরুদ্ধে অভিযোগ করিতেও সাহসী হইত না । ইংরাজের অধিকারে আজকাল আর সেরূপ হয় না ।\* স্থান বিশেষে দশশালা বা স্ত্রায়ী বন্দোবস্ত ও দীর্ঘকাল বন্দোবস্ত হওয়ার পরে অনেক স্থানেই তহশীলদার বা জমিদারের উপরে নির্দ্ধারিত কর দিবার ভার অর্পিত হইয়াছে এবং ঐ কার্য পূর্ব-পুরুষানুগত হওয়ায়, তৎসঙ্গে সূর্যাস্ত আইন প্রবর্তিত হওয়াতে রাজা ও প্রজা উভয়েরই সুবিধা হইয়াছে । পূর্বের ন্যায় বিবাহাদি উৎসব উপলক্ষ্যে দরিদ্র প্রজার নিকটে চাঁদার টাকা আর তেমন বলপূর্বক আদায় করা হয় না । প্রজার নিকটে অন্ধ্যায় বলপ্রয়োগপূর্বক অর্থ আদায় করিলে জমীদার দণ্ডনীয় হন । এক্ষণে প্রতি বৎসর ভারতের রাজস্বের বিবরণ সাধারণের নিকট প্রকাশিত হইতেছে ।

আকবর উৎপন্ন দ্রব্যের তিন ভাগের একভাগ করস্বরূপ গ্রহণ করিতেন । তাঁহার পঞ্চদশ সুবা হইতে কেবল ভূমির রাজস্ব বার্ষিক ১৪ কোটি টাকা আদায় হইত । কাবুল, খান্দেশ

---

\* পূর্বে প্রথম প্রথম কর ধার্য্য সময়ে স্থান বিশেষে ইংলন্ড কোম্পানীও কঠোরতা প্রকাশ করিয়াছিলেন ।


ও সিন্ধুপ্রদেশের রাজস্ব না ধরিলে উহা সাড়ে বারকোটি টাকায় দাঁড়াইত। ইংরাজের অধিকৃত উত্তর ভারতবর্ষের আয়তন, আকবরের অধিকৃত উক্ত স্থানগুলির আয়তন অপেক্ষা অনেক বেশী। অথচ ১৮৮৩ খৃষ্টাব্দে ঐ সকল ভূমির রাজস্ব বারকোটি মাত্র গৃহীত হইয়াছিল। ইহাতে স্পষ্টই প্রতীয়মান হইতেছে যে, আকবরের প্রজাদিগকে বর্তমান ইংরাজের প্রজা অপেক্ষা আধিকতর কর দিতে হইত।

আকবর অপেক্ষাও আরঙ্গজেবের সময়ে মোগলসাম্রাজ্য অধিকতর প্রসারিত হয়। তথাপি বর্তমান ইংরাজের অধিকৃত স্থান অপেক্ষা মোগল সাম্রাজ্যও তখন অল্প বিস্তৃত ছিল। আরঙ্গজেবের বাজস্ব সর্বসমেত ৮০ কোটি টাকা নির্দ্ধারিত হয়। তার মধ্যে ভূমির কর ৩০ হইতে ৩৮ কোটি টাকা। ১৮৯৫ খৃষ্টাব্দে ব্রিটিশ অধিকৃত ভারতসাম্রাজ্যের রাজস্ব ৯৫ কোটি টাকা স্থির হয়। ইহার মধ্যে ভূমির কর ২৯ কোটি টাকা মাত্র। অবশিষ্ট ৬৬ কোটি টাকা অহিফেন রেলওয়ে টেলিগ্রাফ ও ডাকবিভাগ প্রভৃতি ব্যবসায় বিভাগ হইতে আদায় হয়। ইহাতে স্পষ্টই বুঝা যাইতেছে যে, ইংরাজ অল্পহারে ভূমির কর নির্দ্ধারণ করিয়াছেন। তবে ইংলণ্ডে ভূমির কর ভারত অপেক্ষা অনেক অল্প বটে। সেখানে শিল্প ও বাণিজ্যের প্রসারনিবন্ধন তাহার উপরে যে কর নির্দ্ধারিত আছে, ইংলণ্ডের রাজকোষ তাহা দ্বারা পূর্ণ হয়। এদেশে পূর্ব হইতেই ভূমির কর বর্দ্ধিত থাকায়, ইংরাজ স্বদেশের স্তায় তাহা একেবারে কমাইতে পারেন নাই। অপিচ, পূর্বে ইংলণ্ডেও

ভূমির কর খুব বর্দ্ধিত ছিল। তখন গভর্নমেন্টের ব্যয়নির্ব্বাহ জন্ত ভূমির করই একমাত্র অবলম্বন ছিল। শিল্প ও বাণিজ্যের উন্নতিতে ইংলণ্ডের আভ্যন্তরীণ অবস্থা উন্নত হইলে এবং আয়-কর ও বাণিজ্যাদির উপরে নির্দ্ধারিত কর দ্বারা গভর্নমেন্টের ব্যয় অনায়াসে নির্ব্বাহিত হইতে পারিতেছে দেখিয়া ভূমির রাজস্ব হ্রাস করিয়া দেওয়া হয়। শিল্পবাণিজ্যের উন্নতি দ্বারা এদেশের সমৃদ্ধির আধিক্য হইলে ও রাজ্যের ব্যয়োপযোগী কর তাহা হইতে যদি কখন আদায় হয়, গ্যায়বান্ ইংরাজ ভবিষ্যতে এদেশীয় দরিদ্র প্রজার সুবিধার জন্ত ভূমির করও যে কমাইবেন না কে বলিতে পারে ?

ইংরাজের বর্ত্তমান শাসনপ্রণালী নিয়মানুবর্ত্তী ( Constitutional Government ) হওয়ায় রাজা ও প্রজা উভয়েরই সুবিধা হইয়াছে। মুসলমান রাজত্বকালে ‘জিজিয়া’ কর মুসলমান ভিন্ন সকলকেই দিতে হইত। আকবর তাহা রহিত করিয়া দিলেও আরঙ্গজেব তাহার পুনঃ প্রবর্ত্তন করিয়া রাখেন। ইংরাজের শাসনে সেরূপ বৈষম্যজন্ম অত্যাচার নাই। ইংরাজের নিকটে সকলজাতি, সকল বর্ণই সমান। শাসনপ্রণালীর নিয়মানুবর্ত্তিতা নিবন্ধন সকলই সুখী। নিয়ম লঙ্ঘন করিলে সামান্য প্রজার স্থায় শাসনকর্ত্তাকেও দণ্ডভোগ করিতে হয়। পূর্ব্ববর্ত্তী রাজা বা বর্ত্তমান রুঘিয়া প্রভৃতি দেশের রাজার স্থায় ইংরাজ স্বৈচ্ছাচারী হইয়া কোন কার্য করেন না বা করিতেও পারেন না। এরূপ স্থায়পরায়ণ রাজা আর কুত্রাপি নাই। ব্যক্তিগত কার্যের

দোষে দুঃখিত বা হতাশ হইয়া এতাদৃশ শাসনপ্রণালীর দোষ দেখান কি বিজ্ঞের কার্য্য ? সাধারণ ও সম্ভ্রান্ত উভয় পক্ষ হইতে নির্দ্ধাচিত সভা দ্বারা গঠিত পার্লিয়ামেন্টমহাসভায় যে শাসন-প্রণালী পুঙ্খানুপুঙ্খভাবে আলোচিত হইতেছে এবং দোষাংশ পরিদৃষ্ট হইলে তাহা পরিবর্তিত হইতেছে, তখন সে বিষয়ে সাধারণের আর কি বক্তব্য থাকিতে পারে ?





## চতুর্থ পরিচ্ছেদ ।

শাসনপ্রণালী ।

উৎকৃষ্টতর শাসনপ্রণালী প্রবর্তিত হওয়াতে ইংবাজবাজ্যে সাধাবণ প্রজার যে কি সুখ হইয়াছে তাহা বর্ণনাভীত । আমি সেই শাসনপদ্ধতিবিষয়ে সংক্ষেপে দুই একটী কথা বলিব ।

এক্ষণে সুদূর ইংলণ্ডবাসী সপ্তম এডোয়ার্ড ভারতের সম্রাট । তাহার পার্লামেন্টে মহাসভার মন্ত্রণায় সমুদায় রাজকার্য্য নির্বাহিত হয় । রাজকার্য্যসকল অনেক বিভাগে বিভক্ত । সকল বিভাগেই এক একজন মন্ত্রী আছেন এবং সকল মন্ত্রীর উপরে একজন প্রধান মন্ত্রী আছেন । মন্ত্রিসমূহ দ্বারা প্রায় সকল কার্য্যই নির্বাহিত হয় । তবে সঙ্কীর্ণ-বিগ্রহাদি বিশেষ বিশেষ কার্য্য সম্রাটের অনুমতি সাপেক্ষ । পার্লামেন্টে মহাসভার সভ্যগণ রাজ্যশাসন-বিষয়ে নিয়মাদির প্রবর্তন ও পরিবর্তন করেন । সেই নিয়মানুসারে সকল শাসনকর্ত্তাকে চলিতে হয় । মহাসভার সভ্যগণ দুই ভাগে বিভক্তঃ—হাউস অফ লর্ডস্ অর্থাৎ সম্রাট জমিদারদিগের সভা, আর হাউস অফ কমন্স অর্থাৎ সাধারণ প্রজাবর্গের সভা ।

প্রজাগণ ঐ সভায় স্ব স্ব প্রতিনিধি প্রেরণ করিয়া থাকে । এই সভা দুইটা রাজনৈতিক দল দ্বারা পরিচালিত । একটা রক্ষণ-শীল ( Conservative ) অপরটি উন্নতিশীল ( Liberal ) পার্লামেন্ট সভায় যেবার যে দলের লোক অধিক হয়, প্রধানতঃ সেইবার সেই দলের নেতা ইংলণ্ডের প্রধান মন্ত্রী হন । সম্রাট্‌ই প্রধান মন্ত্রীকে নিযুক্ত করেন । প্রধান মন্ত্রীর দলের ব্যক্তিগণ রাজ্যশাসনসংক্রান্ত বিভিন্ন কার্যের ভার পাইয়া থাকেন । ইংলণ্ডের মন্ত্রিসম্প্রদায়ের পরিবর্তন উভয় দলের জয় পরাজয়েব উপর নির্ভর করে । ভারতের কাব্য দেখিবার জন্য একজন সেক্রেটারী অফ্‌ স্টেট্‌ নিযুক্ত আছেন ; এবং তাঁহার কার্যের সুবিধার জন্য একটা সভা প্রতিষ্ঠিত আছে । সদস্যগণ ঐ সভায় দশ বৎসরের জন্য নিযুক্ত হইয়া থাকেন । কিন্তু মন্ত্রিসম্প্রদায়ের পরিবর্তনে স্টেট্‌ সেক্রেটারীর পরিবর্তন ঘটিলে সভাদিগেরও কার্যকাল শেষ হয় । সেক্রেটারী অফ্‌ স্টেট্‌ ইংলণ্ডের মন্ত্রিসভার অন্যতম সভ্য ।\* তিনি সভার অধিকাংশ সভ্যের মত লইয়া ভারতের যাবতীয় কার্য করেন ।†

ভারতের গভর্নর্ জেনারেল বা ভাইসরয়কে সেক্রেটারী অফ্‌ স্টেটের মত লইয়া সমুদয় কার্য করিতে হয় । সম্রাট্‌ গভর্নর্ জেনারেলকে নিযুক্ত করেন । প্রায় পাঁচ বৎসর কাল তাঁহাকে কার্য করিতে হয় ।

\* লর্ড্‌ মর্সি এক্ষণে সেক্রেটারী অফ্‌ স্টেটের পদে নিযুক্ত ।

† এক্ষণে উক্ত সভার ভারতীয় দুই জন সভ্য নিযুক্ত হইয়াছেন ।

ভারতের গভর্নরজেনারেলেরও একটি সভা ( Council ) আছে । তিনি ঐ সভার সহিত পরামর্শ করিয়া সন্ধি বিগ্রহাদি যাবতীয় গুরুতর কার্য্য রাজপ্রতিনিধিরূপে করিয়া থাকেন । বিশেষ প্রয়োজনীয় কার্য্য উপস্থিত হইলে সভার মত না লইয়া তিনি তাহা করিতে পারেন । গভর্নর জেনারেলের কৌন্সিল দুই ভাগে বিভক্ত । কার্য্যনির্বাহক সভা ও ব্যবস্থাপক সভা । কার্য্য-নির্বাহক সভায় ( Executive Council ) ছয় জন সদস্য আছেন, সকলেই গভর্নমেন্টের কর্ম্মচারী । ইহাদের প্রত্যেকের হস্তে সৈনিক, রাজস্ব, পূর্ববিভাগ প্রভৃতি এক একটি কার্য্য-বিভাগ ন্যস্ত আছে । ব্যবস্থাপক সভায় ( Legislative Council ) পূর্বোক্ত ছয়জন সদস্য ও গভর্নমেন্টের কতিপয় কর্ম্ম-চারী এবং ভারতীয় ও ইউরোপীয় গভর্নমেন্ট কর্ম্মচারী ভিন্ন সম্ভ্রান্ত কতিপয় ব্যক্তি সভা আছেন । প্রদেশীয় ব্যবস্থাপক সভাও এই সভাতে একটি সভা নির্বাচন করিয়া দিতে পারেন । এই সভাতে ভারতের জ্ঞা আইন প্রস্তুত হয় । প্রয়োজনানুসারে ইহার অধিবেশন হয় । এই সভায় সাধারণে প্রবেশ করিতে পারে । প্রজাদিগকে জানাইবার জ্ঞা আইনের পাণ্ডুলিপি গভর্নমেন্ট-গেজেটে প্রকাশিত হয় । গভর্নর জেনারেল ঐ দুই সভারই সভাপতি ।

বিশাল ভারতসাম্রাজ্যের উপরে সাক্ষাৎ সম্বন্ধে গভর্নর জেনারেলের সর্ব্বতোমুখী প্রভুতা থাকিলেও তিনি একাকী সমুদয় প্রদেশের কার্য্য সকল পুঙ্খানুপুঙ্খভাবে দেখিতে পারেন না

বলিয়া প্রদেশীয় গভর্ণমেন্ট দ্বারা প্রদেশসকলের কার্য পরিচালিত হয়। প্রদেশসকল বোম্বাই, মাদ্রাজ, অযোধ্যা ও উত্তরপশ্চিম, পাঞ্জাব, বাঙ্গালা, বেহার, উড়িষ্যা, পূর্ববঙ্গ ও আসাম (নূতন বিভক্ত) মধ্যদেশ ও ত্রিপুরা এই আট ভাগে বিভক্ত। বোম্বাই ও মাদ্রাজের শাসনকর্তাকে গভর্ণর বলে। সম্রাট গভর্ণরদিগকে নিযুক্ত করেন। গভর্ণরগণ প্রয়োজনীয় কার্য নিষ্পত্তির জন্ত সেক্রেটারী অফ্ ট্রেজারীর নিকটে পত্রাদি লিখিতে পারেন। অন্যান্য প্রদেশের শাসনকর্তা লেপ্টেনেন্ট গভর্ণর নামে অভিহিত। কেবল বর্তমান বেবন্দোবস্তী মধ্যপ্রদেশের শাসনকর্তাকে প্রধান কমিশনর বলে। প্রদেশীয় গভর্ণমেন্টের কার্যনির্বাহের জন্য এক একটি ব্যবস্থাপক সভা আছে। বোম্বাই ও মাদ্রাজপ্রদেশে গভর্ণরদিগের কার্যসৌকর্যের জন্ত এক একটি কার্যনির্বাহক সভাও আছে। লেপ্টেনেন্ট গভর্ণর ও প্রধান কমিশনর গভর্ণর জেনেরল কর্তৃক মনোনীত হইয়া সম্রাট কর্তৃক নিযুক্ত হন। প্রদেশীয় গভর্ণমেন্টকে বিচার, রাজস্ব, শিক্ষা, পুলিশ, জেল, পূর্তকার্য ও রেজিস্টারীসংক্রান্ত যাবতীয় কার্য বিভাগে কর্তৃত্ব করিতে হয়।

বোম্বাই, মাদ্রাজ, বাঙ্গালা ও উত্তরপশ্চিমপ্রদেশে বিচারকার্যের সুশৃঙ্খলার জন্য এক একটি হাইকোর্ট এবং পাঞ্জাবে একটি চিফ্ কোর্ট আছে। দেওয়ানি কার্যের জন্ত প্রতি জেলায় জজ, সিবজজ ও কতকগুলি মুনসেফ্ আছেন। জজগণ



প্রয়োজনানুসারে দায়রায় মোকদমার বিচার করেন। ফৌজদারী কার্যনির্বাহের জন্য প্রতি জেলায় ম্যাজিস্ট্রেট, জয়েন্ট, এসিস্ট্যান্ট, ডেপুটী ও সবডেপুটী ম্যাজিস্ট্রেট নিযুক্ত আছেন; এবং শাস্তিবক্ষার জন্য পুলিশ বিভাগে ডিষ্ট্রিক্ট ও ডেপুটী-সুপারিন্টেন্ডেন্ট, ইন্স্পেক্টর, সবইন্স্পেক্টর প্রভৃতি নিযুক্ত আছেন।

প্রধান বিচারপতিব্যতীত হাইকোর্টে প্রয়োজনানুরূপ কয়েকজন বিচারপতি নিযুক্ত আছেন। চীফ কোর্টেও কতিপয় বিচারপতি বিচার কার্য করেন। দেওয়ানী ও ফৌজদারী মোকদমার আপীল এই সকল প্রধান বিচারালয়ে হয়। স্থান বিশেষ ও মোকদমার গুরুত্ব অনুসারে এখানে নূতন মোকদমাও রুজু হয়। ইংলণ্ডের প্রিভিকৌন্সিলে হাইকোর্টের মোকদমার আপীল হইয়া থাকে। বেবন্দোবস্তী প্রদেশে হাইকোর্ট নাই। এখানে জুডিশিয়াল কমিশনরের বিচারনিষ্পত্তিই আর আপীল নাই।

বন্দোবস্তী প্রদেশে জেলার সর্বময়কর্তা ম্যাজিস্ট্রেট কালেক্টরের কার্যও করেন এবং বেবন্দোবস্তী প্রদেশে ইঁহাদিগকেই ডেপুটী কমিশনর বলে। ম্যাজিস্ট্রেট কালেক্টরগণ রাজস্ব-সংক্রান্ত কার্যও ফৌজদারী মোকদমার বিচার, মিউনিসিপালিটী, ডিষ্ট্রিক্টবোর্ড, পুলিশ, জেল, শিক্ষা, রাস্তাঘাট, স্বাস্থ্য ও ডাক্তার-খানা প্রভৃতি জেলার বাবতীয় কার্য পর্য্যবেক্ষণ করিয়া থাকেন। ডেপুটীকালেক্টরেরা ইঁহার সহায়তা করেন।

রাজস্ববিভাগ রেভিনিউবোর্ডের অধীন । বাঙ্গালা, মাদ্রাজ ও উত্তরপশ্চিমপ্রদেশে এক একটা রেভিনিউবোর্ড আছে । ইহা ভিন্ন অন্য প্রদেশে প্রাদেশীয় গভর্ণমেন্টকেই রাজস্ববিভাগের উপরে কর্তৃত্ব করিতে হয় । প্রতিবিভাগে রেভিনিউবোর্ডের অধীন এক এক জন কমিশনর আছেন । কয়েকটা জেলা লইয়া এক একটা বিভাগ হইয়াছে । কলেক্টর্ প্রভৃতি জেলায় প্রধান প্রধান কর্মচারীর উপরেও কমিশনের কর্তৃত্ব আছে ।


এতদ্ব্যতীত শিক্ষাবিভাগ, চিকিৎসাবিভাগ, স্বাস্থ্যবিভাগ, ইঞ্জিনিয়ারিং বিভাগ, কৃষিবিভাগ প্রভৃতি কয়েকটা বিভাগেও এক একজন প্রধান কর্মকর্তা নিযুক্ত আছেন । তাঁহারা সহকারীদিগের সাহায্যে নিজ নিজ বিভাগের কার্য পরিদর্শন করেন । বিচার, রাজস্ববিভাগ প্রভৃতির প্রধান প্রধান কর্ম্মে সিবিলিয়ানেরাই নিযুক্ত । বিলাতে সিভিলসার্ভিস্ পরীক্ষায় উত্তীর্ণ ব্যক্তিদিগকেই সিভিলিয়ান্ বলে । ইহা ভিন্ন ডাকবিভাগ, সেনাবিভাগ, টেলিগ্রাফ্ প্রভৃতি যে সকল বিভাগ আছে, সবই ভারতবর্ষীয় গভর্ণমেন্টের অধীন ।

রাজ্যশাসনসংক্রান্ত কার্যের প্রতিবিভাগেই এক একজন সেক্রেটারী আছেন । সেক্রেটারীর কার্যবিভাগ হইতে সমস্ত আদেশ প্রচারিত হয় । সকল বিভাগের উচ্চকর্ম্মচারিগণ সেই আদেশানুসারে নিজ নিজ কার্য করেন । ভারতবর্ষীয় গভর্ণমেন্টের কার্য সকল স্বরাষ্ট্র, পররাষ্ট্র, পুঁঠ, ব্যবস্থা, রাজস্ব ও সৈনিক বিভাগের সেক্রেটারী দ্বারা পরিচালিত হয় ।

গভর্নর, লেপ্টেনান্ট্‌ গভর্নর ও প্রধান কমিশনরের অধীন প্রদেশসমূহেও এইরূপ সেক্রেটারীদিগের কার্যবিভাগ আছে। কিন্তু প্রদেশীয় গভর্নমেন্টের কার্য পরিচালনের জন্য তিন চারি জনের অধিক সেক্রেটারীর প্রয়োজন হয় না।

শাসনপ্রণালীর সহিত বিশেষ সংশ্লিষ্ট বিভাগসমূহেরই এই পুস্তকে উল্লেখ করিলাম।





## পঞ্চম পরিচ্ছেদ ।

বিচারপ্রণালী ।

এক্ষণে ইংরাজ গভর্নমেন্টের শাসনপ্রণালী কিরূপ উৎকৃষ্ট-  
তব বোধ হয় সকলেরই হৃদয়ঙ্গম হইয়াছে । অতঃপর ইংবাজেব  
বিচারপ্রণালীর প্রতি সকলে একবার দৃষ্টিপাত করুন ।

শ্যাম হত্যাপবাধে ধৃত হইয়া পুলিশকর্তৃক ম্যাজিষ্ট্রেটেব  
বিচাবালয়ে প্রেরিত হইল । ম্যাজিষ্ট্রেট বিচারপূর্বক দণ্ডাই বোধ  
করিয়া তাহাকে সেসনসোপারদ করিলেন । দায়রার জজ্ এ  
দেশীয় জুরীদিগের সহিত ঐকমত্যে শ্যামের প্রাণদণ্ডের আদেশ  
দিলেন । শ্যাম হাইকোর্টে আপীল করিল । আইনের কূটতর্ক-  
বলে সে হয়ত হাইকোর্ট হইতে খালাস পাইল । অথবা হাই-  
কোর্টেও যদি তার পূর্বদণ্ডাজ্ঞা বাহাল থাকে, তাহা হইলে সে  
ছোটলাট, বড়লাট ও সেক্রেটারী অফ্ ফেইট খরিয়া সম্রাটের নিকট

পৰ্য্যন্ত আবেদন কৰিতে পারে।\* সে দোষী হইলেও উপৰিতন  
 ৰাজপুৰুষের বিশেষ দয়ায় হয়ত প্ৰাণদণ্ড হইতে অব্যাহতি  
 পাইতেও পারে। এইরূপ আইনের কৃটতৰ্কপূৰ্ণ দেওয়ানী  
 মোকদ্দমারও বিলাতে প্ৰিভিকোন্সিল্ পৰ্য্যন্ত আপীল হইয়া  
 থাকে। একরূপও দেখা যায় যে কোন ব্যক্তি ভাৰতীয় নিম্ন ও  
 উচ্চ সকল আদালতে পরাস্ত হইয়া প্ৰিভিকোন্সিলে জয় লাভ  
 কৰিয়াছে। ব্ৰিটিশ্ গভৰ্ণমেণ্ট্ প্ৰজাদিগকে যেকূপ সমভাবে  
 স্ববিচার লাভের অধিকার সমৰ্পণ কৰিয়াছেন এবং প্ৰজাবা  
 এখন যেকূপ ন্যায্য বিচার লাভ কৰিতেছে, অন্য কোন বাজাব  
 ৰাজ্যে সেরূপ নাই, পূৰ্বেও ছিল না বলিয়াই আমাদের বিশ্বাস।

দু' একজন হিন্দু ও মুসলমান শাসনকৰ্ত্তাদিগের সময়ে  
 স্ববিচার প্ৰবৰ্ত্তিত থাকিলেও বিচারপদ্ধতি একরূপ ছিল না।  
 অপিচ, মুসলমানশাসনকৰ্ত্তাদিগের সময়ে যে অবিচার হইত,  
 তাহার ভূরি ভূরি দৃষ্টান্ত বিৰল নহে। অবিচার হইত বলিয়াই  
 এখনও কোন বিচারকের অন্যায় বিচার দেখিলে “কাজীৰ বিচাৰ  
 হইল” লোকে বলিয়া উঠে। মুসলমানের সময়ে কাজী সকল  
 বিচার কৰিতেন। তিনি স্বেচ্ছানুসারে কখন দোষীৰ প্ৰতি  
 প্ৰসন্ন হইলে ছাড়িয়া দিতেন, অপ্ৰসন্ন হইলে নিৰ্দোষীকেও  
 দণ্ড দিতেন। কাজীৰা কখন উৎকোচ গ্ৰহণ কৰিয়া কখন বা  
 ধৰ্ম্মদ্বন্দ্ব হইয়া হিন্দুকে শাস্তি দিবার জন্য একরূপ বিচার বিভ্ৰাট  
 কৰিতেন।

\* আজ কাল সম্ৰাট পৰ্য্যন্ত আপীল কৰা হয় না।

নবাব মুরসিদকুলিখাঁর সময়ে কোন হিন্দু জমিদারের বাড়ীতে একটি ফকির ভিক্ষার জন্য গিয়া কর্কশ বাক্য ও নানারূপ অসদব্যবহারে জমিদারকে এরূপ বিরক্ত করিল, যে জমিদার তাহাকে বাড়ী হইতে তাড়াইয়া দিলেন। ফকির জমিদারের বাড়ীর সন্নিহিত রাস্তার উপরে ইটের প্রাচীর দিয়া তাহার মসজিদ নাম দিল এবং মুসলমানদিগকে সেই স্থানে উপাসনার জন্য ডাকিতে লাগিল। রাস্তার উপরে পূর্বোক্ত জমিদারকে দেখিলে সে চীৎকার করিয়া বিরক্ত করিতে লাগিল। অবশেষে জমিদার ক্রুদ্ধ হইয়া তাহার প্রাচীর ভাঙ্গাইয়া ফেলিলেন। ফকীর জমিদারের বিরুদ্ধে কাজী মহম্মদসেরিফের নিকটে নালিশ করিল। কাজীর বিচারে তাহার প্রাণদণ্ডের আদেশ হইল। নবাব তাহাতে প্রীত না হইয়া ঐ হিন্দু জমিদারের প্রাণদণ্ডের পরিবর্তে অন্য দণ্ড দিবার জন্য বিচারককে বলিলেন। কাজী তাহাতে সন্মত হইল না। এমন কি, সেই জমিদারের জীবন রক্ষার জন্য বাদশাহের পুত্র বিশেষ চেষ্টা করিলেও কোন ফল হয় নাই। কাজী নিজ হস্তে জমিদারের মস্তক ছেদন করিল, পরে আরঙ্গজেবের দেহান্তে কাজী নিজের ভাবী বিপদ আশঙ্কায় ঐ জমিদারের বিচারসংক্রান্ত সব কাগজ পত্র নষ্ট করিয়া কস্ম ত্যাগ করে।

মুসলমান রাজত্বকালে এইরূপ “কাজীর বিচার” কত হইয়া গিয়াছে তার ইয়ত্তা নাই। ইংরাজের রাজ্যে এরূপ অবিচার কি দেখিতে পাওয়া যায়? যদি কখন কোন নিম্ন আদালতে

অবিচার হয়, আপীল করিয়া তার অন্যথা হইতেছে। সকল প্রজারই বিলাত পর্য্যন্ত আপীল করিবার অধিকার আছে। শাসনকর্তাকেও বিচারকার্য্য বিশেষ সংযতভাবে করিতে হয়, না করিলে তিনিও উপরিতন গভর্ণমেন্টের নিকটে অপদস্ত হন। বোধ হয় অনেকেই জানেন, কিছুদিন পূর্ব্বে কোন সিভিলিয়ান ম্যাজিষ্ট্রেট সাহেব একটি আদেশ দেওয়ায় কোন জমিদারের বিশেষ ক্ষতি হয়। সে জন্য ঐ জমিদার উক্ত ম্যাজিষ্ট্রেট সাহেবের বিরুদ্ধে হাইকোর্টে নালিশ করিলে, ম্যাজিষ্ট্রেট সাহেবকেও কিছু অর্থদণ্ড দিতে হইয়াছিল। মুসলমান-রাজত্বে অবিচার করার জন্য কাজীর কি কখন অর্থদণ্ড হইয়াছে? অথবা ইংরাজ ভিন্ন অন্য কোন রাজার রাজ্যে কি কখন এরূপ সুবিচারের আশাও করা যাইতে পারে? যে ইংরাজ জেলার সর্ব্বময় কর্ত্তা স্বজাতীয় ম্যাজিষ্ট্রেটকেও দণ্ড দিতে কুণ্ঠিত নহেন, সে জাতির তুল্য নায়পরায়ণ শাসনকর্ত্তা আর কোথায় আছে? মার্কিনদিগের সভ্যতার পক্ষপাতিপণ, তদ্রূপীয় বিচারপদ্ধতি বিরূপ একবার বিবেচনা করুন।

আমেরিকায় লীঞ্চ-ল (Lynch Law) প্রচলিত আছে। আমেরিকায় ভারতের ন্যায় শ্বেতাঙ্গ ও কৃষ্ণাঙ্গ উভয় শ্রেণীর লোকই বাস করে। শ্বেতাঙ্গ ও কৃষ্ণাঙ্গে কখন বিবাদ উপস্থিত হইলে কৃষ্ণাঙ্গ যদি রাজদ্বারে দণ্ডিত হয়, অথবা বিচার চলিতেছে এমন সময়ে কৃষ্ণাঙ্গকে যদি হাজতে রাখা হয়, শ্বেতাঙ্গ সকল দলবদ্ধ হইয়া কারাগার বা হাজত হইতে কৃষ্ণাঙ্গকে বল

পূর্বক বাহিরে আনে এবং সাধারণ স্থানে তার দেহ টুকরা টুকরা করিয়া কাটিয়া ফেলে । এইরূপ অন্যায় বলপ্রয়োগে নির্দয়-ভাবে কৃষাজের প্রাণ নাশ করিলেও খেতাজের কিছুই হয় না । ইহার নামই লীঞ্চ-ল বা ইচ্ছাতন্ত্রতা । যাহারা মার্কিনদিগকে সুসভ্য বলিয়া স্তুত্যাতি করেন, মার্কিনের দেশে প্রচলিত এরূপ নৃশংস ব্যবহার দেখিয়া তাহাদিগকে রাক্ষস ভিন্ন আর কি বলিতে পারেন ? আর পক্ষান্তরে ইংরাজের ন্যায়দর্শিতা ও সুবিচার-পদ্ধতি দেখিয়া কে না তাহাদিগকে দেবতা বলিবে ?

আমাদিগের ভক্তিভাজন সম্রাট সপ্তম এডোয়ার্ডও, যুবরাজ অবস্থায় সামান্য অপরাধের জন্ত জরিমানা দিয়াছিলেন । প্রধান মন্ত্রীকেও মটরকার্ দ্রুত চালাইবার জন্য জরিমানা দিতে হইয়াছিল । ন্যায়বান ইংরাজের চোখে শাসনকর্ত্তা সামান্য প্রজা সকলেই সমান । সকলেই নিয়মের বশবর্ত্তী । নিয়ম লঙ্ঘন করিলে সকলকেই দণ্ডভোগ করিতে হয় ।

কেহ কেহ বলেন, “ইংরাজের রাজ্যে সুবিচার পাইতে হইলে প্রজাকে সর্বস্বান্ত হইতে হয় । বিচারকার্য্যে এরূপ ব্যয় কখনও ছিল না’ । ১০ টাকা আদায়ের জন্ত মোকদ্দমা করিলে লোকের ১০০ টাকার উপর খরচ হয় । ফৌজদারী মোকদ্দমাও বহু ব্যয়সাধ্য । সে জন্ত অনেক গরীবলোকে মোকদ্দমা করিতেই শঙ্কিত হয়” ।

আজকাল মোকদ্দমায় যে বেশী খরচ হয় কে ইহা অস্বীকার করিবে ? মোকদ্দমার স্বাভাবিক অতিরিক্ত খরচের জন্ত কি



আমাদের গভর্ণমেন্ট দায়ী ? গভর্ণমেন্ট ইচ্ছা করিলে স্ট্যাম্প বা কোর্টফীর মূল্য কমাইতে পারেন বটে, কিন্তু উকীল মোক্তারের বায়সম্বন্ধে কি করিতে পারেন ? আমার মতে এদেশের লোকের মোকদ্দমায় বেশী ব্যয় হওয়াই উচিত । কারণ, অনেকেই ক্রোধের বশীভূত হইয়া যে কোন উপায়ে প্রতিপক্ষকে জয় করিবার জন্ম মোকদ্দমা রুজু করে । স্ততরাং, মিথ্যা অভিযোগ করিতেও কুণ্ঠিত হয় না । ইহাতে নিজের নাক কেটে পরের যাত্রাভঙ্গের মত ফল হইলেও, অভিমান বা অবমাননার বশে লোকে এত উত্তেজিত হয়, যে নিজের ভাবী অপকার মনেই করিতে পারে না । সর্বস্বাস্থ্য হইয়া প্রধান উকীল বা ব্যারিস্টারকে নিযুক্ত করিয়া কিকপে তার জেদ বজায় থাকে, সর্বতোভাবে তার চেষ্টা করে । এইরূপেই মোকদ্দমায় অধিক খরচ হইয়া পড়ে । কোন কোন মোকদ্দমায় বাদী ও প্রতিবাদীর উপরে নিজপক্ষ সমর্থন করিবার অধিকার থাকিলেও কোন মোকদ্দমা উকীল বা মোক্তার দ্বারা চালিত না হইতেছে ? তবে গরীব লোকে দেওয়ানী মোকদ্দমা পাঁপরে অর্থাৎ বিনা খরচে করিতে পারে এরূপ ব্যবস্থাও আছে ।

পক্ষান্তরে লোকে ক্রুদ্ধ হইয়া মনোবৃত্তি চরিতার্থ করিবার জন্মই যখন মোকদ্দমা করে, তখন উহা সখের জিনিস বলিতে হইবে । সখের জিনিসের জন্ম কিছু বেশী ব্যয় হইলে স্ত্রুখের সহিত সকলের তাহা সহ্য করা উচিত । যদি পূর্বের মত এখন অল্প ব্যয়ে মোকদ্দমা নিষ্পন্ন হইত তাহা হইলে এই কলির শেষে

কলহপ্রিয় লোকে মোকদ্দমা করিয়াই সারাজীবন কাটাইত, আর নূতন নূতন উদ্ভাবিত মিথ্যা মোকদ্দমার জ্বালায় বাবহারাজীবী ও বিচারক উভয়ই ব্যতিবাস্ত হইয়া পড়িতেন। ফৌজদারী কোর্টের ৩৫২ বা ৫০০ ধারার অন্তর্গত মোকদ্দমাগুলিও বিশেষ সখের জিনিস। ২০ টাকার কম মূল্যের কোর্টফীতে ওরূপ সখের মোকদ্দমা রুজু যেরূপে না হয়, গভর্ণমেন্টের এরূপ বাবস্থা করা বরং যুক্তিসঙ্গত।

আমার মতে সখের জিনিস মাত্রেরই উপরে গভর্ণমেন্টের বেশী ট্যাক্স ধাৰ্য্য করিয়া দরিদ্র প্রজাদিগের নিত্য বাবহার্য্য লুবণের ট্যাক্স তদনুপাতে কমান উচিত। আবকারীও সখের জিনিসের মধ্যে। উহার ট্যাক্স খুব বর্দ্ধিত করিলে ভাল হয়। মদ, গাঁজা, অহিফেন প্রভৃতি দ্রব্যের মূল্য বাড়িয়া গেলে সাধারণ লোকে ওরূপ অখাদ্যের দিকে আর তাকাইবে না। যাহা হউক, ইংরাজ গভর্ণমেন্ট নিজের দেশের অবস্থা বুঝিয়া ভারতীয় প্রজাদিগকে স্তম্ভিৎসা দিবার জগাই মোকদ্দমার এরূপ বায় নির্দ্ধারণ করিয়াছেন। বিলাতে ফ্যাম্প বা কোর্টফীর মূল্য ভারতবর্ষ অপেক্ষা অল্প। অথচ সেখানে ধনীর সংখ্যা খুব বেশী। এই জন্য বিলাতে প্রতি ২৪ জনের মধ্যে একজন মামলাবাজ আর দরিদ্রবহুল ভারতে মোকদ্দমায় বেশী খরচ হয় বলিয়াই, ১৪০ জনের মধ্যে একজন মোকদ্দমা করে। ভারতে মোকদ্দমার খরচ আর কিছু বর্দ্ধিত হইলে মোকদ্দমার সংখ্যা আরও কমিতে পারে। লোকেও শাস্তভাবে ধর্ম্মানুষ্ঠান প্রভৃতি গৃহকার্য্য করিতে সমর্থ হয়। গভর্ণ-

মেণ্টেৰ ইচ্ছা, মোকদ্দমা কৰিবার পূৰ্বেৰ বাদী ও প্ৰতিবাদী উভ-  
যেই পূৰ্বে গ্ৰামস্থ লোকদ্বাৰা বিবাদ মিটাইয়া ফেলে। এইজনা  
গভৰ্ণমেণ্ট পূৰ্বেৰ মত আবার গ্ৰামে গ্ৰামে মণ্ডলাধিকাৰেৰ পুনঃ  
প্ৰবৰ্ত্তনে চেষ্টা কৰিতেছেন। গভৰ্ণমেণ্টেৰ সৎ উদ্দেশ্য না  
বুঝিয়া অনৰ্থক নিন্দা কৰা কি বিজ্ঞতাৰ কাৰ্য্য ?

পৰাধীন অবস্থায় তামসী বৃত্তিৰ আধিক্যে পৰনিন্দা কৰা  
স্বভাবসিদ্ধ হইয়া পড়ে। অভাবগ্রস্ত হইলেই স্বভাব নষ্ট হয়,  
ইহা সত্য। কত পত্ৰিকায় রাজকাৰ্য্যেৰ তীব্ৰ সমালোচনা  
হইতেছে, রাজপুৰুষেৰ প্ৰতি বিদ্ৰূপ ও কৰ্কশ বাক্য প্ৰয়োগ  
কৰিতেও ক্ৰুটি হইতেছে না, তাহাতে ইংৰাজ গভৰ্ণমেণ্ট এতাবৎ  
কাল ক্ৰক্ষেপও কি কৰিয়াছেন ? লোকে যখন সমালোচনাৰ  
সীমা অতিক্ৰম কৰিয়া বাড়াবাড়ি কৰিতে লাগিল, তখন  
ইংৰাজেৰ দৃষ্টি পড়িল। রীতিমত প্ৰমাণ দ্বাৰা দোষী প্ৰমাণিত  
হইলে তবে তাহাৰ দণ্ড হয়। বিচাৰকেৰ সাক্ষাতে হত্যা  
কৰিলেও যতক্ষণ সাক্ষী দ্বাৰা হত্যাকাৰী প্ৰমাণিত না হইতেছে  
ততক্ষণ সে দণ্ডিত হইতে পাৰিবে না। অন্য কোন রাজ্যৰ রাজ্যে  
একপ নায় বিচাৰেৰ আশা কৰা যাইতে পাৰে কি ?





## ষষ্ঠ পরিচ্ছেদ ।

জাতিবর্ণনির্বিশেষে প্রজ্ঞাপালন ।

নায়পরায়ণ ইংরাজ জাতিবর্ণনির্বিশেষে আমাদিগকে পালন করিয়া সুখে রাখিয়াছেন । এই বিশাল ভারতবর্ষে ব্রাহ্মণ, ক্ষত্রিয়, বৈশ্য ও শূদ্র এই চারি বর্ণ এবং হিন্দু, বৌদ্ধ, মুসলমান, খৃষ্টান প্রভৃতি কত বিভিন্ন জাতি ও বিভিন্ন ধর্মাবলম্বী লোকে বাস করে তার ইয়ত্তা নাই । সকলেই ইংরাজের রাজ্যে আপন আপন ধর্ম্মানুষ্ঠানপূর্ব্বক কর্তব্য কাণ্ডা করিতেছে । ইংরাজ পূর্ব্ববর্ত্তী মুসলমান শাসনকর্ত্তার ন্যায় স্বীয় ধর্ম্মে কাহাকে বলপূর্ব্বক দীক্ষিত করেন না । ইংরাজ খৃষ্টধর্ম্মাবলম্বী হইয়া হিন্দুর দেব মন্দির, বৌদ্ধের মঠ, মুসলমানের মসজিদ ও খৃষ্টানের ভক্তনালয়ের প্রতি বিশেষ দৃষ্টি রাখিয়াছেন । কখন কোনটির অব্যবস্থা হইলে তাহার সুব্যবস্থা বিষয়ে মনোযোগী হইতেছেন । এই সৎ কার্য্যের জন্ম প্রয়োজন মত অর্থ সাহায্য করিতেও ত্রুটি করেন না । পরন্তু কোন

ধর্ম্মকাণ্ড বা দেবমন্দিরের উপরে ইংরাজ কখনও নিজে হস্ত-ক্ষেপ করেন না। কোন স্থানে মোহাস্ত বা পাণ্ডা অন্যায় করিলে দেশীয় তত্ত্বদধর্ম্মাবলম্বী সুযোগ্য লোকদিগকে তথায় নিযুক্ত করিয়া তীর্থযাত্রীদিগের সুব্যবস্থা করিয়া দিতেছেন। চন্দ্রনাথ ও জগন্নাথ মন্দিরের বর্তমান সুব্যবস্থা দেখিলে কে না ইংরাজের উপরে প্রীত হইবে ?

নীচ জাতীয় লোকের মধ্যে কেহ সুশিক্ষিত হইলে ইংরাজ তাহারও আদর করিয়া থাকেন। ইংরাজ জাতিবর্ণনির্বিশেষে অপক্ষপাতে সুশিক্ষিত ব্যক্তিদিগকে উচ্চ কার্য্যে নিযুক্ত করেন। তবে উচ্চ কার্য্যপ্রদানসময়ে গভর্নমেন্টের নিকটে বংশমর্যাদা ও উপেক্ষিত হয় না, প্রত্যুত উহাকেও একটি অন্যতম গুণের মধ্যে গণনা করা হয়।

ইংরাজের রাজ্যে ভারতীয় প্রজা শিক্ষিত হইলেও ইংলণ্ডের প্রজার ন্যায় সকল বিষয়ে সমান অধিকার পায় না বলিয়া অনেকেই দুঃখ করেন এবং এই জন্য ইংরাজকে স্বার্থপর, অহঙ্কারী, কুটিল ও বিজাতীয়ের প্রতি ঘৃণাকারী বলিতেও কুণ্ঠিত হন না। স্বার্থপরতা, অহঙ্কারিতা প্রভৃতি দোষও কখন কখন গুণের মধ্যে পরিগণিত হয়। যিনি নিজ মর্যাদা না বুঝিতে পারেন, তিনি কখনই জাতীয় চরিত্র উন্নত করিতে পারেন না। নিজ শক্তি ও মর্যাদা বুঝিতে পারিলেই লোককে অহঙ্কারী হইতে হইবে। সংসারে উন্নতিশীল ব্যক্তির এই অহঙ্কার, গুণের পরিচায়ক। বিশ্বজ্যেতা রাজা বা প্রধান রাজপুরুষদের ত

উহা অলঙ্কার । সামান্য লোকের সঙ্গে মন খুলিয়া ব্যবহার করিলে প্রধান রাজপুরুষদিগের কি বাতুলতা প্রকাশ হইবে না ? ব্যক্তিগত স্বার্থপরতাই দৃশ্যীয় । উহা জাতিগত বা দেশ-গত হইলে গুণের মধ্যে পরিগণিত হয় । স্বজাতিবৎসল ইংরাজকে স্বার্থপর কখনই বলা যাইতে পারে না ।

অপিচ কুটিলতা রাজনীতির প্রধান অঙ্গ । পূর্বের ভারত-বর্ষে স্বধর্মনিষ্ঠ ব্রাহ্মণ চাণক্যও কোটিল্যনীতিপ্রয়োগে নন্দ-বংশ ধ্বংস পূর্বক চণ্ডগুপ্তের রাজ্য প্রতিষ্ঠা করেন । মনে কর, সেক্রেটারী অফ্ ফেট্ ভারতের সর্বদায় কর্ত্তা । এদেশের প্রজাসাধারণ ভারত গভর্নমেন্টের কোন কার্যে অসন্তুষ্ট হইয়া তাঁহাকে যদি জানায়, সারলা ও কোটিল্য এই দুই নীতিপথের মধ্যে তাঁহার কোনটি অবলম্বনীয় ? তিনি যদি ভারত গভর্ন-মেন্টের ব্যবস্থা রদ করিয়া প্রজাদিগের প্রার্থনামত কার্য্য করিতে পারেন, তাহা হইলে তাঁহার সরল পথই প্রশস্ত । অন্যথা তাঁহার কোটিল্য প্রকাশ ভিন্ন আর উপায় কি ? ভারত গভর্নমেন্টের পদগৌরবের দিকে লক্ষ্য করিলে স্থলবিশেষে প্রজার প্রার্থনার সেক্রেটারী অফ্ ফেটের ভারত গভর্নমেন্টের নির্দ্ধারিত বিষয়ে কোনরূপে বাধা দেওয়া উচিত নহে । সেরূপ করিলে আত্ম-মর্যাদাসম্পন্ন উচ্চবংশীয় সুশিক্ষিত লোক ভারতে রাজপ্রতি-নিধির ভার গ্রহণ করিতে অস্বীকৃত হইবেন । অপিচ প্রজাদিগকে কর্কশবাক্যে হতাশ করাও তাঁহার সম্মত নয় । সেরূপ বাক্যে প্রজা সাধারণের হৃদয়ে আঘাত লাগিতে পারে, এবং তাহা স্বা

শান্তি ও সুশাসনের পথ কঠিন হইতে থাকে। এই জগৎ মহা-  
 জ্ঞানী বেকন বলেন, “বিরক্ত ও কৰ্কশভাবে আন্দার রক্ষা করা  
 অপেক্ষা মধুর আশাপ্রদ বাক্যে প্রত্যাখ্যান করা প্রশস্ত।” সুতরাং  
 প্রজাদিগের আবেদনের উত্তরে সেক্রেটারী অফ্‌ স্টেট ‘বিবেচনা  
 করা যাইরে’ ভিন্ন কি আর বলিতে পারেন? মুখের উপর কৰ্কশ  
 বলা বড় কঠিন। দেখ ভাই! বাড়ীর পরিজনবর্গ যদি তোমার  
 নিকটে কিছু প্রার্থনা করে, আর যদি সে অনুগ্রহ প্রকাশে তোমার  
 অনিচ্ছা থাকে, অথবা যে কারণেই হউক তুমি যদি ঐ প্রার্থনা  
 পূরণ করা অসম্ভব মনে কর, মুখের উপরে তাহাকে ‘করিব না’  
 এরূপ কৰ্কশ বাক্য বলিতে পার কি? অবশ্যই তোমাকে বলিতে  
 হইবে “এ বিষয়ে বিবেচনা করিয়া পরে বলিব।” ঘরে ঘরে  
 যখন এরূপ কোটিল্য দেখা যাইতেছে, তখন এই বিশাল সাম্রাজ্যে  
 স্তম্ভাঙ্কুরাকার জগৎ ইংরাজ সময়ে সময়ে কোটিল্য-নীতি যে  
 অবলম্বন করিবেন বিচিত্র কি? ইংরাজদের মধ্যে কেহ কেহ\*  
 বিজাতীয়দিগের প্রতি অনাত্মীয়তা প্রদর্শন করিতে পারেন।  
 কিন্তু আমার মতে এরূপ ব্যবহার দ্বারা এদেশের প্রভূত উপকার  
 হইতেছে। এইরূপে বিজিত ও বিজেতৃত্ব আামাদের মনে  
 সর্বদা জাগরুক থাকিলে আমাদিগের অনেক বিষয়ে সুশিক্ষা  
 হইতে পারিবে। আকবর ভারতবাসীদের সহিত যে রূপ ভাবে  
 মিশিতেন, এবং তাহাদিগের সহিত ধর্ম্মাদিবিষয়ে আলোচনা

---

\* অবশ্য সকলেই নহেন। কারণ আমি অনেক সিভিলিয়ান, বণিক ও  
 পাতি সাহেবের সঙ্গে মিশিয়া কখন এ ভাব তাহাদিগের মধ্যে দেখি নাই।

করিতেন, ইংরাজ মাত্রই আমাদের সহিত সেরূপ ভাবে মিশিলে দেশের যে সমূহ ক্ষতি হইত, তাহা চিন্তাশীল ব্যক্তিকে স্মৃতি করিতে হইবে। এদেশীয় ব্যক্তিগত ও সাম্প্রদায়িক সর্ববিধ বিরোধ হইতে সুদূরে না থাকিলে শাসনকর্তাদের অপক্ষপাতিতা রক্ষা করা অনেক সময় দুর্লভ হইয়া পড়ে। বেকন বলিয়া গিয়াছেন “বাজা যদি দলবিশেষের দিকে আকৃষ্ট হন, তাহাতে রাজ্যের মহা অমঙ্গল হইতে পারে।” এ কথা যদি রাজার সম্বন্ধে সত্য হয়, রাজজাতির সম্বন্ধেও তদ্রূপ সত্য। বেশী মিশিতে গেলেই কোন কোন ব্যক্তির ও দলের দিকে বেশী টান হওয়া স্বাভাবিক। এই রূপ হইলে ক্রমে ক্রমে ন্যায়বান ইংরাজের চরিত্র পক্ষপাতিতাদোষে কলুষিত হইয়া পড়িবে।

ভারতীয় প্রজা ও ইংলণ্ডের প্রজার অধিকারপ্রদান বিষয়ে তাবতম্য করার কারণ ইংরাজের জাতিগত বা ব্যক্তিগত ঘেঁষা নহে, ভারতবর্ষে থাকিয়া আমরা যে কার্য করিতে পারি না, ইংলণ্ডে যাইলে অনায়াসে তাহা করিতে পারি। বিলাতবাসী ভারতসন্তান ইংবাজের ন্যায় অনেক বিষয়েই তুল্য অধিকার পাইয়া থাকেন। স্বতরাং আধার বিশেষে অধিকারের তারতম্য দেখা যাইতেছে। আন্তরিক জাতীয় বিদ্বেষবশতঃ পরাধীন ভারতসন্তানের জন্ত ভারতবর্ষে আইন প্রবর্তিত হইলে, বিলাতবাসী ভারতসন্তানের জন্তও অনুরূপ ব্যবস্থা হইতে পারিত। বিজিতদেশ ও বিজিতার দেশ উভয়ের মধ্যে শক্তির তারতম্য চিরপ্রসিদ্ধ। সেই জন্ত ভারত ও ইংলণ্ডের ব্যবস্থা স্বতন্ত্র। অপিচ, ইংলণ্ডভূমিতে ভারত-



বাসী কেন, যে কোন বৈদেশিক প্রজা জন্মগ্রহণ করিলে এখনও ব্রিটিশবাসী ( British born ) ইংরাজ প্রজার গায় সকল সুবিধা পাইতে পারে এরূপ বিধি আছে । গায়বান্ ইংরাজ ইহা ব্যবস্থাপিত করিয়া কি স্বজাতির ঔদার্য্য প্রকাশ করেন নাই ? সম্প্রতি আমেরিকার যুক্তরাজ্যে এইরূপ বিধান হইয়াছে যে, উক্ত রাজ্যে কোন বৈদেশিক জন্মগ্রহণ করিলে সে ব্যক্তি আমেরিকাবাসীর প্রাপ্য সকল অধিকার পাইতে পারিবে না । আমেরিকাও স্তমভ্য দেশ । অনেকেই তাঁহাদের দৃষ্টান্ত প্রদর্শন করিয়া থাকেন । এক্ষণে আমেরিকাবাসীর সহিত তুলনায় ইংরাজেব ঔদার্য্য কি অধিকতর প্রশংসনীয় নহে ?


ইংরাজের সহিত রাজা-প্রজাভাবে ও বিজেতৃবিজিতভাবে মিশিয়া পরস্পরের মনে প্রীতি সম্বন্ধিত হইলে ক্রমে ক্রমে ইংলণ্ডের প্রজার গায় ভারতবাসীরাও যে অনেক ন্যায় স্বত্ব পাইত না, এবং সংযত ভাবে ব্যবহার করিলে এখনও যে পাইবে না তাহা কে বলিতে পারে ? কিন্তু বিজিত হইয়া বিজেতার সঙ্গে বিবাদপূর্ব্বক অধিকারবৃদ্ধির প্রয়াস বিড়ম্বনা নয় কি ? রাজাকে অসম্মুখ করিয়া কে কোথায় কার্য্য সিদ্ধি করিতে পারিয়াছে ?

যে শিক্ষার প্রভাবে আজ ভারতবাসী ইংরাজের সহিত প্রতিদ্বন্দ্বী হইতে দণ্ডায়মান, সেই সুশিক্ষালাভের জন্যও কি গুরু ইংরাজের নিকটে চিরকাল নত্নভাব প্রদর্শন করা উচিত নয় ? ভারতবাসী বৈদেশিক রাজার নিকটে যে সকল উপকার

পাইয়াছে, তজ্জনাও তাহার কি চিরকৃতজ্ঞ থাক। কর্তব্য নয় ? ইংরাজের শাসনপদ্ধতির এরূপ ন্যায়পরতা সন্দর্শনেও কাহাকেও কাহাকেও ইংরাজের প্রতি পূর্ববাপেক্ষা কিছু বিরক্ত হইতে দেখা যায়। বিজিত লোকের বিজেতৃজাতির প্রতি ঘৃণা অসম্ভাবিক নহে। তবে জেতার গুণসমূহ দ্বারা সেই দোষ প্রচ্ছন্ন থাকিতে পারে। বিষ্ণুর অবতার রামচন্দ্র অলৌকিক ন্যায়পরতা গুণে প্রজাদিগকে সুখী করিলেও কেহ কেহ সীতার চরিত্রগত মিথ্যা অপবাদ তুলিয়া তাঁহাকে মর্শ্বস্পর্শী ক্লেশ প্রদান করিতেও কুণ্ঠিত হয় নাই। বন্ধু স্ত্রীস্বামীবির চিরশত্রু বালিবধের জনাও স্ত্রীতীর বাক্য এখনও বামের প্রতি 'প্রযুক্ত হইয়া থাকে। স্ত্রীরাং মানব-ইংরাজের স্বশাসনপ্রণালীর মধ্যে প্রকৃত বা কাল্পনিক দোষের প্রতি লোকে যে তীব্র কটাক্ষ করিবে বিচিত্র কি ? অপিচ, স্বর্গীয় বিদ্যাসাগর মহাশয়কে এক সময়ে তাহার পরিচিত একটী ভদ্রলোক বলিয়াছিলেন 'মহাশয় অমুক আপনার সর্বদাই নিন্দা করে'। তাহাতে তিনি উত্তর করিলেন 'কই আমি তো তাহার কিছু উপকার করি নাই'। বস্তুতঃ এই কলির শেষে উপকৃত ব্যক্তিই উপকারীর নিন্দা করিয়া থাকে। আজ ভারতবাসী ইংরাজের নিকটে যদি পাশ্চাত্য জ্ঞানালোক না পাইত, তাহা হইলে ইংরাজের সহিত সামালাভে প্রয়াসও করিত না এবং তজ্জন্য হতাশ হইয়া এরূপ বিরক্ত হইত না। বর্তমান শাসনপ্রণালীর নিন্দা বা সমালোচনা করিবার পূর্বে আমাদের দেশের পূর্ব অবস্থা স্মরণ করা

উচিত। কিন্তু একালের লোক সে অবস্থা হইতে এত দূৰে যে তাহা হৃদয়ঙ্গম করিতেও সমর্থ হয় না। সে কালের বৃদ্ধেরাও কেহ জীবিত নাই যে সে সকল কথার সম্যকরূপে আলোচনা হইতে পারে।





## সপ্তম পরিচ্ছেদ ।

দুর্ভিক্ষ ।

অনারুষ্টি বা অতিবৃষ্টি নিবন্ধন শস্ত্রের অভাব হইলেই দুর্ভিক্ষ উপস্থিত হয় । কেহ কেহ এই দুর্ভিক্ষের কারণ ইংরাজ গভর্ণ-মেন্ট্‌ এইরূপ নির্দেশ কবিতো কুণ্ঠিত হন না । বিশেষ অনুদান না করিয়া দুর্ভিক্ষের জন্ত গভর্ণমেন্টের দোষ দেখান কি বিজ্ঞের কাব্য ? কোন্‌ রাজার রাজ্যে দুর্ভিক্ষ হয় নাই ? ত্রেতাযুগে লোমপাদের রাজ্যে দুর্ভিক্ষ হইয়াছিল । হিন্দু, বৌদ্ধ, মুসলমান রাজাদিগের রাজত্বকালেও বহুবার দুর্ভিক্ষ হইয়াছে । দুর্ভিক্ষ দুর্দৈব নিবন্ধন হয়, তাহার জন্য রাজার দোষ দেওয়া কোন প্রকারেই উচিত নহে । দুর্ভিক্ষ উপস্থিত হইলে, রাজা যদি তার প্রতিকারবিষয়ে চেষ্টা না করেন, এবং রাজার ওদাসীনা্যবশতঃ যদি প্রজা নষ্ট হয়, তজ্জন্য রাজা অবশ্য দায়ী । সে জন্য রাজাকে সহস্রবার বলা বাইতে পারে । রাজার নিকটে বিনয়পূর্বক সকল বিষয়ের অভিযোগ করা আমাদের শাস্ত্র-

সম্মত । অবিনয় ও ঔদ্ধত্যসহকারে রাজার দোষ দেখান কখনও উচিত নহে । যাঁহার হস্তে প্রভুশক্তি, তাঁহার নিকটে অবিনয় আচরণ দ্বারা উপকারের পরিবর্তে অপকার হওয়ারই সম্ভাবনা । সেরূপ অপকার ঘটিলে নিজের নির্বুদ্ধিতা বুঝিয়া লজ্জিত হওয়া উচিত । চাণক্যের নীতিবলে চন্দ্রগুপ্ত রাজ্য পাইলেন । তথাপি, চাণক্য তাঁহারই স্থাপিত রাজার নিকটে সর্বদা আত্মবাহ থাকিতেন । আমাদের শাস্ত্রানুসারে রাজা যখন দিকপাল বা বৈষ্ণবী শক্তির আধার, তখন সকলকেই সেই ভাবে তাঁহাকে মাগ্য করিয়া চলিতে হইবে । অশিক্ষাচারের কথা ত দূরে, যেখানে বাজা বা উপরিতন রাজকর্মচারী প্রজার প্রতি সর্বদা প্রীত থাকেন, সর্বতোভাবে তাহার অনুষ্ঠান করা কর্তব্য ।

দুর্ভিক্ষ সম্বন্ধে একটি দেশীয় লেখকের মন্তব্যের মর্ম্ম উদ্ধৃত করিয়া দিলাম :—

“অনারুষ্টি বা অতিরুষ্টিনিবন্ধন শস্যক্ষয় দুর্ভিক্ষের কারণ নহে । অনারুষ্টি হইলেও দুই সহস্র বৎসর মধ্যে ভারতব্যাপী অনারুষ্টি কখনও হয় নাই । কোন স্থানে না কোন স্থানে রুষ্টি হইয়া পর্যাপ্ত শস্য হইয়াছে । ভারতের এক চতুর্থাংশ ভূমিতে শস্য উৎপন্ন হইলে দুর্ভিক্ষপীড়িত প্রদেশসমূহের অধিবাসীদিগের অনশনজন্য মৃত্যু অনায়াসে নিবারিত হইতে পারে । দেশের সর্বত্র রেলপথবিস্তার হওয়ায় এক প্রদেশ হইতে অন্য প্রদেশে শস্য অল্প সময়ের মধ্যে প্রেরিত হইতে পারে । ভারতে স্থানে স্থানে অনারুষ্টি বা অতিরুষ্টি হইলেও স্থান বিশেষে শস্য না

জন্মাইলেও কোন কোন স্থানে যে শস্তরাশি উৎপন্ন হয়, সেই শস্ত সকল রীতিমত দেশের মধ্যে ভাগ করিয়া দিলে সকলের আহার জুটিতে পারে। কিন্তু ভারত ভিন্ন অনেক দেশ আছে, যেখানে প্রচুর শস্ত হয় না। বিলাতেই কৃষিযোগ্য ভূমির অত্যন্ত অভাব। তথায় শস্তাদি রীতিমত উৎপন্ন হইলে, তাহা দ্বারা সমগ্র ইংলণ্ড-বাসীর ৯১ দিনের অধিক উদর পূরণ হয় না। তথাপি সমস্ত বৎসর ইংলণ্ডবাসীকে অনশনে যাপন করিতে হয় না। জার্মানির অবস্থাও অনেকাংশে ইংলণ্ডের মত। জার্মানবাসীরাও স্বদেশোৎপন্ন শস্তের উপর নির্ভর করিয়া থাকিলে তাঁহাদের ১০২ দিন অন্নভাব ঘটিত। হল্যান্ড, মার্কিন প্রভৃতি দেশেও সময়ে সময়ে অনাবৃষ্টি ঘটিয়া শস্তের ব্যাঘাত হয়। তথাপি, সে সকল দেশে দুর্ভিক্ষ হইয়াছে শুনা যায় না। দেশে শস্তাভাব হইলেই যে দুর্ভিক্ষ হইবে এরূপ কথা অসঙ্গত। দৈবের বিড়ম্বনায় অন্নকন্ঠের সম্ভাবনা হইলে, সভ্যজাতি মাত্রেই দূরদেশ হইতে শস্ত আনয়ন করিয়া প্রয়োজন সিদ্ধি করিয়া থাকেন। ভারত-বর্ষ হইতে প্রতিবৎসর ১৬ কোটি টাকার গোধূম ও তণ্ডুলাদি সমুদ্রপথে ঐ সকল দেশে গিয়া তত্রত্য অধিবাসীদিগের জীবন রক্ষা করিতেছে। ইউরোপীয়গণ বহুদূরবর্তী ভারত হইতে শস্ত লইয়া আপনারা জীবন রক্ষা করিতেছেন। আর ভারতের সম্ভাব্য শস্তের কাছে থাকিয়া অন্নভাবে দলে দলে মরিতেছে। ভারতবাসীর ধন বলের অভাবই এদেশে ঘন ঘন দুর্ভিক্ষ ঘটনার প্রধান কারণ।”

এ বিষয়ে আমার এই বক্তব্য যে, যখন যুগ যুগান্তর দুর্ভিক্ষের গতি অনিবার্য্য হইয়া রহিয়াছে । পূর্ব্বো মধ্য মধ্য দুর্ভিক্ষের প্রকোপে অনেক দরিদ্র প্রজার অসময়ে জীবন নাশ ঘটিয়াছে । যখন এদেশে শিল্প ও বাণিজ্যের উন্নতি ছিল, দেশের টাকা দেশে থাকিত, তখন দুর্ভিক্ষ উপস্থিত হইত কেন ? যখন এদেশের প্রায় ঘরে ঘরে গোলাপূর্ণ ধান্য ছিল, দেশের লোকে বিশেষ বদান্যও ছিলেন, তখন দুর্ভিক্ষে লোক মরিত কেন ? ধনবলের অভাবই দুর্ভিক্ষের প্রকৃত কারণ এ কথা সকলেরই স্বীকার্য্য । তা বলিয়া দেশের সমুদয়লোকত আর ধনী হইতে পারে না ? শস্ত্রের মূল্য বৃদ্ধি হইলে, দরিদ্র লোকে তাহা ক্রয় করিতে পারে না বলিয়াই অন্নের অভাবে অকালে কালগ্রাসে পতিত হয় । প্রাকৃতিক নিয়মেই মেঘাদি হইয়া যথাকালে তাহা হইতে বৃষ্টি হয় । প্রাকৃতিক নিয়মের অনুগত হওয়া বিচিত্র নহে । পৃথিবীর তিন ভাগ জল ও এক ভাগ স্থল । যেবারে সমুদ্রের উপরে অধিক বৃষ্টিপাত হয়, সেবারে স্থলের উপরে স্বল্প বর্ষণ হওয়া অসম্ভবপর নয় ; এবং ইহার বিপরীত হইলে অতিবৃষ্টি ও হইতে পারে । অনাবৃষ্টি বা অতিবৃষ্টি নিবন্ধন শস্যাদির ক্ষয় অবশ্যসম্ভাবী । শস্যাদির ক্ষয়ে উহা বহুমূল্য হইলে দরিদ্র-বহুলদেশে দুর্ভিক্ষ অনিবার্য্য । এদেশে ব্রাহ্মণের সংখ্যা বেশী, ব্রাহ্মণের শাসনেই এদেশ বরাবর সুশাসিত হইয়া আসিতেছে । পূর্ব্ব বর্ণগত ও বিছাগত প্রাধান্য ব্রাহ্মণেরই ছিল । অনেক ব্রাহ্মণেই সংসারের অনিত্যত্বজ্ঞানে ভিক্ষাবৃত্তি, শিালোদ্ধৃতি বা

সামান্য রাজদত্ত বৃত্তি দ্বারা সম্ভুষ্ট মনে জীবিকা নির্বাহ করিতেন ।  
ক্রমে ক্রমে তাঁহার চরিত্র অনুকরণে এদেশীয় অনার্যাদিগের  
মনেও ভিক্ষাবৃত্তির উৎকৃষ্টতা উপলব্ধি হওয়ায় এদেশে অলস  
ভিক্ষকের সংখ্যা বৃদ্ধি পাইয়াছে । দুর্ভিক্ষের সময় দরিদ্র  
লোকেই যে বেশী মৃত্যু মুখে পতিত হয়, তাহা বলা বাস্তব্য ।

যে বারে ভারতে প্রচুর শস্য উৎপন্ন না হইবে, সে বারে ইং-  
রাজ কি ভারতীয় দরিদ্র প্রজার রক্ষার জন্য ভারত হইতে শস্য  
রপ্তানি করা একেবারে বন্ধ করিয়া দিবেন? আর তাঁহারা স্বদেশোৎ-  
পন্ন শস্য ৯১ দিন খাইয়া অবশিষ্ট দিন কি বায়তক্ষণ করিয়া থাকি-  
বেন? না—ভারতের জন্য সদলবলে না খাইয়া প্রাণ বিসর্জন  
করিবেন? ভাল, ইংরাজ আমাদের রাজা, ভারতীয় প্রজার  
রক্ষার জন্য ভারতের উৎপন্ন শস্য ইংলণ্ডে না লইয়া গিয়া যে  
কোন উপায়ে ইংলণ্ডের জীবন রক্ষা করিলেন । জার্মানদের তাহা  
শুনিবে কেন? তাঁহারা ভারত হইতে প্রভূত মূল্য দিয়া শস্যরাশি  
ক্রয় করিয়া স্বদেশ পূর্ণ করিয়া ফেলিবেন । শস্য রপ্তানির  
বন্ধের জন্য ইংরাজ যদি রপ্তানি শস্যের উপরে অতিরিক্ত শুল্কও  
নির্দ্ধারণ করেন, তাহারা অধ্যবসায়ী, যাহাদের দেশে দ্রব্য অপেক্ষা  
অর্থ সুলভ, তাহারা অতিরিক্ত মূল্য দিয়া অনায়াসেই যে শস্য-  
রাশি ক্রয় করিবে, আশ্চর্য্য কি? তখন ইংরাজ আর কি  
করিতে পারেন? ভারতীয় ভ্রাতারা যখন ভূমির কর্ষক, উৎপন্ন  
শস্যরাশির প্রভু, এবং তাহারাই যখন শস্যের উচিত মূল্য  
লইয়া বৈদেশিকদিগকে শস্য বিক্রয় করিতেছে, তখন তাহার



জনা ইংৰাজ কেন দায়ী ? ইংৰাজ যদি বলপূৰ্বক অল্প মূল্যে বা বিনা মূল্যে শস্য সংগ্ৰহ কৰিয়া স্বদেশে বা অন্য দেশে শস্য রপ্তানি কৰিতেন, তাহা হইলে তাঁহাদের উপরে এ দোষ দেওয়া যাইতে পারিত। পক্ষান্তরে, ভাৰতীয় দরিদ্র প্রজাৰ প্রাণরক্ষা বিষয়ে এদেশীয় কৃষক ও বণিক্গণ কেন না দায়ী হইবেন ? তাঁহারা অৰ্থের লোভে শস্য বিক্রয় না কৰিয়া দেশীয় দরিদ্র দিগের সুবিধার জন্য যদি শস্যরাশি সঞ্চয় কৰিয়া রাখেন, আর দুৰ্ভিক্ষের সময়ে অনায়াসেই যদি তাহা অল্প মূল্যে বিক্রয় করেন, তাহা হইলে দরিদ্র লোকের ত অনায়াসেই প্রাণরক্ষা হইতে পারে। যদি বল, দেশীয় শিল্পের নাশে দেশ অন্তঃসারশূন্য হওয়াতে দেশীয় লোকের শস্যসঞ্চয়ের ক্ষমতা নাই, কাজেই তাহারা উদরের জ্বালায় ও রাজার রাজস্বের টাকা সংগ্ৰহের জন্য শস্য বিক্রয় কৰিতে বাধ্য হয়। যে কারণেই হউক, যখন ভাৰতের অবস্থা এইরূপ, এবং নিজের অবস্থানুসারেই যখন দেশীয় লোকেই বিদেশে শস্য রপ্তানি কৰিতে বাধ্য হইতেছে, তখন তাহাৰ জন্য ইংৰাজের স্বক্ষে এক্ষণে এ দোষ চাপাইয়া কি ফল ?

দুৰ্ভিক্ষের অৰ্থ ভিক্ষার অভাব। শস্যের অভাববশতঃ উহা অতিৰিক্ত মহাৰ্ঘ হইলে লোকে ভিক্ষুকদিগকে এক মুষ্টি ভিক্ষা দিতেও যখন কাতর হয়, সকলেই উদরান্ন সঞ্চয়ের জন্য ব্যাকুল হইয়া পড়ে, তখনই দুৰ্ভিক্ষ হয়। অলস ভিখাৰীৰ সংখ্যা যে দেশে যত বেশী, দুৰ্ভিক্ষের আক্রমণও সে দেশে তত

এবল । ইংলণ্ড, ইল্যাণ্ড, মার্কিন প্রভৃতি দেশে অনেকেই ব্যবসায় বাণিজ্য দ্বারা ধনী । সেখানে ভিখারীর সংখ্যা নাই, বলিলেই হয় । সেখানে অনেকেই পরিশ্রম করিয়া অর্থ উপার্জন করে, তথাপি, ভিক্ষা অবলম্বনপূর্বক আলস্যের প্রত্নয় দেয় না । কাজেই, ভারতের ন্যায় ঐ সকল দেশে হুৰ্ভিঞ্চের প্রকোপ নাই । ভারতবর্ষীয় দরিদ্র লোকে নিরীহ ও আলস্যপরায়ণ । তাহারা বিলাতের লোকের ন্যায় পরিশ্রমপূর্বক অর্থ উপার্জনদ্বারা জীবনধারণ করা অপেক্ষা ভিক্ষাবৃত্তি শ্রেয়ঃ মনে করে । তাই ভারতে ভিক্ষুকের সংখ্যা দিন দিন সীমা অতিক্রম করিতেছে । চিরপরাধীন দরিদ্র ভারতবাসী স্বাধীন বৈদেশিক জাতির সহিত কিরূপে সমকক্ষতা করিতে পারে ? বিলাতে লোকে চাউল, গোধূম প্রভৃতি নিত্য আহারীয় দ্রব্য বারমাস যে মূল্যে ক্রয় করে, এদেশে ভীষণ হুৰ্ভিঞ্চের সময়েও ঐ সকল বস্তু অপেক্ষাকৃত স্থূলভ মূল্যে বিক্রীত হয় । যেখানে অর্থ স্থূলভ, সেখানে লোকে বস্তুর জন্য ভাবিত হয় না, যেখানে হউক, উহা সংগ্রহ করে ।

এ দেশে মধ্যে মধ্যে হুৰ্ভিঞ্চ হয়, এবং অনেক দরিদ্র অনাথানে অকালে জীবন বিসর্জন করে সত্য; কিন্তু, তাহার জন্য এক্ষণে আর অনুশোচনা করিয়া কি ফল ? প্রকৃতি বাদিনী হইলে রাজা কি করিতে পারেন ? অপিচ, পূর্বের ভারতবর্ষে এত লোকের বসতি ছিলনা । এ সংসারে নিম্নতই লোকসংখ্যার বৃদ্ধি হইতেছে । উন্নতি হইলেই, পতন হয়, বৃদ্ধি হইলেই ক্ষয় আছে । কুরু-পাণ্ডবের

যুদ্ধের পূর্বের ক্ষত্রিয় রাজকুলের এত বৃদ্ধি হইয়াছিল যে ক্ষত্রিয়-দিগকে অনুরের অংশ বলিয়া তাহাদিগের বিনাশসাধন দ্বারা পৃথিবীর ভার লঘুকরণই কোঁরব-যুদ্ধের কারণ উল্লিখিত হইয়াছে। লোকসংখ্যার আধিক্য হইলে, কখন ভূমিকম্পে, কখন উত্তপ্ত ধাতুদ্রবে, কখন প্লেগে, কখন দুর্ভিক্ষে, কখনও বা যুদ্ধ বিগ্রহে লক্ষ লক্ষ নরনারী জীবন ত্যাগ করিয়া পৃথিবীর ভার লাঘব করে। তথাপি কার্গাবীর মানব কখনই নিশ্চিন্ত থাকিতে পারে না, বিপদ হইতে রক্ষা পাইবার জ্ঞান প্রাণপণে চেষ্টা করে। তাই দুর্ভিক্ষের প্রকৃত দমন করিতে হইলে, বৃষ্টিনিরপেক্ষ হইয়া ধেরূপে দেশে শস্য উৎপন্ন হইতে পারে, সর্বতোভাবে তাহার চেষ্টা করা কর্তব্য। দেশের সর্বত্র খাল ও তড়াগ সকল নিখাত হইলে বৃষ্টি নিরপেক্ষ হইয়া শস্য উৎপন্ন হইতে পারে। ইংরাজ পূর্ব হইতে অনেক স্থানেই জলাশয় ও খাল প্রস্তুত করিয়া দিয়াছেন সত্য; কিন্তু এ বিশাল ভারতভূমির পক্ষে উহা এখনও পর্যাপ্ত হয় নাই। কেহ কেহ এইজ্ঞা বলেন যে, গভর্নমেন্টের যত্নে প্রতিবৎসর যেরূপ স্থানে স্থানে রেলপথ প্রসারিত হইতেছে, সেইরূপ তাহার সঙ্গে সঙ্গে নূতন নূতন খাল ও জলাশয় যদি প্রস্তুত হয়, ক্রমে ক্রমে দুর্ভিক্ষের প্রকোপ ও অনেক পরিমাণে হ্রাস হইতে পারে। ইহাতে শ্রমজীবীদের উপার্জনপণও প্রসারিত হইবে। আর বৃষ্টিনিরপেক্ষ হইয়া দেবমাতৃক দেশেও প্রচুর শস্য উৎপাদন করা অসম্ভাবিত হইবে না। কেহ কেহ বলেন যে রেলপথের দুই পার্শ্বে যথেষ্ট ভূমি

পড়িয়া আছে। অন্যতর পার্শ্বের ভূমি কিছু বাড়াইয়া লইয়া যদি তাহাতে রেলের মত সুদীর্ঘ ভারতব্যাপী খাল প্রস্তুত হয়, নদীর সঙ্গমস্থলে বৈজ্ঞানিক উপায়ে কবাট দিয়া খালের মধ্যে জল প্রবেশ ও নির্গমের উপায় করিয়া দেওয়া যায়, তাহা হইলে খালে বারমাস জল থাকিতে পারিবে। পক্ষান্তরে, অতি নিকটবর্তী হইলেও ঐ খাল দ্বারা রেলপথের অনিষ্ট সম্ভাবনা থাকিবে না। বৈজ্ঞানিক কৌশলে ক্ষেত্রের মধ্যে ঐ খাল হইতে সর্বত্র জল প্রবেশ-নির্গমের উপায় করিয়া দিলে কেবল যে বৃষ্টি-নিরপেক্ষ হইয়া শস্য উৎপন্ন হইবে তাহা নহে; অপিচ, ঐ খালে মৎস্য উৎপন্ন হইলে গভর্ণমেন্টেরও অলাভ হইবে না। যেরূপ ক্রমে ক্রমে ভারতবর্ষে রেলপথ প্রসারিত হইতেছে, সেইরূপ ক্রমে ক্রমে প্রতিবৎসর এরূপ অভিনব খাল খনন করাইলে গভর্ণমেন্টেরও ব্যয়বিষয়ে বিশেষ ভাবিত হইতে হইবে না। রেলপথের পার্শ্ববর্তী পল্লীসমূহের স্বাস্থ্য একেবারে নষ্ট হইয়াছে। তাহার কারণ, পূর্বের পল্লীর জল মাঠ দিয়া বাহির হইতে পারিত। মধ্যে উচ্চ রেলপথ নির্মিত হওয়াতে পূর্বের ন্যায় আর জল নিকাশ হইতে পারিতেছে না। রেলের নিম্নবর্তী অল্প সংখ্যক কৃত্রিম পয়োনালীদ্বারা জল কত বাহির হইতে পারে? কাজেই, গ্রামের জল গ্রামেই বসিয়া গিয়া গ্রাম অস্বাস্থ্যকর হইতেছে। রেলের নিকটে গ্রামের মধ্যে এরূপ সুদীর্ঘ খাল থাকিলে গ্রামের জল খালে পড়িতে পারে ও নিম্নস্থিত কৃত্রিম পয়ঃপ্রণালী দ্বারা সুকৌশলে রেলের উভয় পার্শ্ববর্তী গ্রামের জল ঐ খালে পড়িবার

সুবিধা করিয়া দিলে, সকল গ্রামের স্বাস্থ্য ভাল হইবে এবং প্রচুর পরিমাণে শস্য ও মৎস্য উৎপন্ন হইলে দরিদ্রগণ দুর্ভিক্ষের হাত হইতে রক্ষা পাইতে পারিবে। অপিচ, কোন কোন স্থানে বানাদির অনুবিধাবশতঃ দূর ষ্টেশন হইতে এক্ষণে অনেকেই নিজ নিজ গ্রামে চলিয়া যায়। একরূপ খাল প্রস্তুত হইলে লোকে ষ্টেশন হইতে নৌকাযোগেও যাতায়াত করিতে পারিবে। ইহাতে দরিদ্র নৌজীবীদের ও কিছু অর্থাগম হইতে পারে। কেহ কেহ বলেন যে কটক, পুষা প্রভৃতি স্থানের কৃষিক্ষেত্রের জায়-প্রতিজেলার গভর্ণমেণ্টের এক একটা সুবৃহৎ আদর্শ কৃষিক্ষেত্র থাকিলে প্রভূত উপকার দর্শে। ঐ সকল ক্ষেত্রমধ্যে বৈজ্ঞানিক উপায়ে জল প্রবেশ ও নির্গমের সুবিধা করিয়া দিলে দৈবের প্রতিবন্ধকতায় শস্যের ক্ষতি হইতে পারিবে না এবং উৎপন্ন শস্যরাশি গোলায় রক্ষিত থাকিবে। দুর্দ্দৈববশতঃ জেলার অন্তান্ত স্থানে যেবারে প্রচুর শস্য উৎপন্ন না হইবে, গভর্ণ-মেণ্টের ঐ গোলা হইতে লোকে যদি পূর্বমূল্যে শস্য ক্রয় করিতে পারে, দরিদ্রগণ দুর্ভিক্ষজন্য কষ্ট অনুভব করিতে পারিবে না। এক্ষণে যখন আমরা জায়বান্-ইং-রাজরাজের রাজ্যে বাস করিতেছি এবং ইংরাজ যখন প্রজার হিতের জন্য একরূপ অনেক সংকার্য্য করিতেছেন, তখন আমাদের সময়োচিত প্রার্থনাটি কেননা পূর্ণ, হইবে? পরন্তু, আমাদের দেশের লোকও বড় অলস হইয়া পড়িয়াছে। কৃষক পূর্বের ন্যায় আর চাষ করিতে শ্রম করে না। দেখা যায় সহরে মুটেরাও:

ট্রামগাড়ীতে উঠিয়া যাইতেছে । পূর্বে ভদ্রবংশীয়গণ নিজের ক্ষেত্রে গমন করিয়া কৃষকদ্বারা চাষবাস করাইতেন । এক্ষণে অনেকেই ভৃত্যমুখাপেক্ষী বাবু, ভৃত্যগণও আলস্যপরায়াণ । এই অবকাশে দৈবের প্রতিকূলতায় শস্যের হানি হওয়ায় দুর্ভিক্ষ যে ঘন ঘন হইবে বিচিত্র কি ? পৌরুষ ব্যতিরেকে কোন কার্য সম্পাদিত হয় না সত্য ; কিন্তু পৌরুষনিষ্পাদ্য কার্যও অনুকূল দৈব ও সুসময়ের অধীন । উড়িয়ায় গতবার হইতে দুর্ভিক্ষ হইয়াছে । গভর্নমেন্ট তাহার প্রতীকারের জন্য অনেক সাহায্য করিয়া আসিতেছেন । কিন্তু লোকে এত অলস যে অনেকেই গভর্নমেন্টের রিলিফ-কার্গো না খাটিয়া সহরে ভিক্ষা করিয়া জীবন নির্বাহ করিতেছে । এরূপ ভিক্ষাশীল অলসের কি কখন উন্নতি হইতে পারে ? আমি একটি উড়িয়া চাকরের মুখে শুনিয়া তাহারই কথা বাঙ্গালায় অনুবাদ করিয়া দিলাম :—“পূর্বের গায় এবারেও অনেকেই এই দুর্ভিক্ষে মারা পড়িত, কিন্তু গভর্নমেন্ট দূর হইতে ক্ষুদ্র আনিয়া স্থলভ দবে দেওয়ায় আমরা বাঁচিতেছি ।”

দুর্ভিক্ষের সময়ে গভর্নমেন্টকে শস্যরপ্তানি বন্ধ করার পরামর্শ দেওয়া বিজ্ঞের কার্য নহে । ধনবলের অভাবই যদি দুর্ভিক্ষের কারণ প্রতিপন্ন হয়, দেশে যেরূপে ধনবলের বৃদ্ধি হইতে পারে, সর্বত্র যেরূপে বৃষ্টিনিরপেক্ষ হইয়া শস্য উৎপন্ন হয়, তদ্বিষয়ে গভর্নমেন্টকে নম্রভাবে সুপরামর্শ দেওয়া কর্তব্য । কেহ কেহ বলেন যে ভারত গভর্নমেন্টের অধীন

দুর্ভিক্ষ নামে স্বতন্ত্র স্থায়ী একটা বিভাগ খুলিয়া তাহার সেক্রেটারী পদ পরামর্শমত এ বিষয়ে কার্য করিলে ভাল হয়। সম্রাটের জন্মদিন উপলক্ষ্যে ইচ্ছামত সকলেই ঐ বিভাগের পুষ্টির জন্য অর্থদান করিতে পারিবেন। দেশের সর্বত্র প্রচুর শস্য উৎপন্ন হইলে, ঐবিভাগে অর্থরাশি সঞ্চিত হইতে থাকিবে। স্থায়ী সেক্রেটারী থাকিলে তিনি সমুদয় অর্থব্যয়ের দায়ী থাকিতে পারিবেন। তিনি দুর্ভিক্ষবিভাগে সঞ্চিত অর্থ অন্য কোন বিভাগের জন্য ব্যয় করিতে দিবেন না; এবং ইংলণ্ডের অনাথাশ্রমের ন্যায় এদেশে প্রতি জেলায় জেলখানার নিকটে, এই দুর্ভিক্ষবিভাগের অধীনতায় অন্ন, মৃক, বধির, ব্যাধিগ্রস্ত ও কর্ম্মকরণে অসমর্থ ব্যক্তিদিগেব জন্মও যদি গভর্ণমেন্ট এক একটি অনাথ আশ্রম প্রতিষ্ঠা করেন, বড় ভাল হয়। জেলার ম্যাজিষ্ট্রেট ও প্রধান ডাক্তার ঐ বিভাগের কার্য পর্যবেক্ষণ করিতে পারিবেন। ঐ সকল অন্ন, মৃক প্রভৃতিকে তাহাদিগের উপযুক্ত কার্য দিয়াও কিছু অর্থ আদায় হওয়া অসম্ভব নয়। প্রজারক্ষার জন্য প্রতিজেলায় একরূপ উপায় থাকিলে ভিখারীর সংখ্যাও এদেশে ক্রমে ক্রমে হ্রাস হইতে থাকিবে। এই বিশাল সাম্রাজ্যের মধ্যে জেলায় জেলায় একরূপ অনাথাশ্রম প্রতিষ্ঠিত হইলে গভর্ণমেন্টের যে তাহাতে অধিকতর সুনাম হইবে তাহা বলা বাহুল্য। দুর্ভিক্ষ উপস্থিত হইলে আপাততঃ গভর্ণমেন্ট যেরূপ বন্দোবস্ত করিতেছেন, সে বিষয়ে কাহার বিশেষ বক্তব্য নাই। তবে অনেকেই ভিক্ষা বা শ্রম করিয়া গভর্ণমেন্টের নিকটে সাহায্যপ্রার্থী হইতে চাহে না,

তাহাদের জন্ত দেশদেশান্তর হইতে শস্য ক্রয় করিয়া আনিয়া দুর্ভিক্ষপীড়িত দেশে পূর্বের ন্যায় মূল্যে যদি গভর্ণমেন্ট শস্যবিক্রয়ের ব্যবস্থা করিয়া দেন, বড় ভাল হয় ; গভর্ণমেন্ট একপ ব্যবস্থায় বরাবর মনোযোগী আছেন এবং দুর্ভিক্ষ প্রাণ-কারের জন্ত নানানিধ উপায় করিতেছেন । অপিচ, এদেশের কৃষি তত্ত্ব এবং শিল্প ও বাণিজ্যের উন্নতির জন্য গভর্ণমেন্ট এক্ষণে অধিকতর চেষ্টা করিতেছেন । সেজন্য আমাদের সর্ববাস্তবকরণে ইংরাজের নিকটে রুতজ্ঞ থাকা উচিত । তবে আমাদের মতে যে পর্য্যন্ত জেলায় জেলায় আদর্শ কৃষিক্ষেত্র প্রতিষ্ঠিত না হইতেছে, যে পন্যন্ত গভর্ণমেন্টের গোলায় গোলায় ধান্য সঞ্চয় করিয়া রাখা না হইতেছে এবং অধিকতর খাল ও তড়াগাদি খননের সুবন্দোবস্ত না হইতেছে, সে পর্য্যন্ত দুর্ভিক্ষপীড়িতস্থানে দেশান্তর হইতে শস্যাদি আনিয়া পূর্ববৎ মূল্যে উহার বিক্রয়ের ব্যবস্থা করিলে প্রজাসামান্যের অনেক কষ্টের লাঘব হইবার সম্ভাবনা ।


আমরা দলবদ্ধ হইয়া দেশান্তরে যদি শস্য রপ্তানি করা বন্ধ করিয়া দেই, কখন দৈবদুর্বিপাকে এদেশে পর্য্যাপ্ত শস্য উৎপন্ন না হইলে তখন অথ দেশ হইতে কি রূপে শস্য আনিতে পারিব ? অপিচ, যেবারে প্রচুর শস্য উৎপন্ন হইবে, বৈদেশিকেরাও যদি প্রতিজ্ঞাপূর্বক এদেশের শস্য গ্রহণ না করেন, তাহা হইলে দেশীয় কৃষক ও বণিকদিগের ঘরে ঘরে শস্যরাশি সঞ্চিত থাকিলে ক্রমে তাহা দ্বারা কি কেবল কীটের উদর পূর্ণ হইতে থাকিবে না ? আমদানি-রপ্তানি, ক্রয়-বিক্রয় দ্বারা বস্তুর বিনিময়ই বাণিজ্য ।



বাণিজ্য করিতে গেলে বস্তুর বিনিময় আবশ্যক । উচ্চ অঙ্গের ব্যব-  
সায়ীকে দেশ বিদেশের সহিত কারবার করিতে হয়, দেশ বি-  
দেশের বাণিজ্যসংক্রান্ত সংবাদ রাখিতে হয় । সকল লোকের  
সহিত সম্ভাব স্থাপন না করিলে বাণিজ্যের সুবিধা হয় না । বণিক্  
মাত্রেরই সুমিষ্ট বাক্য ও সদ্যবহার শিক্ষা করা অগ্রে কর্তব্য ।  
লক্ষ্মীচরিতে আছে “লক্ষ্মী কলহময় স্থান পা দিয়াও স্পর্শ করেন  
না” । ভাই ভারতবাসী ! যদি তোমরা এই দেশে কৃষি, শিল্প ও বাণি-  
জ্যের প্রকৃত উন্নতি করিতে চাও, তাহা হইলে মন হইতে দ্বেষ,  
হিংসা ও কলুষভাব একেবারে পরিত্যাগ কর । অতীত ঘটনা ভুলিয়া  
যাও, বর্তমান অবস্থায় দেশের কিরূপে মঙ্গল হইতে পারে কায়-  
মনোবাক্যে তাহার চেষ্টা কর । এদেশের দ্রব্য ও এদেশীয়  
শিল্পীকে অন্তরের সহিত আদর করিতে গিয়া বৈদেশিক শিল্প ও  
শিল্পীর প্রতি ঘৃণা করিও না । দেশীয় শিল্পের ব্যবহার জন্ম  
বাক্তবিতণ্ডাও করিও না । বিনীত ও ধীরভাবে রাজার  
প্রতি অচলা ভক্তি স্থাপনপূর্বক দৃঢ় অধ্যবসায়ের সহিত জননী  
জন্মভূমির পূজা কর । এ পূজায় বাঘ আড়ম্বরের প্রয়োজন  
নাই । একান্তমনে ভক্তিভাবে কর্ম করিলেই ফল অবশ্যস্ফাবী ।  
আমরা বাণিজ্যনীতিতে সম্পূর্ণ অনভিজ্ঞ এবং এ অনভিজ্ঞতা  
আমাদের পরাধীনভাবমিশ্রিত হইয়া স্বাভাবিক হইয়াছে । পরা-  
ধীন জাতির মন কলুষিত ও সন্দ্বিগ্ন থাকায় যৌথ কারবারে সকল  
অংশীদারের প্রতি বিশ্বাস স্থাপনপূর্বক বরাবর কার্য্য করা সহজ  
ব্যাপার নহে । হাওড়ার দেশলাই ব্যবসায়ের পরিণাম ও বেঙ্গল

প্রভিন্সিয়াল রেলওয়ের দুর্দশা দেখিলেই অনেকের চৈতন্য হইতে পারিবে। তজ্জন্য গুরু ইংরাজের নিকট কিছুকাল বাণিজ্যনীতি শিখিতে হইবে। যে পর্য্যন্ত শিক্ষা পূর্ণ না হই-  
তেছে, দেশীয় বড় বড় ব্যবসায়ের মধ্যে এক একজন সুবিজ্ঞ ইংরাজকে অংশীদার কব। ক্রমে স্বাধীন ইংরাজের সঙ্গে এক বাণিজ্যসূত্রে আবদ্ধ হইয়া সকলে যখন এক ঐক্যে কার্য্য করিতে শিখিবে এবং মন হইতে অন্যের প্রতি ঘৃণা ও সন্দেহ দূর করিতে পারিয়াছে বুঝিবে, তখন নিজেব ব্যবসায় নিজে চালাইও। বর্ত্তমান অবস্থায় তোমরা যদি ব্যক্তিগত কার্য্যেব জন্য ইংবাজ জাতির প্রতি ক্ষুব্ধ ও অসন্তুষ্ট হইয়া প্রতিজ্ঞাপূর্ব্বক সকল বিলাতী দ্রব্য পবিতর্জন কব, এ সংসাবে অনেক বিষয়েই অভাব উপলব্ধি কবিতে হইবে। কায্যকোশে তাহা সহ্য কবিতে পারিলেও, ইহাব ফল কি হইবে? তোমরা প্রতিজ্ঞাপূর্ব্বক বিলাতী দ্রব্য ত্যাগ কবিলে, বিলাতীবাও প্রতিজ্ঞাপূর্ব্বক তোমাদের দ্রব্য ত্যাগ কবিলেন; অপিচ,এদেশে বিলাতী শিল্প যন্ত্রেব আমদানী কবাও একে-  
বাবে বন্ধ কবিয়া দিলেন, এইকপে পরস্পরের সহিত আদানপ্রদান সম্বন্ধ ছিন্ন হইলে বাণিজ্য কিরূপে চলিতে পারিবে? কেবল স্বদেশের লোকদিগকে বিক্রয় করিলে ভাবত কি কখন ধনাঢ্য হইতে পারিবে? যদি ব্যবসায় বাণিজ্যে বৈদেশিকের সহিত কখনও প্রতিদ্বন্দ্বী হইতে ইচ্ছা কর, বিলাতের সহিত আদান-  
প্রদান সম্বন্ধ রাখিয়া কার্য্য কর। বাড়ীর ভিতরে বাণিজ্য করিয়া কেহ কখন ধনী হইতে পারে নাই। একচিন্ততা ও অধ্যবসায়ের

সহিত দেশে নূতন নূতন শিল্প উদ্ভাবন কর, এবং রাজার সাহায্যে দেশের সকল দ্রব্য বাণিজ্যের জন্য দেশ বিদেশে পাঠাও এবং বিদেশের ভাল ভাল দ্রব্য ও শিল্প যন্ত্রসমূহ যাহা এদেশে দুর্লভ, তাহা ক্রয় করিয়া আন এবং তাহা প্রস্তুত করিতে অভ্যাস কর । সংপথে থাকিয়া দেশের উন্নতি করিতে পারিলেই মাতৃপূজা করা হইবে, ইহা যেন সর্বদা মনে জাগরুক থাকে । একচিন্তে মাতার পূজা করিতে বসিয়া ব্যক্তিগত বা বস্তুগত ঘৃণা যদি মনে উদয় হয়, তাহা হইলে নিশ্চয় জানিও, সাধনার ব্যাঘাত হইল, পূজা পণ্ড হইল । সংযমই সাধনার প্রধান অঙ্গ । ভাই ভারতবাসী ! যদি দেশের প্রকৃত হিতৈষী হও, বিলাতী পণ্য-বর্জনের দ্বৈষমূলক প্রতিজ্ঞাটি অগ্র পরিতাগ করিতে হইবে । শীতলশোণিতে ও শুভ্রচক্ষে আমার কথাগুলি একবার একমনে আলোচনা কর, পরে আমার প্রতি যাহা কর্তব্য করিও । কিন্তু পরের কথা শুনিয়া কোন কার্য্য করিও না । নিজের বর্ত্তমান অবস্থার দিকে লক্ষ্য করিয়া বিবেকের সহিত পরামর্শপূর্বক বল, আমার এই উপদেশ গুলি সময়োপযোগী কি না ? হতাশ বা দুঃখিতহৃদয়ে ‘বয়কট্’ বা প্রতিজ্ঞাপূর্বক সকলবিলাতী দ্রব্য-বর্জনের কথাটি কখনই এদেশের কল্যাণকর নহে । প্রত্যুত, ঐ কথা দ্বারাই এখন পদে পদেই আমাদের অশুভফল ভোগ-করিতে হইবে ।



## অষ্টম পরিচ্ছেদ ।

ইংরাজের পৃথিবীর উপরে প্রভুত্ব ।

প্রাকৃতিক নিয়মের বশবর্তী হইয়া কার্য্য আরম্ভ করিলে তাহার ফল অবশ্যস্বাবী । প্রকৃতি বা দৈব প্রতিকূল থাকিলে প্রারদ্ধ কার্য্যও নিষ্ফল হয় । এই জগৎ দেশকাল ও আধারভেদে বীজবপন করিবার ব্যবস্থা আছে । প্রভূতশস্যশ্যামলা ভারত ভূমি কৃষিপ্রধান দেশ ; এদেশে সকল প্রকার কৃষি দ্রব্য যেরূপ উৎকৃষ্ট হইতে পারে, অন্য কোন দেশে সেরূপ হওয়া সম্ভাবিত নহে । সুতরাং, ভারতে সর্ববতোভাবে যেরূপে কৃষির উন্নতি হয়, সকলের সে বিষয়ে সর্ববাঞ্চে মনোযোগী হওয়া উচিত । শীতপ্রধান বহুল-শৈলসঙ্কুল ইংলণ্ড লৌহ, টিন, কয়লা প্রভৃতি খনিজ দ্রব্যরাশির আকর । অপিচ, সেখানে কৰ্ষণযোগ্য ভূমির পরিমাণও অল্প । তাই ইংলণ্ড কৃষি প্রধানদেশ নহে । কৃষিহারা ঐ স্থানে উন্নতি করা সহজ নহে । পক্ষান্তরে, খনিজ লৌহ প্রভৃতি দ্রব্যসমূহের

স্থলভতার জগৎ ইংলণ্ডে শিল্পনিৰ্মাণ-সাধন যন্ত্ৰ সকল অনায়াসে প্ৰস্তুত হইতে পারে বলিয়া বাণিজ্য প্ৰধান হইয়াছে । দৈবের ইচ্ছায় বাহা হয় তাহার পৰিবৰ্ত্তন মানবের আয়ত্ত নহে । শীত-প্ৰধান দেশে শ্ৰমজীবীরা ১৬ ঘণ্টাকাল কাৰ্য্য কৰিতেও কুণ্ঠিত নহে । গ্ৰীষ্ম প্ৰধান ভাৰতবৰ্ষে কেহই ১০।১২ ঘণ্টা সময়ের অতি-ৱিস্তৃত পৰিশ্ৰম কৰিতে পারে না । ইহাৰ উপৰ এ দেশীয়লোকে সময়ের সদ্ব্যবহাৰ কৰিতেও জানে না । ভাৰতের শ্ৰমজীবীরা যদি এই দশ বার ঘণ্টাকাল নিয়মিত অধ্যবসায়ও একাগ্ৰতার সহিত কাৰ্য্য কৰিত, তাহা হইলে এদেশের অনেক উন্নতি হইতে পাবিত । বিলাতের শিক্ষিত কৃষকেরা অনূৰ্ব্বরা ভূমিতে নানা-নিধ সাব দিয়া ও বিবিধ বৈজ্ঞানিক উপায়ে কৃষিব য়েৰূপ উন্নতি কৰিতে চেষ্টা কৰিতেছেন, সেই রূপ উপায়ে উৰ্ব্বরা বিশাল ভাৰতভূমির নানা স্থানে নানাবিধ কৃষিব উন্নতিব দিকে সকলেব লক্ষ্য বাখা অবশ্য কৰ্ত্তব্য । বিলাত, শিবপুৰ বা পুৰা হইতে গাঁহাবা কৃষিতত্ত্ব নিময়ে অভিজ্ঞ হইয়া আসিয়াছেন, তাহাদেব উপদেশানুসাৰে ও পৃষ্ঠপোষকতায় এদেশীয় কৃষকেরা কাৰ্য্য কৰিলে বত্ৰলপবিমাণে নানাবিধ শস্ত উৎপন্ন হইতে পাবে । কৃষিলক্ষ দ্ৰব্যরাশিব বিনিময়ে দেশ দেশান্তৰ হইতে অৰ্থরাশি ও বিবিধ ধাতুদ্ৰব্য এদেশে আসিলে এবং সেই সকল ধাতু যথাযথ ভাবে যদি শিল্পকাৰ্য্যে ব্যবহৃত হয়, তাহা হইলে তখন এদেশের উন্নতিৰ পথ কে রুদ্ধ কৰিতে পারিবে ? এদেশে পাট ও তুলা প্ৰচুৰ পৰিমাণে উৎপন্ন হয় । ঐ সকল বস্ত্ৰৰ চাষে বিশেষ

দৃষ্টি রাখা বিধেয় । রেশমের পোকাগুলির প্রতি বিশেষ যত্ন করিয়া তাহার পোষণেও অমনোযোগী হওয়া উচিত নয় ।

পাট ও তুলা হইতে যেক্রমে চট ও সূতা যতদূর সম্ভব উৎকৃষ্ট ভাবে নিষ্কৃত হইতে পারে, তদ্বিষয়ে অভিজ্ঞগুরু উপদেশানুসারে কার্য্য করা বিধেয় । কৃষিপ্রধানদেশে বাণিজ্য কৃষিমূলক হইলেই দেশের প্রকৃত উন্নতি হইতে পারিবে। জলবায়ুর প্রতিকূলতায় এদেশীয় কলে ৪০নং সূতা অপেক্ষা বস্ত্রোপযোগী সূক্ষ্মতর সূতা প্রস্তুত হইতে পারে না । ঢাকার মশলিন সূতা খুব সূক্ষ্ম হইলেও উহা হাতে প্রস্তুত । সুতরাং, উহা অতি আয়াসসাধ্য বলিয়া বহুমূল্য হওয়ায় সাধারণলোকে ইহাতে প্রস্তুত বস্ত্রাদি ব্যবহার করিতে পারে না । অতএব এদেশে সাধারণের ব্যবহারোপযোগী অতিসূক্ষ্ম সূতার বস্ত্র প্রস্তুত করাইতে হইলে বিলাতী সূক্ষ্ম সূতার ব্যবহারের প্রয়োজন । এক্ষণে ফরাসডাঙ্গা ও শান্তিপুরের তাঁতিরা বিলাতী সূক্ষ্ম সূতায় দেশী বস্ত্র প্রস্তুত করে বলিয়াই এরূপ স্থলভদরে ভাল ভাল বস্ত্র বিক্রয় করিতে পরিতেছে । পক্ষান্তরে, যিনি কেবল দেশী সূতার বস্ত্র পরিধান করিতে ইচ্ছা করিবেন, তাঁহাকে এদেশীয় মোটা সূতার কাপড়েই আপাততঃ সন্তুষ্ট থাকিতে হইবে ।

কৃষিযোগ্য ভূমির অল্পতার জন্য যে দেশীয় লোককে দেশান্তর হইতে খাণ্ড সংগ্রহ করিতে হয়, সে দেশীয় লোক অন্তর্দেশীয় লোক অপেক্ষা অধিকতর শ্রমী ও স্বদেশীয় শিল্প উৎপাদনে বিশেষ তৎপর হইবে বিচিত্র কি ? সুতরাং, প্রাকৃতিক নিয়মানুসারে ইংলণ্ড বাণিজ্যের জন্য স্ফূর্ত হইয়াছে বলিতে হইবে । ইংলণ্ডের

সহিত বাণিজ্যে প্ৰতিদ্বন্দ্বী হওয়া ভাৰতের পক্ষে তত সহজ নহে । ইংলণ্ড ও ভাৰতের সহিত কৃষিবিষয়ে কখনও সমকক্ষ হইতে পাৰিবে না । অপিচ, বাণিজ্য ব্যক্তিব্যেকে যখন দেশের প্ৰকৃত অভ্যুদয় হওয়া অসম্ভব, তখন এদেশে যতদূৰ সম্ভব যেকুৱা বাণিজ্য হইতে পাৰে, তাহাৱাই প্ৰতি লক্ষ্য কৰা কৰ্ত্তব্য । বাণিজ্যদ্বাৰা দেশের অভ্যুদয় কৰিতে ইচ্ছা কৰিলে পূৰ্ৱাবধি ইংলণ্ডের বাণিজ্যের গতির প্ৰতি লক্ষ্য ৰাখিতে হইবে । এখনও আমাদেৱ কিছুকাল বাণিজ্যবিষয়ক নীতি শিক্ষা কৰিতে হইবে । ইংলণ্ডের মত এদেশে লৌহাদি দ্ৰব্যের প্ৰভূত খনি নাই । সুতৰাং, লৌহের দ্ৰব্য প্ৰস্তুত কৰাইয়া বাবসায় কৰিতে গেলে আমৰা কি কখন ইংলণ্ডের সমকক্ষ হইতে পাৰিব ? সমুদয় কলকাৰখানাৰ যন্ত্ৰ লৌহনিৰ্ম্মিত । কলে শিল্প দ্ৰব্য সকল যেকুৱা শীঘ্ৰ প্ৰভূত পৰিমাণে প্ৰস্তুত হইতে পাৰে, হস্তদ্বাৰা সেকুৱা হওয়া অসম্ভব । সুতৰাং, অধিকাংশ শিল্প বস্তুৰ নিৰ্ম্মাণোপযোগী কলকাৰখানাৰ জন্ত আমাদিগকে বিলাতে ছুটিতে হইবে । অতএব এ অবস্থায় বাণিজ্যের গুৰু ইংৰাজের সঙ্গে বিবাদ কৰিলে কি ৰূপে দেশে মঙ্গল হইতে পাৰে ? ইংৰাজ বাণিজ্যের জন্ত এদেশে আসিয়া প্ৰথম অবস্থায় যে কত নিগ্ৰহ সহ কৰিয়াছেন তাহা অনেকই জানেন । সেই ৰূপ স্বদেশের উন্নতিৰ জন্ত দেশ দেশান্তরে নানাবিষয় শিক্ষা কৰিতে গিয়া যদি ভাৰতবাসীৰ নিগ্ৰহ সহ কৰিতে হয়, তাহাও হৃদয়মনে সহ কৰা কৰ্ত্তব্য ।

কৃষির উন্নতির সঙ্গে সঙ্গে যতদূর সম্ভব দেশীয় শিল্পের উন্নতির দিকে মন দিতে হইবে। দেশীয় শিল্প প্রভূত হইলে তাহা দেশ দেশান্তরে পাঠাইয়া বাণিজ্যের বিস্তার করিতে হইবে। যাহা ভারতে দুর্বল, তাহা বিলাত হইতে আনাও এবং বিলাতে যাহা পাওয়া যায় না, তাহা ভারত হইতে পাঠাও। বিলাতী বস্তু ব্যবহার করিয়া একেবারে মোহিত হইও না। ঐ সকল বস্তুর উপাদানও প্রস্তুতপ্রণালীর উৎকর্ষসাধনবিষয়ে গুরু ইংরাজের নিকটে শিক্ষা কর। ভাই ভারতবাসী! রাজাপ্রজা সম্বন্ধ থাকায় ইংলণ্ডে শিক্ষা করিতে গেলে যে প্রীতি ও সমানুভূতি পাইতে পারিবে, অন্যদেশে গেলে সেরূপ সমানুভূতি পাইবার সম্ভাবনা কি? ইংলণ্ডে ইংরাজীতে সকল বিষয় শিখান হয় বলিয়া ইংরাজী শিক্ষিত ভারতসন্তানের নূতন বিষয় শিক্ষা করা অতি সহজ হইয়া উঠে। অন্য দেশে কোন বিষয় শিক্ষা করিতে গেলে, সেই দেশীয় ভাষা শিখিবার জন্য অনেক দিন অতিবাহিত করিয়া পাবে উদ্দেশ্য বিষয় শিখিতে হয়। অভিমান ও কলুষভাবের সহিত কোন কার্য্য কবিলে তাহা সুসিদ্ধ হওয়া কঠিন। তাই ব্রত, উপবাস, তপস্যা ও পূজা করিবার পূর্ব্বে সংযমী হইবার বিধি আছে। সকলের নিজ নিজ অবস্থানুসারে ব্যবস্থা করা উচিত।

ভারতের আর্থিক অবস্থার কথা এখন বলি। এদেশে প্রতি শিল্পীলোকের গড়ে বার্ষিক ৩০ টাকা ও প্রতি কৃষকের



২০ টাকা আয়। সকল দেশের লোকই ভারত অপেক্ষা ধনী। অনেকেই বলেন, যে ভারতের ধনরত্ন দ্বারা ইংলণ্ড পূর্ণ হওয়ায় ইংরাজ আজ ধনাঢ্য। ষাঁহারা একথা বলেন জার্মান, আট্রিয়া, আমেরিকা ও রুশ রাজ্যের অবস্থার প্রতি তাঁহারা একবার দৃষ্টিপাত করুন। ষাঁহাদের ভারতের সহিত কোন বিশেষ সংস্রব নাই, তাঁহাদের প্রতিলোকের বার্ষিক আয় প্রতিভারত-সন্তানের বার্ষিক আয় অপেক্ষা অনেক বেশী। সাম্রাজ্যের আয় অপেক্ষা বাণিজ্য হইতে ইংরাজের আয় অনেক অধিক; তাই ইংলণ্ড আজ সকল দেশ অপেক্ষা ধনাঢ্য। সর্বদা উৎসাহ-সম্পন্ন অধ্যবসায়ী কর্মবীর ইংরাজ লক্ষ্যবীর চঞ্চলা অপবাদটী চিরকালের জন্য যেন ক্ষালন করিয়া দিয়াছেন।

এই সমগ্র পৃথিবীর উপরে কর্মবীর ইংরাজের বিরূপ আধিপত্য অন্যান্য বৈদেশিক রাজার প্রভুত্বের সহিত তুলনা করিয়া দেখিলেই বুঝিতে পারা যাইবে।

অধিবাসীর সংখ্যা।

ব্রিটেন বা ইংরাজরাজ্য	৩৯৮,৪০১,৭০৪।
ফ্রান্স	২৫,৬৩৮,৩৫৫।
জার্মানি	৭২,৯৮৩,৯৮৩।
রুশিয়া	১৪৩,০০২,০০০।
আমেরিকার যুক্ত রাজ্য	৮৪,৯০৬,৮৫৬।
জাপান	৪৯,৭৯১,৩৯৩।

অধিকৃত ভূমির পরিমাণ ( বর্গমাইল )	সৈন্যবল	নৌবল
ব্রিটেন ১১,৯০৮,৩৭৮	১,১০০,৮১৩	২৫২,২০০
ফ্রান্স ৪,২৬২,১৩০	৪,৩৫০,০০০	১১৪,০০০
জার্মানি ১,২৩৬,৬৩০	৩,০০০,০০০	১৪৩,৫০০
রুশিয়া ৮,৬৬০,৩৯৫	৪,৬০০,০০০	১২৫,০০০
যুক্তরাজ্য ৩,৬৯৯,৩১৭	১৭৫,৫১৬	৪৬,০৪৯
জাপান ১৬১,১৯৮	১০০০,০০০	৮৬,০৮০

ইংরাজের অধিকৃত রাজ্যের পরিমাণ প্রায় এক কোটি ২০ বিংশ লক্ষ বর্গ মাইল অর্থাৎ ইংরাজের অন্যান্য অধিকৃত ভূমির আয়তন খরিলে ভারতবর্ষ তাহার আট ভাগের এক ভাগ মাত্র, আর আবিষ্কৃত সমস্ত পৃথিবীর মধ্যে বাস্তুব্য ভূমির এক পঞ্চমাংশ। এই সকল স্থানের অধিবাসীর সংখ্যা প্রায় চল্লিশ কোটি অর্থাৎ সমস্ত পৃথিবীস্থিত মানবের এক চতুর্থাংশ। এরূপ বিশাল রাজ্য এই পৃথিবীর মধ্যে আর কাহার নাই। তথাপি ১১ লক্ষ মাত্র সাধারণ সৈন্য দ্বারা ব্রিটিশ অধিকৃত রাজ্য সুশাসিত হইতেছে। এবং এক আমেরিকা ভিন্ন অন্যান্য দেশীয় রাজার সৈন্যবল বুদ্ধিবলশালী ইংরাজের সৈন্যবল অপেক্ষা অনেক অধিক। ইহা দ্বারা ইংরাজের রাজ্যে সর্বত্র শান্তি প্রতিষ্ঠিত ইহা স্পষ্টতঃ বুঝা যাইতেছে। নৌবল অন্যান্য দেশীয় রাজার নৌবল অপেক্ষা বেশী ইহা অশাস্তির সূচক নহে। কারণ পৃথিবীর এক প্রান্ত হইতে অপর প্রান্ত পর্যন্ত প্রজারকার

জন্য' শু' বাণিজ্যকার্যের সুবিধার জন্য' অনবরত 'সমুদ্রপথে' গতি বিধির আবশ্যিক। পরন্তু রাজ্যের বিশালতার অনুপাতে 'সংখ্যা' ও অনেক 'কম' বলা 'যাইতে' 'পারে-।' 'ভারতবাসী' প্রজা 'সংখ্যার' অনুপাতে 'ইংরাজের' অন্যান্য 'রাজ্যে' 'যদি' 'প্রজা' 'বাস' 'করিত', তাহাহইলে 'ব্রিটেন' প্রজার 'সংখ্যা' ২০০ শত কোটিরও 'অধিক' 'হইতে' 'পারিত'। কিন্তু 'অগা' 'দেশে' 'এদেশের' 'ন্যায়' 'অধিবাসীর' 'সংখ্যা' 'এত' 'অধিক' 'নহে'।'

'।' 'অগা' 'দেশে' 'অধিবাসীর' 'সংখ্যা' 'অধিক', 'আয়' 'বেশী'। 'আর' 'এদেশে' 'অধিবাসীর' 'সংখ্যা' 'অধিক', 'আয়' 'কম'; 'কাজেই' 'ভিক্ষুক' 'সংখ্যা' 'খুব' 'বেশী'। 'ভারতসম্ভান' 'অধ্যবসায়' 'শূন্য' 'ও' 'অলস', 'তাই' 'অনেকে' 'ভিক্ষোপজীবী' 'হইয়া' 'পড়িয়াছে'। 'আলস্য' 'ও' 'ভিক্ষোপ-জীবিতাই' 'এদেশের' 'সকল' 'অনর্থের' 'মূল'। 'ভারতে' ৪৪ লক্ষের 'ও' 'উপর' 'ভিক্ষারী' 'আছে', 'এত' 'ভিক্ষারী' 'অন্য' 'কোন' 'দেশে' 'নাই'। \*

এই ৪৪ লক্ষ লোকের মধ্যে আর ১৮ লক্ষ 'নরনারী' 'সুস্থ' 'ও' 'কার্য' 'ক্ষম'। 'ভারতে' 'ভিক্ষা' 'একটি' 'ব্যবসায়' 'হইয়া' 'দাঁড়াইয়াছে'। 'কোন' 'কোন' 'ভিক্ষারী'র 'মৃত্যুর' 'পরে' 'স্বর্ধ' 'পাওয়া' 'যায়' '।' 'এই' '১৮' 'লক্ষ' 'নরনারী' 'পরের' 'স্বর্ধ' 'না' 'চাপিয়া' 'যদি' 'উপার্জন' 'করিত', 'তাহা' 'হইলে' 'প্রত্যেকে' 'গড়ে' '৮০' 'আনা' 'উপার্জন' 'করিলেও' 'ভারতে' '৮১২' 'কোটি' 'টাকা' 'আয়' 'হইতে' 'পারিত'। 'সকান্তবে' 'প্রত্যেকের' 'আহারার্থে' 'গড়ে' '১০' 'পয়সা' 'করিয়া' 'ব্যয়' 'হইলেও' 'এদেশে' 'বাৎসরিক' 'আর' '৫১৬' 'কোটি' 'টাকার' 'অনর্থক' 'ক্ষয়' 'হইতে' 'পারিত' 'না'।

বাগ্লিজ্যে বসতে লক্ষ্মী স্তদর্শং কৃষিকর্মণি ।

তদর্শং রাজসেবায়াম্ ভিক্ষায়াম্ নৈব নৈব চ ॥

ভারতের এই মহাবাক্যের প্রথম পাদের প্রকৃতমর্ম গ্রহণ করিয়া আজ ইউরোপ এত উন্নত । আর আমরা শেষ পাদের মর্ম ‘ভিক্ষায় কিছুই নাই’ ইহা জানিয়াও ভিক্ষাবৃত্তি ত্যাগ করিতে পারি না । যে দেশে “কাজ কর্ম না জোটে, ভিক্ষা কবে খাব” এই প্রবাদটা প্রসিদ্ধ, সে দেশের মঙ্গল কোথায় ?

ভারতসম্প্রদায়ের অবনতির আর একটি কারণ উত্তরাধিকার-সূত্রে কোলিক সম্পত্তির সমান ভাগ । এ নিয়ম অবশ্য এখানে ক্ষত্রিয় রাজাদিগের ঘরে নাই । ইউরোপে জ্যেষ্ঠসন্তানই পৈতৃক সম্পত্তি পাইয়া থাকেন । ধনীর অপর সন্তানেরা পিতৃপ্রদত্ত কিছু অর্থ খাটাইয়া অথবা নিজে শ্রমপূর্বক উপায় করিয়া জীবনযাত্রা নির্বাহ করে । এইরূপে সম্পত্তি অবিভক্ত হওয়াতে ইংলণ্ডে মূল সম্পত্তি এদেশের ন্যায় উত্তরোত্তর ক্ষয় প্রাপ্ত না হইয়া বাড়িতে থাকে । অপিচ, ধনীর অপর সন্তানেরা বিবিধ উপায়ে অর্থ উপার্জন করিয়া জ্যেষ্ঠের সমকক্ষতা লাভে চেষ্টা করে । এই জন্য খেতদ্বীপ (ইউরোপ) ক্রমশঃ এত ধনাঢ্য হইতেছে । অধাবসায়গুণেই ইংরাজ এত উন্নত, পক্ষান্তরে ক্রমাগত স্বাভাবিক দুর্য্যোগদোষেই ভারতসম্প্রদায় আজ এত অবনত ।

শীতপ্রধানদেশের অনুকূলভায় কর্মবীর ইংরাজ যেরূপ দৃঢ় পরিশ্রমের সহিত বহুকাল কাজ করিতে পারেন, গ্রীষ্ম-

প্ৰধান ভাৰতে আমৰা তাদৃশ শ্ৰম কৰিতে সম্পূৰ্ণ অপাৰক।  
 তাই দৈবও এ বিষয়ে ভাৰতেৰ প্ৰতি বিমুখ। আদমনুমাৰিতে  
 স্থিৰীকৃত হইয়াছে যে, ভাৰতে সকল জাতি অপেক্ষা ব্ৰাহ্মণেৰ  
 সংখ্যা অধিক। যে দেশে যে জাতিৰ আধিক্য ও বৰ্ণগত প্ৰাধান্য,  
 তিহাই তাঁহাদেৰ প্ৰধান বৃত্তি ও নিৰ্দ্ধিত পৰভাগ্যোপজীবিতাই  
 তাঁহাদেৰ প্ৰধান অবলম্বন। এই ব্ৰাহ্মণজাতিৰ মध्ये প্ৰকৃত  
 শাস্ত্ৰজ্ঞ না হইয়া যাঁহাৰা কেবল গুৰুগিৰিদ্বাৰা জীবিকা নিৰ্বাহ  
 কৰেন, তাঁহাদেৰ তুল্য পৰভাগ্যোপজীবী আৰ কোথায়? কয়েক  
 শতাব্দী অতীত হইল, ৰাজা চন্দ্ৰগুপ্তেৰ ৰাজ্যও ব্ৰাহ্মণ মন্ত্ৰী দ্বাৰা  
 যে পৰিচালিত হইত ইহা কে না জানেন? যে ব্ৰাহ্মণজাতি  
 পূৰ্বে ৰাজ দৰবাৰে প্ৰধান মন্ত্ৰীৰ কাৰ্য্য কৰিতেন, আজ সেই  
 প্ৰতিভাসম্পন্ন ব্ৰাহ্মণসন্তান তিফুক ও পৰভাগ্যোপজীবী হইয়া  
 জীবন ধাবণ কৰিতেছেন, ইহা অপেক্ষা এ দেশেব আব অধঃ-  
 পতন কি হইতে পাৰে?





## নবম পরিচ্ছেদ ।

বিদ্যাচর্চা ও বিবিধ উপকার ।

ইংরাজশাসনে পাশ্চাত্য বিদ্যা সর্বত্র প্রসারিত হওয়ায় দেশের অনেক উন্নতি হইয়াছে । বিদ্যাবিস্তারবিষয়ে ইংরাজ কখনও উদাসীন নহেন । সিপাহীবিদ্রোহের স্থায় ভীষণ ঘটনা কালেও বিদ্যা শিক্ষা প্রসারিত হইয়াছিল । সেই সময়ে কলিকাতা, বোম্বাই ও মাদ্রাজে এক একটি বিশ্ববিদ্যালয় স্থাপিত হয় । বিশ্ববিদ্যালয় স্থাপিত হওয়াতে ভারতে উচ্চ অঙ্গের ইংরাজীশিক্ষার আদর ও গৌরব বর্দ্ধিত হইয়াছে । ক্রমে ক্রমে প্রতি জেলায় এক একটি গভর্ণমেন্ট স্কুল ও প্রধান প্রধান নগরে গভর্ণমেন্ট কলেজ স্থাপিত হওয়ায় শিক্ষাবিষয়ে সাধারণ প্রজার বিশেষ উপকার হইয়াছে । অনেকেই সাহিত্য, বিজ্ঞান, গণিত প্রভৃতি শাস্ত্রে বিশেষ পাণ্ডিত্য লাভ করিতেছেন । গ্রামে গ্রামে নিম্ন ও মধ্য শ্রেণীর বিদ্যালয় প্রতিষ্ঠিত হওয়ায় সামান্য প্রজাও বিদ্যা শিক্ষায় মনোযোগী হইতে পারিয়াছে । ইংরাজ পাশ্চাত্য

জ্ঞানের আদরের সহিত প্রাচ্য বিদ্যার ও বিশেষ পক্ষপাতী। সংস্কৃত, আরবী ও পারস্য বিজ্ঞার উন্নতির জন্যও গৃভর্ণমেন্ট সাহায্য করিয়া থাকেন।

পূর্বে অনেক গ্রামেই নীচজাতীয় লোককে অশিক্ষিত অবস্থায় অসভ্য ও বর্বরভাবে কাল কাটাইত, এই জন্য অনেক কুসংস্কারের বশবর্তী ছিল। দম্ভগণ বহু নরহত্যা দ্বারা অর্থ সংগ্রহ পূর্বক “কালী মাতার” পূজা দিয়া ‘পাপক্ষালনে’ চেষ্টা করিত। “কালী মাতার” সন্তোষের জন্য সময়ে সময়ে নরবলি দেওয়া হইত। খ্রীলোকেরা গঙ্গাসাগরে সন্তান নিক্ষেপ করিত। ইংরাজের কেবল শাসনপ্রভাবেই যে লোকে এই সকল ঘৃণিত কার্য্য হইতে নিবৃত্ত হইয়াছে, তাহা নহে। দেশ মধ্যে সর্বত্র সুশিক্ষার বিস্তারেই এই শাসনপ্রণালী সুপ্রতিষ্ঠিত হইয়াছে। আজ কাল নরবলি, সাগরে সন্তান-নিক্ষেপ প্রভৃতি নৃশংস কার্য্য লোকের মনের মধ্যেও উদ্ভিত হয় না। অপিচ, ইংরাজের চেষ্টায় সতীদাহ নিবারিত হইয়াছে। পূর্বে অনেক আত্মীয় লোক মৃত স্বামীর চিতাগ্নির মধ্যে তাহার বিধবা পত্নীকে বলপূর্বক বন্ধন করিয়া পোড়াইয়া ফেলিত। পাশ্চাত্যবিদ্যার প্রভাবে ওরূপ কুসংস্কারও এদেশ হইতে একেবারে বিদূরিত হইয়াছে। তবে এখনও এদেশে স্বেচ্ছাপূর্বক সহমৃতা সতীর দৃষ্টান্ত বিরল নহে। স্বামীর মৃত্যুশোকে মুগ্ধতা হইয়া কেহ কেহ প্রাণ বিসর্জন-পূর্বক ভারতের পবিত্র সতীধর্ম্ম পালন করিতেছেন।

স্থানে স্থানে বালিকাবিদ্যালয় প্রতিষ্ঠিত হওয়ায় খ্রীলোকেরও

সুশিক্ষিতের সুবিধা হইয়াছে । কয়েকটি এদেশীয়-শ্রীলোক, বিজ্ঞবিজ্ঞানের উচ্চ উপাধিও পাইয়াছেন ।\*

মেকলের মায় ইংরাজের উদারতায় এদেশের সর্বত্র ইংরাজী শিক্ষার বিস্তার হওয়াতেই পাশ্চাত্য-আলোকে আজ ভারত এত উদ্ভাসিত ও জ্ঞান-ও বিজ্ঞান-চর্চায় এত উন্নত হইয়াছে । প্রতিভাশালী লোকে গভর্ণমেন্টের ব্যয়ে বিলাতে গিয়া ভাল ভাল বিষয় শিখিয়া আসিতেছেন । স্বনামধন্য রাজালীর অগ্রণী বৈজ্ঞানিকগুরু ডাঃ জগদীশ বাবুর নাম কাহার অবিস্মিত ? ভারতের শিক্ষিত লোকমাত্রই বিজ্ঞানের আলোক পাইতে সমুৎসুক । দেশে বিজ্ঞানের চর্চা সমধিক হওয়াতে, বিলাতের মায় কলিকাতায় ও রাসায়নিক বিজ্ঞাপ্রভাবে ভাল ভাল ঔষধ প্রস্তুত হইতেছে । ইংরাজই এদেশে উৎকৃষ্ট মুদ্রাযন্ত্র প্রথমে, আনিয়াছেন এবং তাহার স্বাধীনতা প্রদান করিতেও কুণ্ঠিত হন নাই । এই কপ মুদ্রাযন্ত্রের স্বাধীনতায় কত ভাল ভাল পুস্তক ও পত্রিকা দেশীয় ও বিদেশীয় ভাষায় মুদ্রিত হইতেছে । পাশ্চাত্য ভাষার সহিত প্রতিযোগিতায় দেশের ভাষা স্বকল দিন দিন পবিপুষ্ট ও উন্নত হইতেছে ।

ইংরাজই প্রথমে এদেশে স্বদেশীয় ভাষায় পত্রিকা প্রকাশ করেন । এবং ইংরাজের সম্পাদকত্বাতেই প্রথমে শ্রীরামপুর হইতে বঙ্গভাষায় মাসিকপত্রিকা বাহির হয় । পাল্লিগণ এদেশে ধর্ম বিষয়ের বক্তৃতা করিতে আরম্ভ করিয়া এদেশের শিক্ষিত

\* যোঁকা, ছিন্দু, শ্রীলোকে ইত্যদ্যে কেহ অদ্যপি ততদুর শিক্ষিত হন নাই ।



লোকদিগকে অভিনব প্রণালীতে বস্তৃত্ব করিতে শিক্ষা দিয়া-  
ছেন । পূৰ্বে এদেশে গান ও কথকতাদ্বারা অনেক সময়ে শিক্ষা  
দেওয়ার রীতি ছিল ।

আজ আমরা ইংৰাজের নিকটেই রাজনীতিবিষয়ে চৰ্চ্চা  
করিতে শিখিয়াছি । স্বাধীন ইংলণ্ডের সমৃদ্ধি সন্মুখীন পৰাধীন  
শিক্ষিত ভারত সম্ভানেরও মনে আজ ন্যায্য অধিকার পাইবার  
লালসা বলবতী । স্বাধীনজাতির সংঘৰ্ষেই আমাদের মনে  
দিন দিন এ লালসা বাড়িয়াছে । এমন কি উচ্চ আকাঙ্ক্ষা  
দমন করাও এক্ষণে দুঃসাধ্য । গুরুর নিকটে বিনয় ও নম্রভাব  
প্রকাশ আমাদের কৌলিক ধৰ্ম্ম হইলেও ইংৰাজ গুরুর নিকটে  
স্বাধীনভাবে সকল বিষয়ে শিক্ষা করিয়া আমরা সে পূৰ্ব্বেভাব  
বিস্মৃত হইয়াছি । এক্ষণে এদেশীয় ছাত্রদিগের মনে যাহাতে  
পূৰ্ব্বেভাব উদ্ভূত হয়, ছাত্রগণ যাহাতে পূৰ্ব্বেবৎ বিনয় ও শিক্ষা-  
চাৰ দ্বারা রাজার মন আকর্ষণ করিতে পারে, তাহা সৰ্ব্বতো-  
ভাবে কৰ্ত্তব্য ।

পক্ষান্তরে এদেশীয় পত্রিকা সম্পাদক ও বাগ্মীদের ইংৰাজের  
অমথা নিন্দা হইতে বিরত থাকা উচিত । শাসনকর্তাদিগের  
ব্যক্তিগত কার্যো দুঃখিত বা হতাশ হইয়া শাসন-প্রণালীর  
দোষ প্রদৰ্শন করা কি বিজ্ঞের কার্য ? উহাতে মন্দ ভিন্ন ভাল  
ফলের আশা কোথায় ?

কোম্পানির প্রথম শাসনাধিকার হইতে ধরিলে ভারতে  
ইংৰাজ শাসন ১৩৬ বৎসর মাত্র হইয়াছে । আর ভারতবর্ষীয়

সময় হইতে গণনা করিলে ভারতে ইংরাজ রাজ্য ৫৭ বৎসর কাল প্রতিষ্ঠিত । এই অল্প কালের মধ্যে আমরা যে কত বিষয়ে ইংরাজের নিকটে উপকৃত হইয়াছি, সেজন্য সর্ববাস্তবিকরূপে ইংরাজের নিকটে কৃতজ্ঞ থাকা কি উচিত নয় ? অন্যান্য বিষয়ের কথা ত্যাগ করিলেও শাসন ও বিচারপ্রণালীর নিয়ম-নুবর্তিতা সন্দর্শনে ইংরাজের প্রতিকূলে বলিবার আমাদের কিছুই নাই । এ সংসারে শিক্ষা দ্বারা যেমন সভ্যতার বৃদ্ধি হয়, অমনি তার সঙ্গে সঙ্গে লোকে আশা ও আকাঙ্ক্ষার উচ্চসীমায় উঠিতে থাকে । এ অবস্থায় এরূপ উচ্চ আশা হওয়া অস্বাভাবিক নহে । অতএব সুশিক্ষিত স্বাধীনইংরাজের সংঘর্ষে আমাদের আশাও বাড়িয়া গিয়াছে । আশার বৃদ্ধির সঙ্গে সঙ্গে উচ্চ অধিকার প্রার্থনাও অন্যায় সঙ্গত নয় । কোম্পানির শাসনকালে আমাদের যে অবস্থা ছিল, তাহা অপেক্ষা অনেক বিষয়ে উন্নত হইয়াছে । এদেশীয় শিক্ষিত লোক বিলাতে সিভিল সার্ভিস পরীক্ষায় পারদর্শী হইয়া ম্যাজিস্ট্রেট, জজ, কমিশনার ও বোর্ডের মেম্বর পর্য্যন্ত হইতে পারিয়াছেন । বিলাতে ভারতসভারও সভ্য হইয়াছেন ।\* পূর্ব্বাপেক্ষা এদেশীয় লোকে এখন যে উচ্চপদ পাইতেছেন, তাহাতে আর সন্দেহ নাই । তবে উচ্চপদের সংখ্যা অল্প বলিয়া এখনও নিরাশ হওয়া উচিত নহে । ‘সবুরে মেওয়া ফলে’ । এই ৫০ বৎসর কাল বিশ্ববিদ্যালয় স্থাপিত হইয়াই এ

\* এক্ষণে শ্রীযুক্ত কৃষ্ণগোবিন্দ গুপ্ত ও আর একটি শিক্ষিত মুসলমান ভারত সভ্য মেম্বর হইয়াছেন ।

দেশের স্বল্প উন্নতি হইয়াছে, আর ৫৬ বৎসর কাল পরে যে ইহা অপেক্ষা অধিক উন্নতি হইতে পারিবে। তাহা সকলের অন্তরে। ক্রমে উচ্চ শিক্ষার স্রোত যত প্রবল হইতে থাকিবে, ভারত সম্ভারেরাও তত উন্নত পদ পাইতে থাকিবেন। কিন্তু উচ্চ শিক্ষাভিমাত্রী ভারতসম্ভারেরা ইতিমধ্যে যদি রাজপুরুষদের সহিত যথা বিরুদ্ধ করেন, তাহা হইলে আমাদের সকল আশায় জলাঞ্জলি দিতে হইবে।

আই বঙ্গবাসী! সুশিক্ষিত ইংরাজের দৃষ্টোপেক্ষে পড়িয়া ইংরাজের ছাত্র হইয়া ইংরাজের চরিত্র অনুকরণে স্বদেশ-প্রেমিক হও, স্বজাতি সেবায় মন নিবেশ কর, মাতৃভূমির পূজা কর ইহা বড় আনন্দের বিষয়। কিন্তু অন্তরে দম্ভাভাব পোষণ করিয়া নিজের উন্নতির পথ কণ্টকাক্ষীর্ণ করা কি শিক্ষিতের কাজ? যে কার্যাদ্বারা চরিত্র কলুষিত হয় সে কার্য সর্বতোভাবে পরিহার্য। ইংরাজের শাসনকার্য্যে অসন্তুষ্ট হও, রিধিসম্মত উপায়ে তাহার প্রতিবিধানে যত্ন কর। শিক্ষা ও প্রতিভা বলে অভিন্ন বৈজ্ঞানিক তত্ত্ব আবিষ্কার করিয়া পাশ্চাত্য শক্তির দিগের প্রতিযোগী হইতে চেষ্টা কর। অভিনব উপায়ে কৃষি, শিল্প ও বাণিজ্যের বৃদ্ধি দ্বারা জন্মভূমির অবস্থা উন্নত কর। যে কার্য্যে পাপ আছে ও বাহাতে ইহলোক ও পরলোক উভয় লোকেই দণ্ড ভোগ অবধারিত, এরূপ পাপ কার্য্য করিতে কখনও প্রবৃত্ত হইও না। পাপীর মন দুর্বল ও নিস্তেজ হয়। পাপীর মঙ্গল যুগ যুগান্তরেও হয় না। অতএব পূর্ব পুরুষের

পবিত্র চরিত্র স্মরণ করিয়া রাজাকে বিজ্ঞান মত ভক্তি করিবে। রাজদোহীর মঙ্গল কোথায় ? যে ইংরাজের সুশিক্ষা ও শাসন-শৃঙ্খলে আমরা পত্রিকা চালাইতে শিখিয়াছি, স্বত্বতা করিতে শিখিয়াছি ও মুদ্রাষন্ত্রের স্বাধীনতা পাইয়াছি, সেই শিক্ষাগুরু ইংরাজের প্রতি অন্তরে ও বিরুদ্ধাচরণ করিলে পরমেশ্বরের নিকটেও কি আমরা দণ্ডিত হইব না ? তাই সকল ! 'যদি ইচ্ছা হয়, রাজ কার্যের সমালোচনা কর, তাহাতে কাহারও আপত্তি নাই, তবে' সমালোচনাকালে সংযত ও ধীরভাবে বাক্য প্রয়োগ করাই কি উচিত নয় ? অনর্থক রাজপুরুষের প্রতি কর্কশ বাক্য বলিয়া কি ফল ? মুসলমান রাজত্বকালে আমরা এরূপ কি করিতে পারিতাম ? নিয়মানুবর্তী শাসনপ্রণালীর শৃঙ্খলে ইংরাজ আমা-দিগের অনেক দোষ উপেক্ষা করিয়া থাকেন।

ডাকঘরের সুবন্দোবস্ত করিয়া ইংরাজ এদেশের যে কি উপকার করিয়াছেন তাহা লেখনী দ্বারা প্রকাশনীয় নহে। পূর্বেও ডাকযোগে পত্র যাইত এবং মুসলমান রাজত্বকালে ঘোড়া দ্বারা ডাক বহন কার্য নিরীকৃত হইয়া অপেক্ষাকৃত সুবিধা হইয়াছিল বটে। কিন্তু সাধারণ প্রজালোকের পত্র পাইবার পক্ষে বিশেষ গোলযোগ ঘটিত। ইংরাজের শাসনে আজ গ্রামে গ্রামে ডাকঘর। দরিদ্র প্রজালোকেরাও এক পয়সার কার্ড লিখিয়া দূরবর্তী বন্ধুর নিকটে সংবাদ পাঠাইতেছে। সর্বত্র রেলপথ প্রসারিত হওয়ায় লোকের গমনাগমনের সুবিধার সহিত ডাকবিভাগের যে বিশেষ সুবিধা হইয়াছে তাহা বলাবাহুল্য। রেলপথ না থাকিলে

ডাকৰ এত সুবন্দোবস্ত হইতে পারিত না । ডাকযোগে মণি-অৰ্জাৰে দূরদেশ হইতে টাকা কড়ি আসিতেছে । এক ডাক-বিভাগের সুবন্দোবস্তের জন্তই ভারতবাসীর ইংৰাজের নিকটে চিরকাল কৃতজ্ঞ থাকা উচিত ।

নানাস্থানে রেলপথ প্রসারিত হওয়ায় দেশ দেশান্তর হইতে প্রয়োজনীয় দ্রব্য সকল আনাইবার বিশেষ সুবিধা হইয়াছে । পূৰ্বে খাল বা নদী দিয়া নৌকাযোগে মালপত্র পাঠাইতে বহু নিলম্ব হইত । রাজপথ দিয়া গোলকটযোগে পাঠাইলেও বিলম্ব অনিবার্য । জল ও স্থল পথে দস্যুভয় ছিল । সুতরাং বাণিজ্যের বিশেষ অসুবিধা হইত । রেলপথ প্রস্তুত হওয়াতে সে সকল অসুবিধা দূর হইয়াছে । এক মাসের দূরবর্তী স্থান হইতে দ্রব্য সকল এক দিনে আসিয়া পৌঁছিতেছে । রেলপথ দ্বারা এদেশে বাণিজ্যের পূৰ্ব্বাপেক্ষা যে বিশেষ সুবিধা হইয়াছে তাহা কে না স্বীকার করিবে ?

বৈজ্ঞানিক ইংৰাজের প্রতিভাবলে এদেশে টেলিগ্রাফ স্থাপিত হওয়ায় অশেষ উপকার সাধিত হইয়াছে । দুই ঘণ্টার মধ্যে ইংলণ্ডের সংবাদ এখানে আসিতেছে । টেলিগ্রাফ দ্বারা ভারত গভৰ্ণমেণ্ট অনেক প্রয়োজনীয় কার্য্য সেক্রেটারী অফ্ ফেটের সহিত পরামর্শ করিয়া সম্পাদন করেন । রাজকাৰ্য্যের সুবিধার সহিত প্রজাৰাও যে বিশেষ উপকৃত হইয়াছে কে না বলিবে ? কখন কেহ বৈদেশিক বন্ধুর জন্য উদ্ভিগ্ন হইলে তৎক্ষণাৎ নিমিষের মধ্যে ঘরে বসিয়া তাহার সংবাদ পাইতেছেন ।

টেলিগ্রাফের দ্বারা দূরদেশের সংবাদ জানিতে পারায় বণিকদিগেরও ব্যবসায়কার্যে বিশেষ সুবিধা হইয়াছে ।

পৃষ্ঠকার্যের শ্রীবৃদ্ধি সাধনে ও ইংরাজ গভর্নমেন্ট উদাসীন নহেন । স্থানে স্থানে কুপ, জলাশয় ও খাল খনন করাইয়া দিয়াছেন । তবে এই বিশাল ভারতভূমির উর্বরতা সম্পাদন পক্ষে এবং বৃষ্টিনিরপেক্ষ হইয়া শস্য বৃদ্ধি করিতে গেলে জলাশয় খালের সংখ্যা যে আরও বৃদ্ধির প্রয়োজন তাহা পূর্ব পরিচ্ছেদে বলিয়াছি ।

সদাশয় লর্ড রিপণ এদেশীয়দিগের উপরে আত্মশাসনের ভার অর্পণ করাতে নানা স্থানে মিউনিসিপ্যালিটি প্রতিষ্ঠিত হইয়াছে । মিউনিসিপ্যালিটির সদস্যগণ গ্রামসমূহের কর আদায় পূর্বক রাস্তা ঘাটের উন্নতি করিতেছেন । পয়ঃপ্রণালীর সংস্কার করিয়া গ্রামের স্বাস্থ্য রক্ষা করিতেও তাঁহারা উদাসীন নহেন । অনেক গ্রামেই বিশুদ্ধ কলের জলও ব্যবহৃত হইতেছে । ইংরাজের রাজধানী কলিকাতা, বোম্বাই ও মান্দ্রাজ নগরের সুন্দর সুন্দর অট্টালিকা ও অগাধ বাহু সৌন্দর্য্য দেখিলে কে না বিমোহিত হয় ? ডিষ্ট্রিক্ট বোর্ডের মেম্বর দিগের উপরও জেলার অনেক কার্যভার অর্পিত থাকায় দেশীয় লোকে অনেক কার্য নিজেরা পরিচালনা করিতেছেন ।

নগরে নগরে ডাক্তারখানা স্থাপিত হওয়ায়, দরিদ্র লোকে 'বিনা বায়ে চিকিৎসিত হইয়া দুঃসাধ্য রোগ হইতে মুক্তি পাইতেছে । ইংরাজের রাজ্যে বহুকাল হইতে আগন্তু মৃত এই

দেশীয় লোকেরা সকল বিষয়েই যেন অভিনব জীবন পাইয়া কার্য্য  
করিতে অগ্রসর হইতেছে । সকলেরই মন যেন অভিনব উচ্চ  
আশা ও আকাঙ্ক্ষার পূর্ণ হইয়াছে । শান্তিময় রাজ্যের ইহা  
অপেক্ষা আর কি সুলক্ষণ হইতে পারে ?





## দশম পরিচ্ছেদ ।

উপসংহাৰ ।

কোন ভারতবাসী মূললেখক বলিয়াছেন, “পরবশ্যতা দুঃখের কাবণ হইলেও মূর্খের প্রভু হওয়া অপেক্ষা পণ্ডিতের দাসত্ব করা ভাল, ইংরাজবাজত্বে আমবা এই প্রবাদের সত্যতা পদে পদে অনুভব কবিতেছি । ভারত বহু শতাব্দী হইতে পরাধীন হইয়া আছে । কিন্তু বর্তমান পরাধীনতা আমাদের প্লাবনীয় । বৈদেশিক ইংরাজ বহু গুণে গুণবান্ ও সভ্যতাদ্বিগেব শীর্ষ-স্থানীয় । ভারতবাসীদিগের বর্তমান অবস্থায় যে সকল সঙ্গুণ শিক্ষা করা আবশ্যক, ইংরাজের সে সকল গুণ যথেষ্ট আছে । সুতরাং ইংরাজের সাহচর্যে ভারতবাসী যে এক দিকে বিশেষ লাভবান হইতেছে, তাহাতে সন্দেহ নাই ।”

স্বর্গীয় সুপ্রসিদ্ধ মন্ত্রদেব, গোবিন্দ বানাডে বলিয়াছেন যে ইংরাজের সংস্পর্শে ব্যতীত ভারতসন্তান সমরোপযোগী জ্ঞান, বিজ্ঞান, চরিত্র ও জাতীয় অভুসয়ের অনুকূল সঙ্গুণসমূহ



লাভ কৰিতে পারে, সেই উদ্দেশ্যেই ভগবান্ এই উত্তর জাতিৰ অপূৰ্ব সংযোগ সাধন কৰিয়াছেন । ফলতঃ ভারতবাসী যতদিন পরাধীন অবস্থায় থাকিতে বাধ্য হইবে, তত দিন যেন তাহা-দিগকে ইংৰাজের অধীন হইয়াই থাকিতে হয় ।”

১৮৩৩ খৃষ্টাব্দে ব্ৰিটনৰ্ম বিলের আলোচনার সময়ে মহামতি উদারহৃদয় মেকলে কি বলিয়াছিলেন পাঠকগণ একবার তাহা অবহিত মনে পাঠ করুন ।

“আমরা ( ইংৰাজেরা ) যদি মানব সমাজের অংশবিশেষকে আমাদিগের সভ্যতা ও স্বাধীনতার সমান অধিকার প্রদানে কুণ্ঠিত হই, তাহা হইলে অকাৰণে আমরা সভ্যতা ও স্বাধীনতা লাভ কৰিয়াছি । ভারতসম্ভানদিগকে চিরকাল ভূত্যের স্থায় আজ্ঞা-ধীন রাখিবার উদ্দেশ্যে তাহাদিগকে অজ্ঞানান্ধকায়ে নিমগ্ন রাখা কি আমাদিগের উচিত ? অথবা আমরা তাহাদিগকে জ্ঞানালোক প্রদান করিব, কিন্তু জ্ঞান বৃদ্ধির সঙ্গে সঙ্গে তাহাদিগের মনে উচ্চাভিলাষ উদ্দীপ্ত হইতে দিব না ইহাই কি আমাদের অভিপ্রায় ? কিংবা উচ্চাভিলাষ উদ্দীপ্ত হইলেও স্থায়সঙ্গত ভাবে তাহাৰ পূরণ করিব না ইহাই কি আমাদিগের আন্তরিক ইচ্ছা ? কে এই সকল প্রশ্নের উত্তরে ‘ই্যা’ বলিতে পারেন ?

...

...

...

...

আমার কিন্তু এ বিষয়ে কোনই আশঙ্কা হয় না । আমাদিগের সরল কর্তব্যপথ পুরোভোগে প্রসারিত বহিরাছে । এই পথই প্রশস্ত । ইয়ত্ত আমাদিগের প্রযুক্তি শিক্ষাদানসকল-

ভিন্ন ক্ষেত্রে কালক্রমে ভারতবাসী সাধারণ লোকের চিন্তের একরূপ বিকাশ ঘটিবে যে, এই শাসনপদ্ধতিতে তাহারা আর সন্তুষ্ট থাকিবে না । ভবিষ্যতে হয়ত তাহারা পূর্ণভাবে ইউরোপীয় শাসনপ্রণালীর প্রবর্তনই প্রার্থনা করিতে পারে । একরূপ দিন কখনও উপস্থিত হইবে কি না আমি জানি না । কিন্তু আমি কখনও একরূপ সময়ের আগমনে বাধা প্রদান করিব না । যে দিন সত্য সত্য ভারতে সেই অবস্থা আসিবে, ইংলণ্ডের ইতিহাসে সেই দিন সর্বাপেক্ষা গৌরবজনক বলিয়া কীর্তিত হইবে । বাস্তবিক আমরাই সম্পূর্ণভাবে সেই গৌরবের অধিকারী হইব ।”

এই মহীয়সী বাণী উদারহৃদয় তেজস্বী ইংরাজ ভিন্ন আর কে বলিতে পারেন ? এক্ষণে সেই মেকলের বাণী ভবিষ্যদ্বাণীর স্ফূর্তি হইয়াছে । ইংরাজ কর্তৃক শিক্ষিত ভারতবাসীর আশা ও আকাঙ্ক্ষা ক্রমে ক্রমে উচ্চতর হইতেছে । পূর্বের স্ফূর্তি আর কেহই অল্পেতে সন্তুষ্ট হইতে পারেন না ।

স্বর্গীয় ভক্তিবাজন ভূদেববাবু বলিতেন যে “ইংরাজের মধ্যে কেহ কেহ দেবতাবাদ ও কেহ কেহ অস্বত্ববাদ প্রচলিত আছেন” । বাস্তবিক ইহা সম্পূর্ণ সত্য । প্রাকৃতিক নিয়মানুসারে সর্বত্র সকললোকের চরিত্রে সাম্প্রদায়িক ও তামস-জীবনের ভারতময় পরিদৃষ্ট হয় । বাঁহা চরিত্রে উদারতা, সত্য-নিষ্ঠা, পরস্পরপরতা, অস্বত্বতাগ প্রভৃতি সাম্প্রদায়িকতার আধিক্য, তিনি দেখেন । বাঁহা চরিত্রে অধ্যবসায়, অস্বত্বতা, ঐক্য-প্রবৃত্তি সাম্প্রদায়িকতার আধিক্য, তিনি মানেন । আর বাঁহা

চরিত্রে সঙ্গীর্ণতা, ব্যক্তিগত ঘেঁষ ও হিংসা ও একগামিতা প্রভৃতি তামসভাব প্রধান, তিনি অনুর বা রাক্ষস । সকল দেশীয়দিগের মধ্যে একরূপ ভাল ও মন্দ লোকের অভাব নাই ।

একগে আমরা ইংরাজের নিকটে কিছু শিক্ষিত হইয়া উচ্চ পদসংখ্যার বৃদ্ধির সহিত উচ্চতর পদ পাইবার জন্য অভিযোগ করিতেছি । কিন্তু ৭০ বৎসর পূর্বের উদার ইংরাজ মেকলে আমাদের সুবিধার জন্য পার্লামেন্ট সভায় কি না করিয়াছিলেন ? তাঁহার উদারনীতির বলে আজ ভারতবাসী পাশ্চাত্য-শিক্ষাদ্বারা অভিনব আলোক পাইয়াছে । যে ইংরাজ বিনা অনুরোধে স্বতঃপ্রবৃত্ত হইয়া ভারতের ভাবী মঙ্গলের জন্য ওরূপ উদারতা দেখাইতে পারিয়াছেন, সে রূপ সাংঘিকভাবাপন্ন দেবস্থানীয় ইংরাজ যে স্বতঃপ্রবৃত্ত হইয়া আমাদের দেশের মঙ্গলবিধানে চেষ্টা করিবেন না কে বলিতে পারে ? সেক্রেটারী অফ্ ফেট্ ও ভারতের অস্থান্য উচ্চ কর্মচারীর মনে একরূপ উদার ভাবের আবির্ভাব হওয়া অসম্ভব নয় । কিন্তু উচ্চশিক্ষার অভিমানে আমরা দেবসন্তান হইয়া বিষ্ণুরূপী রাজার প্রতি যদি অনুর-ভাব প্রকাশ করি, তাহা হইলে আমাদের আশা কিরূপে সফল হইতে পারে ?

এ বিষয়ে আমার একজন সুবিজ্ঞ বন্ধু বলেন যে, “ইংরাজ যদি ইচ্ছাপূর্বক আমাদেরকে উচ্চতম কার্য্যও প্রদান করেন, আমাদের তাহাতে বিশেষ আশ্বা নাই । প্রার্থনা ও অভিযোগ দ্বারা চেষ্টাপূর্বক আমরা যাহা পাইব, তাহাতেই আমাদের

অধিকতর তৃপ্তি”। এ কথাটী অতিরিক্ত আত্মাভিমানপ্রসূত ও নিতান্ত তমোগুণের বিকাশক বলিয়া আমার মনে ভাল লাগে নাই। শিক্ষিত পরাজিত জাতির উচ্চ আকাঙ্ক্ষা স্বাভাবিক হইলেও জেতার সহিত সমান অভিমানী হওয়া শ্রায় সঙ্গত নহে। সেরূপ দুরভিমানের ফলে আমাদের দেশের প্রকৃত মঙ্গল ব্যাহত হইতে পারে। আমরা প্রাপ্য অংশ সকল বিনয়পূর্বক রাজাকে জানাইতে কখন বিরত থাকিব না। কিন্তু কোন কারণে তাহা না পাইলেও মনকে কলুষিত হইতে দিব না। এইরূপ প্রার্থনার সহিত নম্রতা ও সহিষ্ণুতা থাকিলে বর্তমান ইংরাজগণও যে সময়ে সাত্ত্বিকভাবে প্রণোদিত হইয়া আমাদের আশামুরূপ প্রার্থনা পূরণ করিবেন না কে বলিতে পারে? এখনও মেকলের গায় উদার ইংরাজের অভাব হয় নাই।

দাদা ভাই নোরজী তাঁহার জন্মদিন উপলক্ষ্যে ভারতবাসীকে লক্ষ্য করিয়া উপদেশ দিয়াছেন,—

“আমি সকলকে আমার এই মিনতি জানাইতেছি যে, সর্ব প্রকার অত্যাচার পরিহার করিতে হইবে। আমাদের অভিযোগের সংখ্যা অনেক ও ঐ সকল শ্রায় সঙ্গত। অবিরাম উচ্চম, আত্মবিসর্জন, শাস্ত্যভাব, ধীরতা ও অধ্যবসায়ের সহিত প্রকৃত রাজনীতিসংস্কার-সংগ্রামকে অব্যাহত রাখ। ভয় ও স্তুতি এই দুটি পরিত্যাগ পূর্বক ব্রিটিশজাতির বিবেক ও শ্রায়বুদ্ধির নিকটে স্বেচ্ছাকারে জন্তু অনুরোধ কর।” এই কথা প্রসঙ্গে সঞ্জীবনী সম্পাদক বলিয়াছেন,—“রাজা বা প্রজা কেহই অত্যা-

চার দ্বারা জয়লাভ করিতে পারেন না । ইংরাজপ্রজাদিগকে রাজা প্রথম চার্লসের মুণ্ড কাটিয়া দ্বিতীয় চার্লসের সময়ে কি ঘোর প্রায়শ্চিত্ত করিতে হইয়াছিল । প্রজাদিগের স্বাধীনতা একেবারেই ছিল না । ইতিহাস শিক্ষা দিতেছে ‘অত্যাচার দ্বারা কেহ কখন জয়লাভ করিতে পারে না ।’ সুতরাং কোন বাঙ্গালি অত্যাচারকে জাতীয় উন্নতির সহায় বলিয়া মনে করিতে পারেন না । ধীরতা, সহিষ্ণুতা, আত্মত্যাগ ব্যতীত কখনও কোন জাতি বড় হইতে পারে না । ইংরাজের গ্নায়বুদ্ধিকে জাগ্রত করাই ভারতবাসীর এক প্রধান লক্ষ্য । যে দিন সেই গ্নায়বুদ্ধি জাগিবে, সে দিন ইংরাজ ও ভারতবাসী পরস্পরকে ভাই ভাই বলিয়া আলিঙ্গন করিবে ।”

দাদাভাই ও সম্পাদক মহাশয়ের উপদেশ সময়োপযোগী । এদেশীয় লোকে সময়ে এরূপ সদুপদেশ পাইলে, কুপথে পরিচালিত হইয়া বৃথা কষ্ট পাইত না এবং আমাদিগেরও কন্টের কারণ হইত না । অতএব ভাই বঙ্গবাসী ! যদি রাজার নিকটে কার্য লইতে ইচ্ছা কর, ধীর ও প্রশান্তভাবে কার্য কর । নাবালকদিগকে রাজনীতি রঙ্গমঞ্চ আর নাচাইও না । তাহার পরিণাম বিষময় । এ বিষয়ে শিক্ষক ও অর্ন্তিভাবকের বিশেষ দৃষ্টি রাখা কর্তব্য ।

যে ইংরাজের সুশাসনগুণে ভারতসম্ভান আজ পাশ্চাত্য জ্ঞানালোকে নবজীবন লাভ করিয়াছে, কালে তাঁহাদের স্বভাবিক কৃপায় সকল বিষয়েই যে সুবিধা ভোগ হইতে পারে বিচিত্র

কি ? উন্নতি লাভ করিতে গেলে বিনয়, নম্রতা ও সহিষ্ণুতার প্রয়োজন । এই এক শতাব্দীমাত্র ইংরাজ-অধিকারে এদেশের উপকার ও অপকারের মাত্রার সহিত মুসলমানদিগের ৭০০ বৎসর কাল রাজত্বের মধ্যে এদেশে উপকার ও অপকারের মাত্রা তুলনা করিয়া দেখিলে কে ইংরাজের শাসনপদ্ধতির প্রশংসা না করিয়া থাকিতে পারেন ? অনেক মুসলমান শাসনকর্তার বিধর্মীর প্রতি বিদ্বেষ স্বাভাবিক ছিল । পূর্বের মুসলমান শাসনকর্তাদিগের মধ্যে এক আকবর ব্যতীত বর্তমান কাবুলের আমীরের ন্যায় কেহই দেবভাবাপন্ন ছিলেন না । বিলাসিতা ও ইন্দ্রিয়পরায়ণতাদোষে অনেক মুসলমান শাসনকর্তা প্রজাদিগের বিশেষ অপ্রীতিভাজন হইতেন ।

বাজালির গৌরব রবি প্রতিভাশালী রমেশবাবু বলেন যে,— “বিজাতীয় বৈদেশিক শাসকের হস্তে বিজিত জাতির স্বার্থসম্পূর্ণরূপে অক্ষুণ্ণ করিতে পারে, অদ্যাপি এরূপ উপায় উদ্ভাবিত হয় নাই । তবে এই অনিষ্ট নিবারণের একটি মাত্র উপায় বিজিত জাতির হস্তে দেশের আংশিক শাসনভার সমর্পণ করা । ইহাতে জেতা ও বিজিত উভয় জাতিরই যথেষ্ট মঙ্গল সাধিত হইতে পারে ।”

রমেশ বাবুর বাক্যটি সূত্রের ন্যায় গম্ভীর । এদেশীয় উচ্চ শিক্ষিতদিগের উপরে দেশের আংশিক শাসনভার সমর্পণ করিলে দেশের কতদূর মঙ্গল সাধিত হইবে বলা সহজ নহে । কারণ দেখা গিয়াছে কেহ কেহ গুণানুসারে উচ্চতম পদ পাইয়াও

স্বাধীন ইংৰাজেৰে স্থায়ী সূচাৰুৰূপে কাৰ্য্য পৰিচালনা কৰিতে না পৱায় দেশেৰে বিশেষ মঙ্গল সাধন কৰিতে পাৱেন নাই। ৱমেশবাবুৰ মতে কাৰ্য্য হইতে পাৱিলে এদেশে অনেক উচ্চ ৱাজ কৰ্ম্মচাৰীৰ সংখ্যা বৃদ্ধি হইতে পাৱে বটে ; কিন্তু চাকৰীৰ অৰ্থে দেশ কখন কি ধনাঢ্য হইতে পাৱিয়াছে ? কৃষিপ্ৰধান দেশেৰে প্ৰকৃত উন্নতি কৰিতে ইচ্ছা কৰিলে গভৰ্ণমেণ্টেৰে মুখপানে অন বৰত চাকৰীৰ জন্য তাকাইয়া ফল কি ? আমাদেৰে সৰ্ব্বাংগে প্ৰাণপণে বিদ্যাশিক্ষা কৰা বিধেয়। চাকৰীই বিদ্যাশিক্ষাৰ চৰম লক্ষ্য ৱাখা উচিত নহে। যোগ্যতামুসাৰে গভৰ্ণমেণ্টেৰে উচ্চ কাৰ্য্যে যদি কোন দেশীয়ব্যক্তি নিযুক্ত হন ভাল, তাহাব জন্য ব্যস্ত হইবাৰ আবশ্যক নাই। সকলেৰেই স্বপ্ৰধানভাবে কাৰ্য্য কৰিতে অভ্যাস কৰা উচিত। শিবপুৰ বা পুৰাত কৃষিতত্ত্ব ভাল ৰূপে শিক্ষাপূৰ্বক জনসাধাৰণেৰে নিকটে বক্তৃত্তাধাৰা সেই বিদ্যা প্ৰসাৰিত কৰিয়া এদেশে সকল প্ৰকাৰ কৃষিৰ যাহাতে উন্নতি হয়, তদ্বিষয়ে বিশেষ মনোযোগী হওয়া কৰ্ত্তব্য। কৃষিৰ উন্নতিৰ সঙ্গে সঙ্গে শিল্প ও বাণিজ্যেৰে অভ্যদয়েৰে প্ৰতিও দৃষ্টিপাত কৰা আবশ্যক। শিক্ষিত দু-চাৰিজনকে উচ্চতম কাৰ্য্যে নিযুক্ত কৰা অপেক্ষা এদেশেৰে কৃষি শিল্প ও বাণিজ্যেৰে উন্নতিৰ জন্য গভৰ্ণমেণ্ট যদি প্ৰভূত সাহায্য কৰেন, দেশেৰে প্ৰকৃত মঙ্গল হইতে পাৱে। কাৰণ দেশেৰে অধিকাংশ লোক যখন কৃষিজীৱী ও দৰিদ্ৰ, তখন সাধাৰণ প্ৰজাৰে উন্নতি না হইলে দেশেৰে অভ্যদয় কিৰূপে হইতে পাৱে ?

এই অশুভবঙ্গদেশে শতকরা ১৫ জন লেখাপড়া জানে। গ্রামে গ্রামে বিদ্যালয় প্রতিষ্ঠিত থাকিলেও, গভর্নমেন্ট বিদ্যালয়-শিক্ষাবিষয়ে বিশেষ আগ্রহ প্রকাশ করিলেও, লোকে অল্প-চিন্তার জন্য ব্যাকুল হইয়া মনের চাম অপেক্ষা জমির চাষেই বাস্তু। সুতরাং পড়িবার বা পড়াইবার বিষয় মনেই করিতে পারে না। বিশেষতঃ এদেশের অধিকাংশ দরিদ্রলোকে সামান্য বিদ্যা শিখিয়াই চাকরীর জন্য লালায়িত। সে রূপ শিক্ষায় ফল কি? বরং তাহা দ্বারা দেশের অধিকতর অমঙ্গল সাধিত হইতেছে। সেই জন্য যাহারা লেখাপড়া শিখিতে তত ইচ্ছুক নহে, তাহাদিগকে মুখে মুখে কৃষি ও শিল্পবিষয়ে যথাযথ উপদেশ দেওয়া উচিত। তবে যদি কোন সুশিক্ষিত ভারতসন্তান উচ্চ রাজকার্যে নিযুক্ত হইয়া গভর্নমেন্টের নিকটে পদোচিত গৌরব ও নম্রতার সহিত নিজের স্বাধীন মন্তব্য খাপনপূর্বক দেশের প্রকৃত অভ্যুদয় করিতে চেষ্টা করেন, সে রূপ কৃতী পুরুষের ঢাকরি স্বীকার করা শ্লাঘনীয়। ক্রমে শিক্ষিতের সংখ্যার বৃদ্ধির সহিত বিশ্বস্তভাবে কার্য করিয়া গভর্নমেন্টের প্রীতি উৎপাদন করিতে পারিলে, অচিরকালের মধ্যে ভারতবাসী অনেক উচ্চ কর্ম্ম পাইতে পারিবেন, এরূপ আশা করিতে পারা যায়। সত্যান্ধা, স্বেচ্ছাভাবিতা, সময়ানুবর্তিতা, (Punctuality) কর্তব্যপরায়ণতা প্রভৃতি গুণে কর্ম্মবীর ইংরাজ যেরূপ প্রীতিলাভ করেন, এদেশের সুশিক্ষিত অর্থশূন্য, অতিরঞ্জিত চাটুবাণ্যে সে রূপ সম্ভব হইবে না। প্রভুত্ব ভোষামোদকারীর প্রতি অন্তরে বিরক্ত হইয়া থাকেন।



রাজা ও প্রজার বনিষ্ঠভাব অপেক্ষা দূরত্ব অনেক মঙ্গলজনক । দূরত্বে দেবভাব ও নৈকট্যে পশুভাব প্রকাশিত হইয়া পড়ে । এই জগৎ ১৯০০ শতাব্দীর প্রারম্ভে লক্ষরদিগের ইংলণ্ডে গমন প্রতিষিদ্ধ হইয়াছিল । বস্তুতঃ ইংলণ্ডের অবস্থা পূর্বের এরূপ ছিল না । ইংলণ্ড পূর্বের বর্ষারতা ও কঠোরতার আবাসভূমি ছিল । ইংলণ্ডের পূর্ব ইতিহাস পাঠ করিলেই সকলেই এই কথা প্রত্যক্ষ করিতে পারেন । প্রথম জেমস্ বা প্রথম চার্লসের রাজত্ব বিবরণীর সহিত বর্তমান রাজার রাজত্ব বিবরণী যদি কেহ তুলনা করেন, একের আনুগত্য পক্ষান্তরে অপরের দেবভাব তাঁহাকে সকল বিষয়েই স্বীকার করিতে হইবে । কালের মাহাত্ম্যো বিজ্ঞানের উন্নতির সঙ্গে সঙ্গে ইংরাজ আজ সভ্যতম ও শিক্ষিত-দিগের আদর্শস্থানীয় হইয়াছেন । তাই আজ ইংরাজের শাসনে ভারতের অবস্থা এত শীঘ্র পরিবর্তিত হইয়াছে । ইংরাজশাসনে ভারত আজ যে উপকার পাইয়াছে, কালের সহায়তায় বিজ্ঞানের অভ্যুদয়ে ইংরাজ তাহা করিতে পারিয়াছেন । ভারতেশ্বরী ভিক্টোরিয়া বা ভারতেশ্বর সপ্তম এডোয়ার্ডের সময়ে ভারতসম্ভান যেরূপ উপকার পাইয়াছে, ইংলণ্ডের ভূতপূর্ব রাজা জেমস্‌এর অধিকারে সে স্বচ্ছন্দতা লাভ করিতে পারিত কি ? সময়ের সাধ্যবহার ও অসাধারণ অধ্যবসায়গুণেই ইংরাজ আজ এত উন্নত । সুতরাং ভারত ও কেন না সেই উন্নত সভ্যজাতির সংসর্গে ইংলণ্ডের মত অচিরকালের মধ্যেই শ্রীম্পন্ন হইতে পারিবে ? এ'জগতে বিজ্ঞানই-যুগান্তর আনিয়াছে । পূর্বের ঋষিরা যোগ-

বলে যে সকল সম্পাদন করিতেন, এখন বিজ্ঞানবলে প্রায় সেই সকল কার্য সম্পাদিত হইতেছে। যোগবল অদৃষ্ট, বিজ্ঞান বল দৃষ্ট। তাই অনেকেই আজ দৃষ্টবলের পক্ষপাতী।

ভারতবাসীর শিক্ষা এখনও অপূর্ণ অবস্থায় আছে। বিজ্ঞা শিখিলেই শিক্ষা পূর্ণ হয় না। শিক্ষিত হইয়া দেশ, কাল ও পাত্র বুঝিয়া যিনি শিক্ষার সুফল প্রয়োগ করিতে জানেন, তাঁহার শিক্ষা পূর্ণ। গত বৎসরে জাতীয় মহাসমিতির সভাপতিনির্ব্বাচনে গোলযোগ দেখিরা ভারতে শিক্ষার পূর্ণতা কে স্বীকার করিতে পারে ?

ইংরাজের অধিকারে আজ কাল ভারতবর্ষ যেরূপ শাস্ত্রিময়, উত্তরোত্তর এই শাস্ত্রি বর্দ্ধিত করিতে গেলে রাজা ও প্রজা উভয়েরই ধীর ও প্রশান্তভাবে কার্য করা কর্তব্য। ইংরাজের ভারতবাসীর প্রতি যেরূপ বাৎসল্য, ভারত সন্তানেরও ইংরাজের প্রতি সেইরূপ ভক্তি করা কর্তব্য। ব্যক্তিগত স্বার্থের ব্যাঘাতে বা ব্যক্তিগত শাসনের দোষে প্রজাদিগের রাজার প্রতি ক্রোধ প্রকাশপূর্ব্বক কর্কশ বাক্য বলা বিধেয় নহে। পক্ষান্তরে রাজার ও প্রজাদিগের ন্যায্য আবদার রক্ষা বিষয়ে যথাসম্ভব যত্ন করা উচিত। বিজিত ও বিজেতৃত্বাব, দেশীয় ও বৈদেশিক ভাব পরম্পর ভিন্ন হইলেও শিক্ষার গৌরব স্মরণ করিয়া শিক্ষিত প্রজার প্রতি অন্তরে তুচ্ছ-তাজিলা করা রাজার বেরূপ গর্হিত, নিয়ন্তা দিক্‌পাল-শক্তিসম্পন্ন রাজার প্রতি ও প্রজার সেই রূপ কিঞ্চিৎ নম্র স্বার্থের জন্য অশ্রদ্ধার সহিত অবিনয়

ও ঔদ্ধত্য প্রকাশেও মহাপাপ । রাজকার্য্যসমালোচনাকালে সম্পাদকদিগেরও সংযত ভাবে লেখনী পরিচালনা করা কর্তব্য । দেশের অভাব অভিযোগ লিখিতে গিয়া রাজপুরুষের প্রতি অনর্থক কর্কশ বাক্য প্রয়োগ করা অবৈধ । ভারত ও ইংলণ্ডের স্বার্থ যখন পরস্পরের সহিত জড়িত, তখন এই উভয় জাতির মনে পরস্পরের প্রতি যত প্রীতি বাড়িবে, ততই উভয়ের মঙ্গল সুনিশ্চিত । এইরূপ বিজেতা ও বিজিতজাতির পরস্পর মিলনে জেতা যখন বুঝিতে পারিবেন, বিজিতজাতির মঙ্গলেই জেতার মঙ্গল, বিজিত জাতিব দেশ উন্নত হইলেই জেতার দেশের উন্নতি, তখন এক পাশ্চাত্যশিক্ষাসূত্রে বদ্ধ হইয়া এই দুই জাতি এক হইয়া এক মত কার্য্য করিতে পারিবেন । সাম্বিক উদারতার তেজে মনের কলুষভাব বিদূরিত হইয়া যাইবে । শিক্ষিত দিগের বিবেকপূর্ণ সহিষ্ণুতা ও ধীরতা অচিরেই এদেশে সেই পবিত্র সত্যযুগকে আনয়ন করিয়া দিবে আশা করিতে পারা যায় । বিজিত ও বিজেতাজাতির মনের মিল করিতে গেলে, আপাততঃ পরস্পরকে কিছু স্বার্থ ত্যাগ করিতে হইবে । এইরূপে অকৃত্রিম ভক্তি ও প্রীতিসূত্রে বিজিত ও বিজেতাজাতির পরস্পরের প্রতি প্রীতি সম্বন্ধিত হইলে, বৈদেশিক ইংরাজ তখন নিজ দেশের মত ভারতের মঙ্গলের জন্য ও প্রচুর অর্থ ব্যয় করিয়া সকল ভারতবাসীর হৃদয় রাজ্য অধিকার করিতে পারিবেন ইহা অনেকের বিশ্বাস । ইংলণ্ডের স্থায় অল্প স্থানের দ্বিগুণ বাণিজ্যের উন্নতিতে যখন ইংরাজ গভর্ণমেন্টের প্রভূত লাভ হইতেছে, তখন

এই বিশাল ভারতভূমিৰ কৃষি, শিল্প ও বাণিজ্যৰ উন্নতিতে দেশ ধনাঢ্য হইলে মঙ্গলৰ অংশীদাৰ রাজা ব্যতিৰেকে আর কে হইতে পাবেন ? এইরূপ করিলে ইংৰাজের জাতীয় গৌৰব যে অক্ষুণ্ণ থাকিবে, তাহা অনেক মনীষী ইংৰাজ ও অস্বীকার করেন না। শান্তিপ্রিয় ভারতবাসী চিরকালই রাজভক্ত। অন্তরের মধ্যে রাজাকে দিক্‌পাল বা বিষ্ণুৰ নায় বরাবর ভক্তি প্রদৰ্শন করিয়া আসিতেছে। আকালিক ক্ষুদ্ৰ তরলমেঘের অস্পষ্ট গৰ্জ্জনে সমুদয় পরাধীন দেশবাসীর প্রতি ক্রোধ প্রকাশ করা প্রভুর কর্তব্য নহে ইহা ইংৰাজের অবিদিত নাই। এদেশে কৃষি ও শিল্পের উন্নতি এবং দুৰ্ভিক্ষের প্রতীকারের জন্য পূৰ্বেই আমরা যে সকল বিষয় বলিয়াছি, প্রতিভাশালী ইংৰাজ প্রজাদিগের প্রকৃত অভাব বুঝিয়া ইতিমধ্যেই অনেকস্থানে সে সকল বিষয়ে মনোযোগী হইয়াছেন এবং প্রতিনিয়তই প্রজাদিগের সুখ সমৃদ্ধির বৃদ্ধিবিষয়ে যত্নপৰ্চেষ্টা করিতেছেন, অচিরকাল মধ্যে আমাদের দেশের আভ্যন্তরীণ অভ্যুদয় অবশ্যস্বার্থী।

এক্ষণে পরমপিতা কৃপাময় পরমেশ্বরের নিকটে আমরা কায়-মনোবাক্যে প্রার্থনা করি, তাঁহার কৃপায় এই ভারতবর্ষ চিরকাল যেন শান্তিময় থাকে, এবং যুগ যুগান্তর আমরা যেন এই নায় বান্ ইংৰাজের রাজ্যে সুখ সমৃদ্ধি বৃদ্ধি করিয়া স্বর্গাদপি গরীয়সী জননী জন্মভূমিকে এক ঐক্যে পূজা করিতে পারি। আর ইংৰাজও যেন মন হইতে কলুষভাব পরিবৰ্জনপূৰ্বক গুৰুৰ মত অকৃত্ৰিমভাবে আমাদের প্রতি চিরকাল স্নেহ করেন,

আমবাও সেই মত তাঁহাদের প্রতি শ্রদ্ধা ও ভক্তি কৰিতে কখন  
বিমুখ না হই ।

জগদীশ্বৰ আমাদিগেৰ ভক্তি ভাজন সম্রাট্ সপ্তম এডোয়ার্ড  
ও বৰ্ত্তমান বড়লাট ও ছোটলাট বাহাদুৰদিগকে তাঁহাদিগেৰ  
স্বজন ও সহকাৰীদিগেব সহিত সুস্থ ও দীৰ্ঘজীবী কৰুন, ইহা  
আন্তৰিক প্ৰাৰ্থনা ।



